

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं ॥

# कृष्ण यजुर्वेदीय तैत्तिरीय संहिता

## पद पाठः (वाक्य सहित)

### द्वितीयकाण्डे द्वितीयः प्रश्नः

**Notes:**

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).

---

## **Contents**

**2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं.....3**

**2.2 द्वितीयकाण्डे द्वितीयः प्रश्नः – इष्टिविधानं.....3**

पद पाठे (वाक्य सहित) – द्वितीयकाण्डे – द्वितीयः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

## 2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं

### 2.2 द्वितीयकाण्डे द्वितीयः प्रश्नः – इष्टिविधानं

#### 2.2.1.1

प्रजापतिः प्रजा असृजत ताः सृष्टा इन्द्राग्नी अपागूहताꣳ सोऽचायत्  
प्रजापतिरिन्द्राग्नी वै मे प्रजा अपाघुक्षतामिति स एतमैन्द्राग्न-  
मेकादशकपाल-मपश्यत् तं निरवपत् तावस्मै प्रजाः प्रासाधयता-  
मिन्द्राग्नी वा एतस्य प्रजामप गूहतो योऽलं प्रजायै सन् प्रजां न  
विन्दते ऐन्द्राग्न-मेकादशकपालं निर्वपेत्-प्रजाकाम इन्द्राग्नी-[] 1

#### 2.2.1.1- Padam

प्रजापतिरिति प्रजा-पतिः । प्रजा इति प्र – जाः । असृजत । ताः ।  
सृष्टाः । इन्द्राग्नी इतीन्द्र – अग्नी । अपेति । अगूहताम् । सः ।  
अचायत् । प्रजापतिरिति प्रजा – पतिः । इन्द्राग्नी इतीन्द्र-अग्नी ।  
वै । मे । प्रजा इति प्र – जाः । अपेति । अघुक्षताम् । इति । सः ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

ए॒तम् । ऐ॒न्द्रा॒ग्नमि॒त्यैन्द्र॑ – अ॒ग्नम् ।

एका॑द॒शक॒पालमि॒त्येका॑द॒श – क॒पालम् । अ॒पश्य॑त् । तम् । नि॒रिति॑ ।

अ॒वप॑त् । तौ । अ॒स्मै । प्र॒जा इति॑ प्र-जाः । प्रेति॑ । अ॒सा॒धय॑ताम् ।

इन्द्रा॑ग्नी इतीन्द्र॑ – अ॒ग्नी । वै । ए॒तस्य॑ । प्र॒जामि॑ति प्र – जा॒म् ।

अपे॑ति । गू॒ह॒तः । यः । अ॒लम् । प्र॒जाया॑ इति॑ प्र – जा॒यै । सन् ।

प्र॒जामि॑ति प्र – जा॒म् । न । वि॒न्दते॑ । ऐ॒न्द्रा॒ग्नमि॒त्यैन्द्र॑ – अ॒ग्नम् ।

एका॑द॒शक॒पालमि॒त्येका॑द॒श – क॒पालम् । नि॒रिति॑ । व॒पेत् ।

प्र॒जाका॑म इति॑ प्र॒जा – का॒मः । इन्द्रा॑ग्नी इतीन्द्र॑ – अ॒ग्नी । 1 (50)

**2.2.1.2**

ए॒व स्वे॑न भा॒ग॒धेये॒नोप॑ धावति॑ तावे॒वास्मै॑ प्र॒जां प्र सा॑धयतो वि॒न्दते॑

प्र॒जा-मैन्द्रा॑ग्न-मे॒काद॑शकपालं निर्व॒पेथ् स्पर्ध॑मानः क्षे॒त्रे वा

स॒जा॒तेषु॑ वेन्द्रा॑ग्नी ए॒व स्वे॑न भा॒ग॒धेये॒नोप॑ धावति॑ ताभ्या॑मेवेन्द्रि॒यं

वी॒र्यं॑ भ्रातृ॒व्यस्य॑ वृ॒द्धे वि पा॒प्म॒ना भ्रातृ॒व्येण॑ जयते॒ऽप वा

ए॒तस्मा॑दिन्द्रि॒यं वी॒र्यं॑ क्रा॒मति॑ यः सं॒ग्राम॑-मु॒प॒प्रया॑त्यैन्द्रा॑ग्न-

मे॒काद॑शकपालं नि – [ ] 2

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.1.2 - Padam**

ए॒व । स्वे॑न । भा॒ग॒धे॒ये॒ने॒ति॑ भा॒ग – धे॒ये॒न । उ॒पे॒ति॑ । धा॒व॒ति॑ । तौ ।  
ए॒व । अ॒स्मै । प्र॒जा॒मि॒ति॑ प्र – जा॒म् । प्रे॒ति॑ । सा॒ध॒य॒तः॑ । वि॒न्द॒ते॑ ॥  
प्र॒जा॒मि॒ति॑ प्र – जा॒म् । ऐ॒न्द्रा॒ग्न॒मि॒त्यै॑न्द्र – अ॒ग्न॒म् ।  
एका॑द॒श॒क॒पा॒ल॒मि॒त्ये॑का॒द॒श – क॒पा॒ल॒म् । नि॒रि॒ति॑ । व॒पे॒त् ।  
स्पर्ध॑मानः । क्षे॒त्रे ॥ वा । स॒जा॒ते॒ष्वि॒ति॑ स – जा॒ते॒षु॑ । वा ।  
इ॒न्द्रा॒ग्नी॑ इ॒ती॒न्द्र – अ॒ग्नी॑ । ए॒व । स्वे॑न । भा॒ग॒धे॒ये॒ने॒ति॑  
भा॒ग–धे॒ये॒न । उ॒पे॒ति॑ । धा॒व॒ति॑ । ता॒भ्या॑म् । ए॒व । इ॒न्द्रि॒य॒म् । वी॒र्य॑म् ।  
भ्रा॒तृ॒व्य॒स्य॑ । वृ॒द्धे॑ । वी॒ति॑ । पा॒प्म॒ना॑ ॥ भ्रा॒तृ॒व्ये॑ण । ज॒य॒ते॑ । अ॒पे॒ति॑ ।  
वै । ए॒त॒स्मा॒त् ॥ इ॒न्द्रि॒य॒म् । वी॒र्य॑म् । क्रा॒म॒ति॑ । यः ।  
सं॒ग्रा॒म॒मि॒ति॑ सं – ग्रा॒म॒म् । उ॒प॒प्र॒या॒ती॒त्यु॒प – प्र॒या॒ति॑ ।  
ऐ॒न्द्रा॒ग्न॒मि॒त्यै॑न्द्र–अ॒ग्न॒म् । ए॒का॑द॒श॒क॒पा॒ल॒मि॒त्ये॑का॒द॒श – क॒पा॒ल॒म् ।  
नि॒रि॒ति॑ । 2 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.1.3**

–र्व॑पे॒त् स॑ंग्राम–मु॒प॒प्र॒या॒स्यन्नि॑न्द्रा॒ग्नी ए॒व स्वे॑न॒ भा॒ग॒धे॒ये॒नो॒प धा॑वति  
ता॒वे॒वा॒स्मि॒न्नि॒न्द्रि॒यं वी॑र्यं॒ धत्तः॑ स॒हे॒न्द्रि॒ये॒ण वी॑र्ये॒णो॒प प्र॑ याति  
ज॒यति॑ त॒ꣳ स॑ंग्रामं॒ वि॒ वा ए॒ष इ॒न्द्रि॒ये॒ण वी॑र्ये॒ण॒र्ध्य॒ते यः॑ स॒ंग्रामं॑  
ज॒यत्यै॑न्द्रा॒ग्न–मे॒का॒द॒श॒क॒पा॒लं नि॒र्व॒पे॒त् स॑ंग्रामं॒ जि॒त्वे॑न्द्रा॒ग्नी ए॒व  
स्वे॑न॒ भा॒ग॒धे॒ये॒नो॒प धा॑वति॒ ता॒वे॒वा॒स्मि॒न्नि॒न्द्रि॒यं वी॑र्यं – [ ] 3

**2.2.1.3 - Padam**

व॒पे॒त् । स॑ंग्राममि॒ति सं – ग्रा॒मम् । उ॒प॒प्र॒या॒स्यन्नि॑त्यु॒प – प्र॒या॒स्यन् ।  
इ॒न्द्रा॒ग्नी इ॒ती॒न्द्र – अ॒ग्नी । ए॒व । स्वे॑न । भा॒ग॒धे॒ये॒ने॒ति  
भा॒ग – धे॒ये॒न । उ॒पे॒ति । धा॑वति । तौ । ए॒व । अ॒स्मि॒न् । इ॒न्द्रि॒यम् ।  
वी॑र्यम् । ध॒त्तः । स॒ह । इ॒न्द्रि॒ये॒ण । वी॑र्ये॒ण । उ॒प । प्रे॒ति । या॒ति ।  
ज॒यति॑ । तम् । स॑ंग्राममि॒ति सं – ग्रा॒मम् । वी॒ति । वै । ए॒षः ।  
इ॒न्द्रि॒ये॒ण । वी॑र्ये॒ण । ऋ॒ध्य॒ते । यः । स॑ंग्राममि॒ति सं – ग्रा॒मम् ।  
ज॒यति॑ । ऐ॒न्द्रा॒ग्नमि॒त्यै॒न्द्र – अ॒ग्नम् ।  
ए॒का॒द॒श॒क॒पा॒लमि॒त्यै॒का॒द॒श – क॒पा॒लम् । नि॒रि॒ति । व॒पे॒त् ।

पद पाठे (वाक्य सहित) – द्वितीयकाण्डे – द्वितीयः प्रश्नः

संग्राममिति सं – ग्रामम् । जित्वा । इन्द्राग्नी इतीन्द्र – अग्नी ।  
एव । स्वेन । भागधेयेनेति भाग – धेयेन । उपेति । धावति । तौ ।  
एव । अस्मिन् । इन्द्रियम् । वीर्यम् । 3 (50)

**2.2.1.4**

धत्तो नेन्द्रियेण वीर्येण व्यृध्यतेऽप वा एतस्मादिन्द्रियं वीर्यं क्रामति  
य एति जनतामैन्द्राग्न-मेकादशकपालं निर्वपे-ज्जनतामेष्यन्निन्द्राग्नी  
एव स्वेन भागधेयेनोप धावति तावेवास्मिन्निन्द्रियं वीर्यं धत्तः  
सहेन्द्रियेण वीर्येण जनतामेति पौष्णं चरुमनु निर्वपेत् पूषा वा  
इन्द्रियस्य वीर्यस्यानुप्रदाता पूषणमेव – [ ] 4

**2.2.1.4 - Padam**

धत्तः । न । इन्द्रियेण । वीर्येण । वीति । व्यृध्यते । अपेति । वै ।  
एतस्मात् । इन्द्रियम् । वीर्यम् । क्रामति । यः । एति । जनताम् ।  
ऐन्द्राग्नमित्यैन्द्र – अग्नम् । एकादशकपालमित्येकादश-कपालम् ।  
निरिति । वपेत् । जनताम् । एष्यन् । इन्द्राग्नी इतीन्द्र-अग्नी । एव ।  
स्वेन । भागधेयेनेति भाग – धेयेन । उपेति । धावति । तौ । एव ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

अ॒स्मिन् । इ॒न्द्रि॒यम् । वी॒र्यम् । ध॒त्तः । स॒ह । इ॒न्द्रि॒येण॑ । वी॒र्येण॑ ।  
ज॒नता॑म् । ए॒ति । पौ॒ष्णम् । च॒रुम् । अ॒नु । नि॒रिति॑ । व॒पेत् । पू॒षा ।  
वै । इ॒न्द्रि॒यस्य॑ । वी॒र्यस्य॑ । अ॒नु॒प्र॒दा॒तेत्य॑नु – प्र॒दा॒ता ।

पू॒षण॑म् । ए॒व । 4 (50)

**2.2.1.5**

स्वे॑न भा॒ग॒धे॒येनो॑प॒ धा॒वति॑ स ए॒वा॒स्मा इ॒न्द्रि॒यं वी॒र्य॑म॒नु प्र॑यच्छति  
क्षै॒त्रप॑त्यं च॒रुं निर्व॑पे-ज॒नता॑मा॒गत्ये॑यं वै क्षे॒त्रस्य॑ प॒तिर॒स्यामे॒व प्र॑ति  
तिष्ठ॑त्यै॒न्द्रा॒ग्न-मे॒काद॑शक॒पाल-मु॒परि॑ष्ठा-निर्व॑पेद॒स्यामे॒व  
प्र॑तिष्ठा॒यै॒न्द्रि॒यं वी॒र्य॑मु॒परि॑ष्ठा-दा॒त्मन् ध॑त्ते । 5

**2.2.1.5 - Padam**

स्वे॑न । भा॒ग॒धे॒येने॑ति भा॒ग – धे॒येन॑ । उ॒पेति॑ । धा॒वति॑ । सः ।  
ए॒व । अ॒स्मै । इ॒न्द्रि॒यम् । वी॒र्यम् । अ॒नु । प्रे॑ति । य॒च्छति॑ ।  
क्षै॒त्रप॑त्यमि॒ति क्षै॒त्र – प॑त्यम् । च॒रुम् । नि॒रिति॑ । व॒पेत् ।  
ज॒नता॑म् । आ॒ग॒त्ये॒त्या – ग॒त्य । इ॒यम् । वै । क्षे॒त्रस्य॑ । प॒तिः ।  
अ॒स्याम् । ए॒व । प्र॑तीति॑ । तिष्ठ॑ति । ऐ॒न्द्रा॒ग्नमि॒त्यै॒न्द्र – अ॒ग्नम् ।



पद पाठे (वाक्य सहित) – द्वितीयकाण्डे – द्वितीयः प्रश्नः

एकादशकपालमित्येकादश-कपालम् । उपरिष्ठात् । निरिति । वपेत् ।  
अस्याम् । एव । प्रतिष्ठायेति प्रति – स्थाय । इन्द्रियम् । वीर्यम् ।  
उपरिष्ठात् । आत्मन् । धत्ते । 5 (39)

(प्रजाकाम इन्द्राग्नी – उपप्रयात्यैन्द्राग्नमेकादशकपालं नि- वीर्यं –  
पूषणमे वै – कान्नचत्वारिंशच्च ) (A1)

#### 2.2.2.1

अग्नये पथिकृते पुरोडाश-मष्टकपालं निर्वपेद्यो दर्शपूर्णमासयाजी  
सन्नमावास्यां वा पौर्णमासीं वाऽतिपादयेत् पथो वा एषोध्यपथेनैति  
यो दर्शपूर्णमासयाजी सन्नमावास्यां वा पौर्णमासीं  
वातिपादयत्यग्निमेव पथिकृतं स्वेन भागधेयेनोप धावति स  
एवैनमपथात् पन्थामपि नयत्यनङ्वान् दक्षिणा वही ह्येष समृद्ध्या  
अग्नये व्रतपतये – [ ] 6

#### 2.2.2.1 - Padam

अग्नये । पथिकृत इति पथि – कृते । पुरोडाशम् ।  
अष्टकपालमित्यष्टा – कपालम् । निरिति । वपेत् । यः ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

दर्शपूर्णमासयाजीति दर्शपूर्णमास – याजी । सन् ।  
अमावास्यामित्यमा – वास्याम् । वा । पौर्णमासीमिति  
पौर्ण – मासीम् । वा । अतिपादयेदित्यति – पादयेत् । पथः । वै ।  
एषः । अधीति । अपथेन । एति । यः । दर्शपूर्णमासयाजीति  
दर्शपूर्णमास – याजी । सन् । अमावास्यामित्यमा – वास्याम् ।  
वा । पौर्णमासीमिति पौर्ण – मासीम् । वा । अतिपादयतीत्यति –  
पादयति । अग्निम् । एव । पथिकृतमिति पथि – कृतम् । स्वेन ।  
भागधेयेनेति भाग – धेयेन । उपेति । धावति । सः । एव । एनम् ।  
अपथात् । पन्थाम् । अपीति । नयति । अनङ्वान् । दक्षिणा । वही ।  
हि । एषः । समृद्ध्या इति सं – ऋद्ध्यै । अग्नये ।  
व्रतपतय इति व्रत-पतये । 6 (50)

**2.2.2.2**

पुरोडाशमष्टाकपालं निर्वपेद्य आहिताग्निः सन्नव्रत्यमिव चरेदग्निमेव  
व्रतपतिः स्वेन भागधेयेनोप धावति स एवैनं व्रतमा लभयति व्रत्यो  
भवत्यग्नये रक्षोघ्ने पुरोडाशमष्टाकपालं निर्वपेद्य रक्षांसि

पद पाठे (वाक्य सहित) – द्वितीयकाण्डे – द्वितीयः प्रश्नः

स॒चे॒र॒न्ना॒ग्नि॒मे॒व॒ र॒क्षो॒ह॒ण॒ꣳ स्वे॒न॒ भा॒ग॒धे॒ये॒नो॒प॒ धा॒व॒ति॒ स॒

ए॒वा॒स्मा॒द्-र॒क्षाꣳस्य॒प॒ ह॒न्ति॒ नि॒शि॒ता॒यां॒ निर्व॑पे - [ ] 7

**2.2.2.2 - Padam**

पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा - क॒पा॒ल॒म् । नि॒रि॒ति॒ । व॒पे॒त् ।

यः । आ॒हि॒ता॒ग्नि॒रि॒त्या॒हि॒त॒-अ॒ग्निः । स॒न् । अ॒व्र॒त्य॒म् । इ॒व । च॒रे॒त् ।

अ॒ग्नि॒म् । ए॒व । व्र॒त॒प॒ति॒मि॒ति॒ व्र॒त - प॒ति॒म् । स्वे॒न ।

भा॒ग॒धे॒ये॒ने॒ति॒ भा॒ग - धे॒ये॒न॒ । उ॒पे॒ति॒ । धा॒व॒ति॒ । सः । ए॒व ।

ए॒न॒म् । व्र॒त॒म् । ए॒ति॒ । ल॒भ॒य॒ति॒ । व्र॒त्यः । भ॒व॒ति॒ । अ॒ग्न॒ये॒ ।

र॒क्षो॒घ्न॒ इति॑ र॒क्षः - घ्ने॒ । पु॒रो॒डा॒श॒म् ।

अ॒ष्टा॒क॒पा॒ल॒मि॒त्य॒ष्टा - क॒पा॒ल॒म् । नि॒रि॒ति॒ । व॒पे॒त् । य॒म् । र॒क्षाꣳसि॒ ।

स॒चे॒र॒न् । अ॒ग्नि॒म् । ए॒व । र॒क्षो॒ह॒ण॒मि॒ति॒ र॒क्षः - ह॒न॒म् । स्वे॒न॒ ।

भा॒ग॒धे॒ये॒ने॒ति॒ भा॒ग-धे॒ये॒न॒ । उ॒पे॒ति॒ । धा॒व॒ति॒ । सः । ए॒व । अ॒स्मा॒त् ।

र॒क्षाꣳसि॒ । अ॒पे॒ति॒ । ह॒न्ति॒ । नि॒शि॒ता॒या॒मि॒ति॒ नि - शि॒ता॒या॒म् ।

नि॒रि॒ति॒ । व॒पे॒त् । 7 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.2.3**

– नि॒शि॒ता॒या॒ ॐ॒ हि॒ र॒क्षा॒ ॐ॒ सि॒ प्रे॒रते॑ सं॒प्रे॒र्णा॒न्ये॒वै॒ना॒नि॒ ह॒न्ति॑  
परि॑श्रि॒ते या॒जये॑द्–र॒क्ष॒सा–म॒न॒न्व॒व॒चा॒राय॑ र॒क्षो॒घ्नी॑ या॒ज्या॒नु॒वा॒क्ये॑  
भ॒वतो॑ र॒क्ष॒सा॒ ॐ॒ स्तृ॒त्या अ॒ग्नये॑ रु॒द्र॒व॒ते पु॒रो॒डा॒श॒म॒ष्टा॒क॒पा॒लं  
निर्व॑पे॒दभि॒च॒र॒न्ने॒षा वा॑ अ॒स्य॑ घो॒रा त॒नूर्य॑द्–रु॒द्र॒स्त॒स्मा ए॒वैन॑मा  
वृ॒श्च॒ति ता॒ज॒गा॒र्ति–मा॒च्छ॑त्य॒ग्नये॑ सु॒रभि॑मते पु॒रो॒डा॒श॒म॒ष्टा॒क॒पा॒लं  
निर्व॑पे॒द्य॒स्य गा॒वो वा॑ पु॒रु॒षा – [ ] 8

**2.2.2.3 - Padam**

नि॒शि॒ता॒या॒मि॒ति नि॑ – शि॒ता॒या॒म् । हि॑ । र॒क्षा॒ ॐ॒ सि॒ प्रे॒र॒त इति॑  
प्र – ई॒र॒ते । सं॒प्रे॒र्णा॒नी॒ति सं॑ – प्रे॒र्णा॒नि । ए॒व । ए॒ना॒नि ।  
ह॒न्ति॑ । परि॑श्रि॒त इति॑ परि॑ – श्रि॒ते । या॒ज॒ये॒त् । र॒क्ष॒सा॒म् ।  
अ॒न॒न्व॒व॒चा॒रा॒ये॒त्य॒न॒नु – अ॒व॒चा॒रा॒य । र॒क्षो॒घ्नी॑ इति॑ र॒क्षः – घ्नी॑ ।  
या॒ज्या॒नु॒वा॒क्ये॑ इति॑ या॒ज्या – अ॒नु॒वा॒क्ये॑ । भ॒व॒तः । र॒क्ष॒सा॒म् ।  
स्तृ॒त्यै । अ॒ग्नये॑ । रु॒द्र॒व॒त इति॑ रु॒द्र – व॒ते । पु॒रो॒डा॒श॒म् ।  
अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति । व॒पे॒त् ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

अ॒भि॒च॒र॒न्नि॒त्य॒भि॒ – च॒र॒न् । ए॒षा । वै । अ॒स्य॒ । घो॒रा । त॒नूः ।  
यत् । रु॒द्रः । तस्मै॑ । ए॒व । ए॒नम् । ए॒ति॑ । वृ॒श्च॒ति॑ । ता॒जक् ।  
आ॒र्ति॑म् । ए॒ति॑ । ऋ॒च्छ॒ति॑ । अ॒ग्नये॑ । सु॒र॒भि॒मत॒ इति॑ सु॒र॒भि॒ – म॒ते॑ ।  
पु॒रो॒डा॒शम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति॑ । व॒पेत् ।  
य॒स्य॒ । गा॒वः । वा । पु॒रु॒षाः । 8 (50)

**2.2.2.4**

वा प्र॒मी॒ये॒रन् यो वा बि॒भी॒या॒दे॒षा वा अ॒स्य भे॒ष॒ज्या त॒नूर्य॑थ्  
सु॒र॒भि॒म॒ती॒त॒यै॒वास्मै॑ भे॒ष॒जं॑ क॒रो॒ति सु॒र॒भि॒म॒ते भ॒व॒ति पू॒ती॒ग॒न्ध॒स्या–  
प॒ह॒त्या अ॒ग्नये॑ क्षा॒म॒व॒ते पु॒रो॒डा॒श॒म॒ष्टा॒क॒पा॒लं नि॒र्व॒पे॒थ् सं॒ग्रा॒मे सं॒य॑त्ते  
भा॒ग॒धे॒ये॒नै॒वैन॑श्च॒ श॒म॒यि॒त्वा प॒रा॒न॒भि नि॒र्दि॒श॒ति य॒म॒व॒रे॒षां वि॒ध्य॑न्ति  
जी॒व॒ति स॒ यं प॒रे॒षां प्र॒ स मी॑य॒ते ज॒य॒ति त॑श्च॒ सं॒ग्रा॒म – [ ] 9

**2.2.2.4 - Padam**

वा । प्र॒मी॒ये॒र॒न्नि॒ति॑ प्र – मी॒ये॒र॒न् । यः । वा । बि॒भी॒या॒त् । ए॒षा । वै ।  
अ॒स्य॒ । भे॒ष॒ज्या॑ । त॒नूः । यत् । सु॒र॒भि॒म॒ती॒ति॑ सु॒र॒भि॒–म॒ती॑ । त॒या॑ ।  
ए॒व । अ॒स्मै॑ । भे॒ष॒ज॒म् । क॒रो॒ति॑ । सु॒र॒भि॒मत॒ इति॑ सु॒र॒भि॒ – म॒ते॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

भवति । पू॒ती॒गन्ध॑स्येति पू॒ती – गन्ध॑स्य । अप॒ह॒त्या इत्य॑प – ह॒त्यै ।  
अ॒ग्नये॑ । क्षा॒मव॑त इति क्षा॒म – व॑ते । पु॒रो॒डा॒शम् ।  
अ॒ष्टाक॑पा॒लमि॒त्य॒ष्टा – क॒पा॒लम् । नि॒रि॒ति । व॒पेत् ।  
सं॒ग्रा॒म इति॑ सं – ग्रा॒मे । सँ॒य॒त्त इति॑ सं – य॒त्ते ।  
भा॒ग॒धे॒ये॒ने॒ति भा॒ग – धे॒ये॒न । ए॒व । ए॒नम् । श॒म॒यि॒त्वा ।  
प॒रा॒न् । अ॒भि । नि॒रि॒ति । दि॒श॒ति । यम् । अ॒व॒रे॒षाम् । वि॒ध्य॑न्ति ।  
जी॒व॒ति । सः । यम् । प॒रे॒षाम् । प्रे॒ति । सः । मी॒य॒ते । ज॒य॒ति ।  
तम् । सं॒ग्रा॒ममि॒ति सं – ग्रा॒मम् । 9 (50)

**2.2.2.5**

–म॒भि वा ए॒ष ए॒तानु॑च्यति॒ येषां॑ पू॒र्वा॒प॒रा अ॒न्व॒ञ्चः॑ प्र॒मी॒य॒न्ते  
पु॒रु॒षा॒हु॒ति॒र्ह्य॒स्य प्रि॒य॒त॒मा॒ग्नये॑ क्षा॒मव॑ते पु॒रो॒डा॒श॒म॒ष्टाक॑पा॒लं  
निर्व॑पेद्–भा॒ग॒धे॒ये॒नै॒वैन॑ꣳ श॒म॒य॒ति नैषां॑ पु॒राऽऽ\*यु॒षो॒परः॑ प्र॒मी॒य॒तेऽभि  
वा ए॒ष ए॒तस्य॑ गृ॒हानु॑च्यति॒ यस्य॑ गृ॒हान् द॑ह॒त्य॒ग्नये॑ क्षा॒मव॑ते  
पु॒रो॒डा॒श॒म॒ष्टाक॑पा॒लं निर्व॑पेद्–भा॒ग॒धे॒ये॒नै॒वैन॑ꣳ श॒म॒य॒ति ना ( )–  
स्या॒परं॑ गृ॒हान् द॑हति । 10

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.2.5 - Padam**

अ॒भी॒ति॑ । वै । ए॒षः । ए॒तान् । उ॒च्य॑ति । ये॒षाम् । पू॒र्वा॒परा॑ इति  
पू॒र्व – अ॒पराः । अ॒न्व॒ञ्चः । प्र॒मी॒यन्त॑ इति प्र – मी॒यन्ते॑ ।  
पु॒रु॒षा॒हु॒ति॒रिति॑ पु॒रु॒ष – आ॒हु॒तिः । हि । अ॒स्य । प्रि॒य॒त॒मे॒ति॑  
प्रि॒य – त॒मा । अ॒ग्नये॑ । क्षा॒म॒व॒त॒ इति॑ क्षा॒म – व॒ते । पु॒रो॒डा॒शम् ।  
अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति॑ । व॒पे॒त् ।  
भा॒ग॒धे॒ये॒ने॒ति॑ भा॒ग – धे॒ये॒न । ए॒व । ए॒नम् । श॒म॒य॒ति॑ । न ।  
ए॒षाम् । पु॒रा । आ॒यु॒षः । अ॒परः । प्रे॒ति॑ । मी॒य॒ते॑ । अ॒भी॒ति॑ । वै ।  
ए॒षः । ए॒तस्य॑ । गृ॒हान् । उ॒च्य॑ति । य॒स्य । गृ॒हान् । द॒ह॒ति॑ ।  
अ॒ग्नये॑ । क्षा॒म॒व॒त॒ इति॑ क्षा॒म – व॒ते । पु॒रो॒डा॒शम् ।  
अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति॑ । व॒पे॒त् ।  
भा॒ग॒धे॒ये॒ने॒ति॑ भा॒ग – धे॒ये॒न । ए॒व । ए॒नम् । श॒य॒म॒ति॑ । न ( ) ।  
अ॒स्य । अ॒परम् । गृ॒हान् । द॒ह॒ति॑ । 10 (54)  
(व्र॒त॒प॒त॒ये – नि॒शि॒ता॒यां निर्व॑पेत् – पु॒रु॒षाः – सं॒ग्रा॒मं – न –  
च॒त्वा॒रि॒ च) (A2)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.3.1**

अ॒ग्नये॑ का॒माय॑ पु॒रोडा॑शम॒ष्टाक॑पालं॒ निर्व॑पे॒द्यं का॒मो नो॑प॒नमे॑द॒ग्निमे॑व  
का॒मः स्वे॑न॒ भाग॑धेये॒नोप॑ धावति॒ स ए॒वैनं॑ का॒मेन॑ स॒मर्ध॑यत्यु॒पैनं॑  
का॒मो न॑मत्य॒ग्नये॑ य वि॒ष्टाय॑ पु॒रोडा॑शम॒ष्टाक॑पालं॒ निर्व॑पे॒थ् स्पर्ध॑मानः  
क्षेत्रे॑ वा स॒जाते॑षु वा॒ग्निमे॑व यवि॒ष्टः स्वे॑न॒ भाग॑धेये॒नोप॑ धावति॒  
तेनै॑वेन्द्रि॒यं वी॑र्यं॒ भ्रातृ॑व्यस्य – [ ] 11

**2.2.3.1 - Padam**

अ॒ग्नये॑ । का॒माय॑ । पु॒रोडा॑शम् । अ॒ष्टाक॑पालमि॒त्यष्टा॑ – क॒पालम् ।  
नि॒रिति॑ । व॒पेत् । यम् । का॒मः । न । उ॒प॒नमे॑दित्यु॒प – नमे॑त् ।  
अ॒ग्निम् । ए॒व । का॒मम् । स्वे॑न । भा॒ग॒धेये॑नेति॒ भाग॑ – धेये॑न ।  
उ॒पेति॑ । धा॒वति॑ । सः । ए॒व । ए॒नम् । का॒मेन॑ । स॒मिति॑ । अ॒र्धय॑ति ।  
उ॒पेति॑ । ए॒नम् । का॒मः । न॒मति॑ । अ॒ग्नये॑ । यवि॒ष्टाय॑ । पु॒रोडा॑शम् ।  
अ॒ष्टाक॑पालमि॒त्यष्टा॑-क॒पालम् । नि॒रिति॑ । व॒पेत् । स्पर्ध॑मानः । क्षेत्रे॑ ।  
वा । स॒जाते॑ष्विति॒ स – जा॒तेषु॑ । वा । अ॒ग्निम् । ए॒व । यवि॒ष्टम् ।



पद पाठे (वाक्य सहित) – द्वितीयकाण्डे – द्वितीयः प्रश्नः

स्वेन॑ । भा॒ग॒धे॒ये॒नेति॑ भा॒ग – धे॒येन॑ । उपेति॑ । धा॒वति॑ । तेन॑ । ए॒व ।  
इन्द्रि॑यम् । वी॒र्यम्॑ । भ्रातृ॑व्यस्य । 11 (50)

**2.2.3.2**

युव॑ते विपा॒प्मना॑ भ्रातृ॑व्येण जय॑तेऽग्नये॑ यवि॑ष्ठाय पु॒रोडा॑शम॒ष्टाक॑पालं  
निर्व॑पेदभि॒चर्य॑माणोऽग्नि॒मेव॑ यवि॑ष्ठः स्वेन॑ भा॒ग॒धे॒ये॒नोप॑ धा॒वति॑ स  
ए॒वास्माद्-रक्षा॑सि॒ यव॑यति॒ नैन॑-मभि॒चरन्॑ स्तृणु॑तेऽग्नय॑ आयु॑ष्मते  
पु॒रोडा॑शम॒ष्टाक॑पालं निर्व॑पेदः का॒मये॑त॒ सर्व॑मायु॒रिया॑-मित्य॒ग्नि-  
मे॒वाऽऽयु॑ष्मन्तः स्वेन॑ भा॒ग॒धे॒ये॒नोप॑ धा॒वति॑ स ए॒वास्मि॑ – [ ] 12

**2.2.3.2 - Padam**

युव॑ते । वी॒ति । पा॒प्मना॑ । भ्रातृ॑व्येण । जय॑ते । अ॒ग्नये॑ । यवि॑ष्ठाय ।  
पु॒रोडा॑शम् । अ॒ष्टाक॑पालमित्य॒ष्टा – क॒पालम् । निरि॑ति । व॒पेत् ।  
अभि॒चर्य॑माण इत्य॒भि – च॒र्यमा॑णः । अ॒ग्निम् । ए॒व । यवि॑ष्ठम् ।  
स्वेन॑ । भा॒ग॒धे॒ये॒नेति॑ भा॒ग – धे॒येन॑ । उपेति॑ । धा॒वति॑ । सः ।  
ए॒व । अ॒स्मात् । रक्षा॑सि । यव॑यति । न । ए॒नम् ।  
अभि॒चर॑न्नित्य॒भि – च॒रन् । स्तृणु॑ते । अ॒ग्नये॑ । आयु॑ष्मते ।

पद पाठे (वाक्य सहित) – द्वितीयकाण्डे – द्वितीयः प्रश्नः

पुरो॑डाश॑म् । अ॒ष्टाक॑पाल॒मित्य॑ष्टा-क॒पालम् । निरि॑ति । व॒पेत् । यः ।  
का॒मये॑त । सर्व॑म् । आ॒युः । इ॒याम् । इति॑ । अ॒ग्निम् । ए॒व ।  
आ॒युष्म॑न्तम् । स्वे॑न । भा॒गधे॑येनेति॑ भा॒ग - धे॑येन । उ॒पेति॑ ।

धा॒वति॑ । सः । ए॒व । अ॒स्मिन् । 12 (50)

**2.2.3.3**

-त्रा॒युर्द॑धाति॑ सर्व॑मा॒युरे॑त्य॒ग्नये॑ जा॒तवे॑द॒से पुरो॑डाश॑-म॒ष्टाक॑पालं  
निर्व॑पेद्-भू॒तिकामो॑ऽग्नि॒मेव॑ जा॒तवे॑द॒सः स्वे॑न भा॒गधे॑येनो॒प धा॒वति॑  
स ए॒वैनं॑ भू॒तिं ग॑मयति॑ भव॒त्येवा॑ग्नये॒ रुक्म॑ते पुरो॑डाश॑-म॒ष्टाक॑पालं  
निर्व॑पेद्-रुक्का॒मोऽग्नि॒मेव॑ रुक्म॑न्तः स्वे॑न भा॒गधे॑येनो॒प धा॒वति॑ स  
ए॒वास्मिन्॑ रुचं॑ द॒धाति॑रोच॒त ए॒वाग्नये॑ तेज॒स्वते॑ पुरो॑डाश॑ - [ ] 13

**2.2.3.3 - Padam**

आ॒युः । द॒धाति॑ । सर्व॑म् । आ॒युः । ए॒ति । अ॒ग्नये॑ । जा॒तवे॑द॒स इति॑  
जा॒त - वे॑द॒से । पुरो॑डाश॑म् । अ॒ष्टाक॑पाल॒मित्य॑ष्टा - क॒पालम् ।  
निरि॑ति । व॒पेत् । भू॒तिकाम॑ इति॑ भू॒ति - का॒मः । अ॒ग्निम् । ए॒व ।  
जा॒तवे॑द॒समि॑ति॑ जा॒त - वे॑द॒सम् । स्वे॑न ।

पद पाठे (वाक्य सहित) – द्वितीयकाण्डे – द्वितीयः प्रश्नः

भाग॑धेये॒नेति॑ भा॒ग – धे॒येन॑ । उ॒पेति॑ । धा॒वति॑ । सः । ए॒व । ए॒नम् ।  
भू॒तिम् । ग॒मय॑ति । भ॒वति॑ । ए॒व । अ॒ग्नये॑ । रु॒क्मते॑ । पु॒रोडा॑शम् ।  
अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ । व॒पेत् । रु॒क्काम॑ इति॒  
रुक् – का॒मः । अ॒ग्निम् । ए॒व । रु॒क्मन्त॑म् । स्वे॒न । भा॒गधेये॒नेति॑  
भा॒ग – धे॒येन॑ । उ॒पेति॑ । धा॒वति॑ । सः । ए॒व । अ॒स्मिन् । रु॒चम् ।  
द॒धाति॑ । रो॒चते॑ । ए॒व । अ॒ग्नये॑ । ते॒जस्व॑ते । पु॒रोडा॑शम् । 13 (50)

**2.2.3.4**

– म॒ष्टाक॑पा॒लं निर्व॑पेत् ते॒जस्का॑मोऽग्नि॒मेव॑ ते॒जस्व॑न्तः॒  
स्वे॒न भा॒गधेये॒नोप॑ धा॒वति॑ स ए॒वास्मि॑न् ते॒जो द॑धाति ते॒जस्व्ये॑व  
भ॒वत्य॑ग्नये॒ साह॑न्त्याय पु॒रोडा॑शम॒ष्टाक॑पा॒लं निर्व॑पेत् सी॒क्षमा॑णो  
ऽग्नि॒मेव॑ साह॑न्त्यः॒ स्वे॒न भा॒गधेये॒नोप॑ धा॒वति॑ ते॒नैव॑ स॒हते॑ यः  
सी॒क्षते॑ । 14

**2.2.3.4 - Padam**

अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ । व॒पेत् । ते॒जस्का॑म इति॒  
ते॒जः – का॒मः । अ॒ग्निम् । ए॒व । ते॒जस्व॑न्तम् । स्वे॒न ।

पद पाठे (वाक्य सहित) – द्वितीयकाण्डे – द्वितीयः प्रश्नः

भाग॑धे॒येनेति॑ भा॒ग-धे॒येन॑ । उ॒पेति॑ । धा॒वति॑ । सः । ए॒व । अ॒स्मिन् ।  
तेजः॑ । द॒धाति॑ । ते॒जस्वी॑ । ए॒व । भ॒वति॑ । अ॒ग्नये॑ । सा॒हन्त्या॑य ।  
पु॒रोडा॑शम् । अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ । व॒पेत् ।  
सी॒क्षमा॑णः । अ॒ग्निम् । ए॒व । सा॒हन्त्य॑म् । स्वेन॑ ।  
भाग॑धे॒येनेति॑ भा॒ग – धे॒येन॑ । उ॒पेति॑ । धा॒वति॑ । तेन॑ ।  
ए॒व । स॒हते॑ । यम् । सी॒क्षते॑ । 14 (38) (भ्रा॒तृव्य॑स्या – स्मिन् –  
तेज॑स्वते पु॒रोड॑श – म॒ष्टात्रि॑ंश॒च्च) (A3)

#### 2.2.4.1

अ॒ग्नये॑ऽन्न॒वते॑ पु॒रोडा॑शम॒ष्टाक॑पा॒लं निर्व॑पे॒द्यः का॒मये॑ता॒न्नवा॑न्थ-  
स्यामि॒त्यग्नि॑-मे॒वा-न्न॑वन्तः॒ स्वेन॑ भा॒गधे॒येनो॑प धा॒वति॑ स  
ए॒वैन॑म॒न्नव॑न्तं क॒रोत्य॑न्न॒वाने॒व भ॑वत्य॒ग्नये॑ऽन्ना॒दाय॑ पु॒रोडा॑शम॒ष्टाक॑पा॒लं  
निर्व॑पे॒द्यः का॒मये॑ता॒न्नादः॑ स्यामि॒त्यग्नि॑-मे॒वान्ना॑दः॒ स्वेन॑ भा॒गधे॒येनो॑प  
धा॒वति॑ स ए॒वैन॑म॒न्नादं॑ क॒रोत्य॑न्नाद – [ ] 15

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.4.1 - Padam**

अ॒ग्नये॑ । अ॒न्नव॑त् इ॒त्यन्न॑ – व॒ते । पु॒रोडा॑शम् ।  
अ॒ष्टाक॑पाल॒मित्य॑ष्टा – क॒पालम् । नि॒रिति॑ । व॒पेत् । यः ।  
का॒मये॑त् । अ॒न्नवा॑नित्यन्न – वा॒न् । स्या॑म् । इति॑ । अ॒ग्निम् ।  
ए॒व । अ॒न्नव॑न्त॒मित्य॑न्न – व॒न्तम् । स्वे॑न । भा॒गधे॑येनेति॑  
भा॒ग – धे॑येन । उ॒पेति॑ । धा॒वति॑ । सः । ए॒व । ए॒नम् ।  
अ॒न्नव॑न्त॒मित्य॑न्न – व॒न्तम् । क॒रोति॑ । अ॒न्नवा॑नित्यन्न – वा॒न् । ए॒व ।  
भ॒वति॑ । अ॒ग्नये॑ । अ॒न्नादा॑येत्यन्न – अ॒दाय॑ । पु॒रोडा॑शम् ।  
अ॒ष्टाक॑पाल॒मित्य॑ष्टा – क॒पालम् । नि॒रिति॑ । व॒पेत् । यः । का॒मये॑त् ।  
अ॒न्नाद॑ इ॒त्यन्न॑ – अ॒दः । स्या॑म् । इति॑ । अ॒ग्निम् । ए॒व ।  
अ॒न्नाद॑मित्यन्न – अ॒दम् । स्वे॑न । भा॒गधे॑येनेति॑ भा॒ग – धे॑येन ।  
उ॒पेति॑ । धा॒वति॑ । सः । ए॒व । ए॒नम् । अ॒न्नाद॑मित्यन्न – अ॒दम् ।  
क॒रोति॑ । अ॒न्नाद॑ इ॒त्यन्न॑ – अ॒दः । 15 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.4.2**

ए॒व भ॒वत्य॒ग्नयेऽन्न॑प॒तये॑ पु॒रोडा॑श॒मष्टा॑क॒पालं॑ निर्व॒पेद्वः॑का॒मये॑ता॒न्नप॑तिः  
स्या॒मित्य॑ग्नि॒-मे॒वान्न॑प॒तिः॑ स्वे॒न भा॒गधे॑ये॒नोप॑ धाव॒ति स ए॒वैन॑म॒न्नप॑तिं  
करो॒त्यन्न॑प॒तिरे॒व भ॒वत्य॒ग्नये॑ प॒वमा॑नाय पु॒रोडा॑श॒मष्टा॑क॒पालं॑  
निर्व॒पेद॒ग्नये॑ पा॒वका॑या॒ग्नये॑ शु॒चये॑ ज्यो॒गाम॑यावी यद॒ग्नये॑ प॒वमा॑नाय  
निर्व॒पति॑ प्रा॒णमे॒वास्मिन्॑ ते॒न द॑धाति यद॒ग्नये॑ – [ ] 16

**2.2.4.2 - Padam**

ए॒व । भ॒वति॑ । अ॒ग्नये॑ । अ॒न्नप॑तय इत्य॒न्न – प॑तये । पु॒रोडा॑शम् ।  
अ॒ष्टाक॑पाल॒मित्य॑ष्टा – क॒पालम् । निरि॑ति । व॒पेत् । यः । का॒मये॑त ।  
अ॒न्नप॑तिरित्य॒न्न – प॑तिः । स्या॒म् । इति॑ । अ॒ग्निम् । ए॒व ।  
अ॒न्नप॑तिमित्य॒न्न – प॑तिम् । स्वे॒न । भा॒गधे॑ये॒नेति॑ भा॒ग – धे॑ये॒न ।  
उ॒पेति॑ । धा॒वति॑ । सः । ए॒व । ए॒नम् । अ॒न्नप॑तिमित्य॒न्न – प॑तिम् ।  
करो॒ति । अ॒न्नप॑तिरित्य॒न्न – प॑तिः । ए॒व । भ॒वति॑ । अ॒ग्नये॑ ।  
प॒वमा॑नाय । पु॒रोडा॑शम् । अ॒ष्टाक॑पाल॒मित्य॑ष्टा – क॒पालम् । निरि॑ति ।  
व॒पेत् । अ॒ग्नये॑ । पा॒वका॑य । अ॒ग्नये॑ । शु॒चये॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

ज्यो॑गाम॒यावी॑ति ज्योक् – आ॒मया॒वी । यत् । अ॒ग्नये॑ । पव॑मानाय ।  
निर्व॑पतीति निः – वप॑ति । प्रा॒णमि॑ति प्र – अ॒नम् । ए॒व । अ॒स्मिन् ।  
तेन॑ । द॒धाति॑ । यत् । अ॒ग्नये॑ । 16 (50)

**2.2.4.3**

पाव॑काय वाच॑मेवास्मिन् तेन॑ द॒धाति॑ यद॒ग्नये॑ शुच॑ये आ॒युरे॑वास्मिन्  
तेन॑ द॒धात्यु॑त यदी॒तासु॑र्भव॑ति जी॒वत्ये॒वैतामे॒व निर्व॑पेच्चक्षु॑ष्कामो  
यद॒ग्नये॑ पव॑मानाय निर्व॑पति प्रा॒णमे॑वास्मिन् तेन॑ द॒धाति॑ यद॒ग्नये॑  
पाव॑काय वाच॑मेवास्मिन् तेन॑ द॒धाति॑ यद॒ग्नये॑ शुच॑ये चक्षु॑रेवास्मिन्  
तेन॑ द॒धा – [ ] 17

**2.2.4.3 - Padam**

पाव॑काय । वाच॑म् । ए॒व । अ॒स्मिन् । तेन॑ । द॒धाति॑ । यत् ।  
अ॒ग्नये॑ । शुच॑ये । आ॒युः । ए॒व । अ॒स्मिन् । तेन॑ । द॒धाति॑ । उ॒त ।  
यदि॑ । इ॒तासु॑रिती॒त-अ॒सुः । भव॑ति । जी॒वति॑ । ए॒व । ए॒ताम् । ए॒व ।  
नि॒रिति॑ । व॒पेत् । चक्षु॑ष्काम इति॑ चक्षुः – का॒मः । यत् । अ॒ग्नये॑ ।  
पव॑मानाय । निर्व॑पतीति निः – वप॑ति । प्रा॒णमि॑ति प्र-अ॒नम् । ए॒व ।

पद पाठे (वाक्य सहित) – द्वितीयकाण्डे – द्वितीयः प्रश्नः

अ॒स्मिन् । तेन॑ । द॒धाति॑ । यत् । अ॒ग्नये॑ । पा॒वकाय॑ । वाच॑म् । ए॒व ।  
अ॒स्मिन् । तेन॑ । द॒धाति॑ । यत् । अ॒ग्नये॑ । शु॒चये॑ । चक्षुः॑ । ए॒व ।  
अ॒स्मिन् । तेन॑ । द॒धाति॑ । 17 (50)

**2.2.4.4**

–त्यु॒त यद्य॑न्धो भव॑ति प्रै॒व प॑श्यत्य॒ग्नये॑ पु॒त्रव॑ते पु॒रोडा॑शम॒ष्टाक॑पालं  
निर्व॑पेदिन्द्रा॒य पु॒त्रिणे॑ पु॒रोडा॑शमेकादशकपालं प्रजा॑कामोऽग्नि॑रेवास्मै॑  
प्रजा॑प्र॒जन॑यति वृ॒द्धामिन्द्रः॑ प्र यच्छ॑त्य॒ग्नये॑ रस॑वतेऽज॒क्षीरे॑ चरुं  
निर्व॑पेद्यः काम॑येत रस॑वान्थ्–स्या॒मित्य॑ग्निमे॒व रस॑वन्त॒स्त्वेन॑  
भा॒गधे॑येनोप॒ धाव॑ति स ए॒वैन॑ रस॑वन्तं करोति – [ ] 18

**2.2.4.4 - Padam**

उ॒त । य॒दि । अ॒न्धः । भव॑ति । प्रेति॑ । ए॒व । प॑श्यति । अ॒ग्नये॑ ।  
पु॒त्रव॑त इति पु॒त्र – व॑ते । पु॒रोडा॑शम् ।  
अ॒ष्टाक॑पालमित्य॒ष्टा – क॒पालम् । निरि॑ति । व॒पेत् । इन्द्रा॑य । पु॒त्रिणे॑ ।  
पु॒रोडा॑शम् । ए॒काद॑शकपालमित्ये॒काद॑श – क॒पालम् ।  
प्रजा॑काम इति प्रजा – कामः॑ । अ॒ग्निः । ए॒व । अ॒स्मै ।



पद पाठे (वाक्य सहित) – द्वितीयकाण्डे – द्वितीयः प्रश्नः

---

प्र॒जामि॑ति प्र-जाम् । प्र॒जन॑यतीति प्र - जन॑यति ।  
वृ॒द्धाम् । इन्द्रः॑ । प्रेति॑ । य॒च्छति॑ । अ॒ग्नये॑ । रस॑वत इति रस-वते ।  
अज॑क्षीर इत्यज - क्षीरे । च॒रुम् । निरि॑ति । व॒पेत् । यः । का॒मये॑त ।  
रस॑वानिति रस - वान् । स्या॒म् । इति॑ । अ॒ग्निम् । ए॒व ।  
रस॑वन्तमिति रस - वन्तम् । स्वे॒न । भा॒गधे॑येनेति भाग - धेये॑न ।  
उपे॑ति । धा॒वति॑ । सः । ए॒व । ए॒नम् । रस॑वन्तमिति रस - वन्तम् ।  
करो॑ति । 18 (50)

**2.2.4.5**

रस॑वानेव भवत्यज॑क्षीरे भवत्या॒ग्नेयी॑ वा ए॒षा यद॒जा सा॒क्षादे॒व  
रस॑मव रुन्धे॒ऽग्नये॑ वसु॒मते॑ पु॒रोडा॑शम॒ष्टाक॑पालं निर्व॑पेद्यः का॒मये॑त  
वसु॒मान्त्-स्या॑मित्य॒ग्नि-मे॒व वसु॑मन्तः स्वे॒न भा॒गधे॑येनोप धा॒वति॑  
स ए॒वैनं॑ वसु॒मन्तं॑ करोति वसु॒माने॒व भव॑त्य॒ग्नये॑ वाज॒सृते॑  
पु॒रोडा॑शम॒ष्टाक॑पालं निर्व॑पेथ् संग्रा॒मे सं य॑त्ते वाजं - [ ] 19

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.4.5 - Padam**

र॒स॒वा॒नि॒ति॒ र॒स॒ – वा॒न् । ए॒व । भ॒व॒ति॒ । अ॒ज॒क्षी॒र इ॒त्य॒ज॒ – क्षी॒रे ।  
भ॒व॒ती॒ । आ॒ग्ने॒यी॒ । वै । ए॒षा । य॒त् । अ॒जा । सा॒क्षा॒दि॒ति॒  
स – अ॒क्षा॒त् । ए॒व । र॒स॒म् । अ॒वे॒ति॒ । रु॒न्धे॒ । अ॒ग्नये॑ । व॒सु॒म॒त॒  
इ॒ति॒ व॒सु॒ – म॒ते॒ । पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् ।  
नि॒रि॒ति॒ । व॒पे॒त् । यः । का॒म॒ये॒त॒ । व॒सु॒मा॒नि॒ति॒ व॒सु॒ – मा॒न् । स्या॒म् ।  
इ॒ति॒ । अ॒ग्नि॒म् । ए॒व । व॒सु॒म॒न्त॒मि॒ति॒ व॒सु॒ – म॒न्त॒म् । स्वे॒न ।  
भा॒ग॒धे॒ये॒ने॒ति॒ भा॒ग॒ – धे॒ये॒न॒ । उ॒पे॒ति॒ । धा॒व॒ति॒ । सः । ए॒व । ए॒न॒म् ।  
व॒सु॒म॒न्त॒मि॒ति॒ व॒सु॒ – म॒न्त॒म् । क॒रो॒ति॒ । व॒सु॒मा॒नि॒ति॒ व॒सु॒ – मा॒न् ।  
ए॒व । भ॒व॒ति॒ । अ॒ग्नये॑ । वा॒ज॒सृ॒त इ॒ति॒ वा॒ज॒ – सृ॒ते॒ । पु॒रो॒डा॒श॒म् ।  
अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॒ । व॒पे॒त् ।  
सं॒ग्रा॒म इ॒ति॒ सं॒ – ग्रा॒मे॒ । सँ॒य॒त्त॒ इ॒ति॒ सं॒ – य॒त्ते॒ । वा॒ज॒म् । 19 (50)

**2.2.4.6**

ँवा ए॒ष सि॒सीर्ष॑ति॒ यः सं॒ग्रा॒मं जि॒गी॒ष॒त्य॒ग्निः॒ खलु॒ वै दे॒वानां॑  
ँवा॒ज॒सृ॒द॒ग्नि॒मे॒व वा॒ज॒सृ॒त॒ स्वे॒न भा॒ग॒धे॒ये॒नो॒प धा॒व॒ति॒ धा॒व॒ति॒

पद पाठे (वाक्य सहित) – द्वितीयकाण्डे – द्वितीयः प्रश्नः

वा॒ज॒ꣳ ह॒न्ति वृ॒त्रं ज॒यति॑ तꣳ सं॒ग्रा॒मम॒थो अ॒ग्नि॒रिव॑ न प्र॒ति॒धृषे॑  
भ॒वत्य॒ग्नये॑ऽग्नि॒वते॑ पु॒रो॒डा॒शम॒ष्टाक॑पा॒लं निर्व॑पेद्-यस्या॒ग्ना- व॒ग्नि-  
म॒भ्यु॒द्धरे॑यु-निर्दिष्ट॑भा॒गो वा ए॒तयो॑र॒न्योऽनि॑र्दिष्टभा॒गोऽन्य॑स्तौ  
संभ॑वन्तौ यज॒मान - [ ] 20

**2.2.4.6 - Padam**

वै । ए॒षः । सि॒सीर्ष॑ति । यः । सं॒ग्रा॒ममि॑ति सं - ग्रा॒मम् ।  
जिगी॑षति । अ॒ग्निः । ख॒लु । वै । दे॒वाना॑म् । वा॒ज॒सृदि॑ति  
वा॒ज - सृ॑त् । अ॒ग्निम् । ए॒व । वा॒ज॒सृ॒तमि॑ति वा॒ज-सृ॑तम् । स्वे॒न ।  
भा॒ग॒धे॒येने॑ति भा॒ग - धे॒येन॑ । उ॒पेति॑ । धा॒वति॑ । धा॒वति॑ । वा॒जम् ।  
ह॒न्ति । वृ॒त्रम् । ज॒यति॑ । तम् । सं॒ग्रा॒ममि॑ति सं - ग्रा॒मम् । अ॒थो  
इति॑ । अ॒ग्निः । इ॒व । न । प्र॒ति॒धृष॑ इति॑ प्र॒ति - धृषे॑ । भ॒वति॑ ।  
अ॒ग्नये॑ । अ॒ग्नि॒वत॑ इत्य॒ग्नि - व॑ते । पु॒रो॒डा॒शम् ।  
अ॒ष्टाक॑पा॒लमि॒त्य॒ष्टा - क॑पा॒लम् । नि॒रिति॑ । व॒पेत् । य॒स्य । अ॒ग्नौ ।  
अ॒ग्निम् । अ॒भ्यु॒द्धरे॑यु॒रित्य॑भि - उ॒द्धरे॑युः । नि॒र्दिष्ट॑भा॒ग इति॑  
नि॒र्दिष्ट॑ - भा॒गः । वै । ए॒तयोः॑ । अ॒न्यः ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

अ॒निर्दि॑ष्टभा॒ग इत्य॑निर्दि॑ष्ट – भा॒गः । अ॒न्यः । तौ ।

सं॒भ॒व॒न्ता॒वि॒ति सं – भ॒व॒न्तौ । य॒ज॒मा॒नम् । 20 (50)

**2.2.4.7**

–म॒भि सं॒ भ॒वतः॑ स ई॒श्वर॑ आ॒र्ति॒मा॒र्तो–र्य॑द॒ग्नये॑ऽग्न॒वते॑ निर्व॒पति॑  
भा॒ग॒धे॒ये॒नै॒वैनौ॑ श॒म॒य॒ति नाऽऽ\*र्ति॑मा॒च्छति॑ य॒ज॒मा॒नोऽग्न॑ये ज्योति॑ष्मते  
पु॒रो॒डा॒श॒म॒ष्टाक॑पा॒लं निर्व॑पेद्–य॒स्या–ग्निरु॑द्धृ॒तोऽहु॑ते–ऽग्न॒होत्र॑  
उ॒द्वा॒ये द॒पर आ॒दी॒प्या॒नू॒द्धृत्य॑ इत्याहु॑स्तत् तथा न का॒र्यं यद्–  
भा॒ग॒धे॒यम॒भि पूर्वं॑ उ॒द्धि॒यते॑ किम॒परोऽभ्यु॑ – [ ] 21

**2.2.4.7 - Padam**

अ॒भि । स॒मि॒ति । भ॒वतः॑ । सः । ई॒श्वरः॑ । आ॒र्ति॒म् ।  
आ॒र्तो॒रि॒त्या – अ॒र्तोः॑ । यत् । अ॒ग्नये॑ । अ॒ग्न॒वत॑ इत्य॒ग्नि – व॒ते ।  
निर्व॒पती॑ति निः–व॒पति॑ । भा॒ग॒धे॒ये॒नेति॑ भा॒ग – धे॒येन॑ । ए॒व । ए॒नौ ।  
श॒म॒य॒ति । न । आ॒र्ति॒म् । ए॒ति । ऋ॒च्छति॑ । य॒ज॒मा॒नः । अ॒ग्नये॑ ।  
ज्योति॑ष्मते । पु॒रो॒डा॒शम् । अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ ।  
व॒पेत् । य॒स्य । अ॒ग्निः । उ॒द्धृत॑ इत्युत् – ह॒तः । अ॒हुते॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

अ॒ग्नि॒हो॒त्र इ॒त्यग्नि॑ – हो॒त्रे । उ॒द्वाये॑दि॒त्युत् – वा॒येत् । अ॒परः ।  
आ॒दी॒प्येत्या॑ – दी॒प्य । अ॒नू॒द्धृत्य॑ इ॒त्यनु॑ – उ॒द्धृत्यः॑ । इति॑ । आ॒हुः ।  
तत् । त॒था । न । का॒र्यम् । यत् । भा॒ग॒धेय॑मि॒ति भा॒ग – धेय॑म् ।  
अ॒भी॒ति । पू॒र्वः । उ॒द्धि॒यत॑ इ॒त्युत् – हि॒यते॑ । किम् । अ॒परः ।  
अ॒भि । उ॒दि॒ति । 21 (50)

#### **2.2.4.8**

– द॒ध्रिये॑तेति॒ तान्ये॑वा व॒क्षाणा॑नि स॒न्नि॒धाय॑ म॒न्थे॒दितः॑ प्र॒थमं॑ ज॒ज्ञे  
अ॒ग्निः स्वा॒द्योने॑रधि॒ जा॒तवे॑दाः । स गा॒य॒त्रिया॑ त्रि॒ष्टुभा॑ जग॒त्या  
दे॒वेभ्यो॑ ह॒व्यं व॑ह॒तु प्र॒जा॒न॒निति॑ छ॒न्दो॑भि॒रेवैन॑ स्वा॒द्योनेः॑  
प्र॒ज॒न॒य॒त्येष॑ वा व सौ॒ग्नि॒रि॒त्याहु॑ ज्योति॒स्त्वा अ॒स्य॒ परा॑प॒तित॑मि॒ति  
यद॒ग्नये॑ ज्योति॒ष्मते॑ नि॒र्वप॑ति॒ यदे॒वास्य॑ ( ) ज्योतिः॒ परा॑प॒तितं॑  
तदे॒वाव॑ रु॒न्धे । 22

#### **2.2.4.8 - Padam**

हि॒येत॑ । इति॑ । तानि॑ । ए॒व । अ॒व॒क्षाणा॑नी॒त्यव॑ – क्षा॒णा॒नि ।  
स॒न्नि॒धाये॑ति सं – नि॒धाय॑ । म॒न्थेत् । इतः॑ । प्र॒थम॑म् ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

ज॒ज्ञे । अ॒ग्निः । स्वा॒त् । यो॒नेः॑ । अधी॑ति । जा॒तवे॑दा इति  
जा॒त – वे॒दाः । सः । गा॒यत्रि॑या । त्रि॒ष्टुभा॑ । जग॑त्या । दे॒वेभ्यः॑ ।  
ह॒व्यम् । वह॑तु । प्र॒जा॒न॒न्रिति॑ प्र – जा॒नन् । इति॑ । छ॒न्दोभि॑रिति  
छ॒न्दः – भिः॑ । ए॒व । ए॒नम् । स्वा॒त् । यो॒नेः॑ । प्रेति॑ । ज॒नय॑ति ।  
ए॒षः । वा॒व । सः । अ॒ग्निः । इति॑ । आ॒हुः । ज्योतिः॑ । तु । वै ।  
अ॒स्य । परा॑प॒तित॑मिति॑ परा॑ – प॒तित॑म् । इति॑ । यत् । अ॒ग्नये॑ ।  
ज्योति॑ष्मते । निर्व॑प॒तीति॑ निः – व॒पति॑ । यत् । ए॒व । अ॒स्य ( ) ।  
ज्योतिः॑ । परा॑प॒तित॑मिति॑ परा॑ – प॒तित॑म् । तत् ।  
ए॒व । अ॒वेति॑ । रु॒न्धे । 22 (56)

(करो॑त्यन्नादो – द॒धाति॑ यद॒ग्नये॑ – शुच॑ये चक्षु॑रेवास्मिन् तेन॑ द॒धाति॑  
– करो॑ति – वा॒जं – य॑ज॒मान – मु – दे॒वास्य – षट्च॑) (A4)

**2.2.5.1**

वै॒श्वान॑रं द्वा॒दश॑क॒पालं॑ निर्व॑पेद्-वा॒रुणं॑ च॒रुं द॑धि॒क्राव्ण॑णे  
च॒रुम॑भि॒शस्य॑मानो यद्-वै॒श्वान॑रो द्वा॒दश॑क॒पालो॑ भ॒वति॑ सँव॑त्सरो वा  
अ॒ग्नि वै॒श्वान॑रः सँव॑त्सरेणै॒वैन॑ स्व॒दय॑त्यप॒ पापं॑ व॒र्णं॑ ह॒ते

पद पाठे (वाक्य सहित) – द्वितीयकाण्डे – द्वितीयः प्रश्नः

वारु॒णेनै॒वैनं॑ वरु॒णपा॒शान् मु॒ञ्चति॑ दधि॒क्राव्ण्णा पु॒नाति॑ हि॒रण्यं॑  
दक्षि॒णा प॒वित्रं॑ वै हि॒रण्यं पु॒नात्ये॒वैनमाद्य॑-म॒स्यान्नं॑ भवत्ये॒तामे॒व  
निर्व॑पेत् प्र॒जाका॒मः सँव॑त्सरो – [ ] 23

### 2.2.5.1 - Padam

वैश्वा॒नरम् । द्वा॒दश॑क॒पालमि॒ति द्वा॒दश – क॒पालम् । नि॒रिति॑ ।  
व॒पेत् । वा॒रुणम् । च॒रुम् । दधि॒क्राव्ण्ण इति॑ दधि – क्राव्ण्णै॑ ॥  
च॒रुम् । अ॒भि॒शस्य॑मान इत्य॒भि – शस्य॑मानः । यत् । वैश्वा॒नरः ।  
द्वा॒दश॑क॒पाल इति॑ द्वा॒दश – क॒पालः । भव॑ति ।  
सँव॑त्सर इति॑ सं – व॒त्स॒रः । वै । अ॒ग्निः । वैश्वा॒नरः ।  
सँव॑त्सरेणेति॑ सं – व॒त्स॒रेण॑ । ए॒व । ए॒नम् । स्व॒दय॑ति ।  
अ॒पेति॑ । पा॒पम् । वर्ण॑म् । ह॒ते । वा॒रुणे॑न । ए॒व । ए॒नम् ।  
वरु॒णपा॒शादि॑ति वरु॒ण – पा॒शात् । मु॒ञ्चति॑ । दधि॒क्राव्ण्णेति॑  
दधि – क्राव्ण्णा॑ ॥ पु॒नाति॑ । हि॒रण्यम् । दक्षि॒णा । प॒वित्रम्॑ । वै ।  
हि॒रण्यम् । पु॒नाति॑ । ए॒व । ए॒नम् । आ॒द्यम् । अ॒स्य । अ॒न्नम्॑ ॥

पद पाठे (वाक्य सहित) – द्वितीयकाण्डे – द्वितीयः प्रश्नः

---

भवति । एताम् । एव । निरिति । वपेत् । प्रजाकाम इति

प्रजा – कामः । सँवथ्सर इति सं – वथ्सरः । 23 (50)

**2.2.5.2**

वा एतस्या शान्तो योनिं प्रजायै पशूनां निर्दहति योऽलं प्रजायै सन्  
प्रजां न विन्दते यद्-वैश्वानरो द्वादशकपालो भवति सँवथ्सरो वा  
अग्निं वैश्वानरः सँवथ्सरमेव भागधेयेन शमयति सोऽस्मै शान्तः  
स्वाद्योनेः प्रजां प्रजनयति वारुणेनैवैनं वरुणपाशान् मुञ्चति  
दधिक्राव्ण्णा पुनाति हिरण्यं दक्षिणा पवित्रं वै हिरण्यं

पुनात्येवैनं- [ ] 24

**2.2.5.2 - Padam**

वै । एतस्य । अशान्तः । योनिम् । प्रजाया इति प्र – जायै ।  
पशूनाम् । निरिति । दहति । यः । अलम् । प्रजाया इति प्र-जायै ।  
सन् । प्रजामिति प्र – जाम् । न । विन्दते । यत् । वैश्वानरः ।  
द्वादशकपाल इति द्वादश – कपालः । भवति । सँवथ्सर इति  
सं – वथ्सरः । वै । अग्निः । वैश्वानरः ।



पद पाठे (वाक्य सहित) – द्वितीयकाण्डे – द्वितीयः प्रश्नः

सँव॒थ्स॒रमि॑ति सं – व॒थ्स॒रम् । ए॒व । भा॒ग॒धे॒ये॒नेति॑ भा॒ग – धे॒येन॑ ।  
श॒म॒य॒ति । सः । अ॒स्मै । शान्तः॑ । स्वा॒त् । यो॒नेः॑ । प्र॒जा॒मि॑ति  
प्र – जा॒म् । प्रे॒ति । ज॒न॒य॒ति । वा॒रु॒णेन॑ । ए॒व । ए॒नम् ।  
व॒रु॒ण॒पा॒शादि॑ति व॒रु॒ण – पा॒शा॒त् । मु॒ञ्च॒ति ।  
द॒धि॒क्रा॒व्ण॒णेति॑ द॒धि – क्रा॒व्ण॒णा॑ । पु॒ना॒ति । हि॒र॒ण्य॒म् । दक्षि॑णा ।  
प॒वि॒त्रम्॑ । वै । हि॒र॒ण्य॒म् । पु॒ना॒ति । ए॒व । ए॒नम् । 24 (50)

### 2.2.5.3

वि॒न्द॒ते॑ प्र॒जां वै॑श्वा॒न॒रं द्वा॑द॒श॒क॒पा॒लं निर्व॑पेत् पु॒त्रे जा॒ते॒य॒द॒ष्टा॒क॒पा॒लो  
भ॒व॒ति॑ गा॒य॒त्रि॒यै॒वैनं॑ ब्र॒ह्म॒व॒र्च॒सेन॑ पु॒ना॒ति य॒न्न॒व॒क॒पा॒ल-स्त्रि॒वृ॒तै॒वास्मि॑न्  
ते॒जो॑ द॒धा॒ति यद्-द॑श॒क॒पा॒लो वि॒रा॒जै॒वास्मि॑न् न॒न्नाद्यं॑ द॒धा॒ति  
य॒दे॒का॒द॒श॒क॒पा॒ल-स्त्रि॒ष्टु॒भै॒वास्मि॑न्नि॒न्द्रि॒यं द॒धा॒ति यद्-द्वा॑द॒श॒क॒पा॒लो  
ज॒ग॒त्यै॒वास्मि॑न् प॒शून् द॒धा॒ति य॒स्मिन् जा॒त ए॒ता॒मि॒ष्टिं  
निर्व॑पति पू॒त- [ ] 25

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.5.3 - Padam**

वि॒न्दते॑ । प्र॒जामि॑ति प्र – जाम् । वै॒श्वान॑रम् । द्वा॒दश॑क॒पाल॑मि॒ति  
द्वा॒दश – क॒पाल॑म् । नि॒रिति॑ । व॒पेत् । पु॒त्रे । जा॒ते । यत् ।  
अ॒ष्टाक॑पाल इत्य॒ष्टा – क॒पालः॑ । भ॒वति॑ । गा॒यत्रि॑या । ए॒व । ए॒नम् ।  
ब्र॒ह्मव॑र्च॒सेने॑ति ब्र॒ह्म – वर्च॑सेन । पु॒नाति॑ । यत् । न॒वक॑पाल इति  
न॒व – क॒पालः॑ । त्रि॒वृते॑ति त्रि – वृ॒ता । ए॒व । अ॒स्मिन् ।  
तेजः॑ । द॒धाति॑ । यत् । द॒शक॑पाल इति द॒श – क॒पालः॑ । वि॒राजे॑ति  
वि – रा॒जा । ए॒व । अ॒स्मिन् । अ॒न्नाद्य॑मित्य॒न्न – अद्य॑म् । द॒धाति॑ ।  
यत् । ए॒काद॑शक॒पाल इत्ये॒काद॑श – क॒पालः॑ । त्रि॒ष्टुभा॑ । ए॒व ।  
अ॒स्मिन् । इ॒न्द्रि॒यम् । द॒धाति॑ । यत् ।  
द्वा॒दश॑क॒पाल इति॑ द्वा॒दश – क॒पालः॑ । जग॑त्या । ए॒व । अ॒स्मिन् ।  
प॒शून् । द॒धाति॑ । य॒स्मिन् । जा॒ते । ए॒ताम् । इ॒ष्टिम् ।  
निर्व॑पतीति निः – व॒पति॑ । पू॒तः । 25 (50)

**2.2.5.4**

ए॒व ते॒ज॒स्व्य॒न्नाद॑ इ॒न्द्रि॒यावी॑ प॒शु॒मान् भ॒वत्य॑व वा ए॒ष  
सु॒व॒र्गाल्लो॒काच्छि॑द्यते यो द॒र्श॒पूर्ण॑मा॒सया॒जी स॒न्नमा॒वास्यां॑ वा  
पौ॒र्ण॒मासीं॑ वा॒तिपा॑दयति सु॒व॒र्गाय॑ हि लो॒काय॑ द॒र्श॒पूर्ण॑मा॒सा  
वि॒ज्येते॑ वै॒श्वान॑रं द्वा॒दश॑क॒पालं॑ निर्व॒पेद॑मा॒वास्यां॑ वा पौ॒र्ण॒मासीं॑  
वा॒तिपा॑द्य सँव॒त्सरो॑ वा अ॒ग्नि वै॒श्वान॑रः सँव॒त्सर॑मे॒व प्री॑णात्यथो  
सँव॒त्सर॑मे॒वास्मा॑ उप॒ दधा॑ति सु॒व॒र्गस्य॑ लो॒कस्य॑ स॒मष्ट्या॑-[ ] 26

**2.2.5.4 - Padam**

ए॒व । ते॒ज॒स्वी । अ॒न्नाद॑ इत्य॒न्न – अ॒दः । इ॒न्द्रि॒यावी॑ ।  
प॒शु॒मानि॑ति प॒शु – मा॒न् । भ॒वति॑ । अ॒वेति॑ । वै । ए॒षः ।  
सु॒व॒र्गादि॑ति सु॒वः – गा॒त् । लो॒कात् । छि॒द्यते॑ । यः ।  
द॒र्श॒पूर्ण॑मा॒सया॒जीति॑ द॒र्श॒पूर्ण॑मा॒स – या॒जी । स॒न् ।  
अ॒मा॒वास्या॑मि॒त्यमा॑ – वा॒स्याम् । वा । पौ॒र्ण॒मासी॑मि॒ति  
पौ॒र्ण – मा॒सीम् । वा । अ॒तिपा॑दयतीत्य॒ति – पा॑दयति ।  
सु॒व॒र्गाये॑ति सु॒वः – गा॒य । हि । लो॒काय॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

दर्॒श॒पूर्ण॒मा॒सा॒वि॒ति॒ दर्॒श॒ – पूर्ण॒मा॒सौ॒ । इ॒ज्ये॒ते॒ इति॑ । वै॒श्वा॒नर॒म् ।  
द्वा॒द॒श॒क॒पा॒ल॒मि॒ति॒ द्वा॒द॒श॒ – क॒पा॒ल॒म् । नि॒रि॒ति॒ । व॒पेत् ।  
अ॒मा॒वा॒स्या॒मि॒त्य॒मा॒ – वा॒स्याम्॑ । वा॒ । पौ॒र्ण॒मा॒सी॒मि॒ति॒  
पौ॒र्ण॒ – मा॒सी॒म् । वा॒ । अ॒ति॒पा॒द्ये॒त्य॒ति॒ – पा॒द्य॒ । सँ॒व॒त्स॒र॒ इति॑  
सं॒ – व॒त्स॒रः॑ । वै॒ । अ॒ग्निः॑ । वै॒श्वा॒नरः॑ । सँ॒व॒त्स॒र॒मि॒ति॒  
सं॒ – व॒त्स॒र॒म् । ए॒व । प्री॒णा॒ति॒ । अ॒थो॒ इति॑ । सँ॒व॒त्स॒र॒मि॒ति॒  
सं॒ – व॒त्स॒र॒म् । ए॒व । अ॒स्मै॑ । उ॒पे॒ति॒ । द॒धा॒ति॒ । सु॒व॒र्ग॒स्ये॒ति॒  
सु॒वः॑ – ग॒स्य॑ । लो॒क॒स्य॑ । स॒म॒ष्ट्या॑ इति॑ सं॒ – अ॒ष्ट्यै॑ । 26 (50)

### 2.2.5.5

अ॒थो॒ दे॒व॒ता॒ ए॒वा॒न्वा॒र॒भ्य॑ सु॒व॒र्गं॑ लो॒क॒मे॒ति॒ वी॒र॒हा॒ वा॒ ए॒ष॒ दे॒वा॒नां॑  
यो॒ऽग्नि॑-मु॒द्वा॒स॒य॒ते॒ न॒ वा॒ ए॒त॒स्य॑ ब्रा॒ह्म॒णा॒ ऋ॒ता॒य॒वः॑ पु॒रा॒ऽन्न॒म॒क्ष॒ना-  
ग्ने॒य॒म॒ष्टा॒क॒पा॒लं॑ निर्व॒पेद्-वै॒श्वा॒नरं॑ द्वा॒द॒श॒क॒पा॒ल-म॒ग्नि॒मु॒द्वा॒स॒यि॒ष्यन्  
य॒द॒ष्टा॒क॒पा॒लो॒ भव॑त्य॒ष्टा॒क्ष॒रा॒ गाय॑त्रीगा॒य॒त्रो॒ऽग्नि॒र्या॒वा॒ने॒वा॒ग्नि॒स्त॒स्मा॑  
आ॒ति॒थ्यं॑ क॒रो॒त्य॒थो॒ यथा॑ ज॒नं॑ य॒ते॒ऽव॒सं॑ क॒रो॒ति॑ तादृ॒ – [ ] 27

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.5.5 - Padam**

अथो॑ इति॑ । दे॒वताः॑ । ए॒व । अ॒न्वा॒र॒भ्येत्य॑नु – आ॒र॒भ्य ।  
सु॒वर्ग॑मिति॑ सु॒वः – ग॒म् । लो॒कम् । ए॒ति । वी॒र॒हेति॑ वी॒र-हा॑ । वै ।  
ए॒षः । दे॒वाना॑म् । यः । अ॒ग्नि॑म् । उ॒द्वा॒स॒य॒त इत्यु॑त् – वा॒स॒य॒ते । न ।  
वै । ए॒तस्य॑ । ब्रा॒ह्म॒णाः । ऋ॒ता॒य॒व इत्यृ॑त – य॒वः । पु॒रा । अ॒न्नम् ।  
अ॒क्ष॒न् । आ॒ग्ने॒यम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति ।  
व॒पेत् । वै॒श्वान॑रम् । द्वा॒द॒श॒क॒पा॒ल॒मि॒ति द्वा॒द॒श-क॒पा॒लम् । अ॒ग्नि॑म् ।  
उ॒द्वा॒स॒यि॒ष्य॒न्नित्यु॑त् – वा॒स॒यि॒ष्य॒न् । यत् । अ॒ष्टा॒क॒पा॒ल  
इ॒त्य॒ष्टा – क॒पा॒लः । भ॒व॒ति । अ॒ष्टा॒क्ष॒रे॒त्य॒ष्टा – अ॒क्ष॒रा ।  
गा॒य॒त्री । गा॒य॒त्रः । अ॒ग्निः । या॒वान् । ए॒व । अ॒ग्निः । तस्मै॑ ।  
आ॒ति॒थ्य॑म् । क॒रो॒ति । अथो॑ इति॑ । यथा॑ । ज॒नम् । य॒ते । अ॒व॒स॒म् ।  
क॒रो॒ति । ता॒दृक् । 27 (50)

**2.2.5.6**

–गे॒व तद्-द्वा॒द॒श॒क॒पा॒लो वै॒श्वान॑रो भ॒व॒ति द्वा॒द॒श मा॒साः सँव॑त्स॒रः  
सँव॑त्स॒रः ख॒लु वा अ॒ग्ने॒र्यो॒निः स्वा॒मे॒वैनं॑ यो॒निं ग॒म॒य-त्या॑द्य॒म॒स्यान्नं॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

भवति वै॒श्वान॑रं द्वा॒दश॑क॒पालं॑ निर्व॑पेन्मा॒रुत॑ꣳ स॒प्तक॑पालं॒ ग्राम॑काम  
आह॑वनी॒ये वै॒श्वान॑रम॒धि श्र॑यति॒ गार्.ह॑प॒त्ये मा॒रुतं॑ पा॒पव॑स्य॒सस्य॑  
वि॒धृत्यै॑ द्वा॒दश॑क॒पालो॑ वै॒श्वान॑रो भवति॒ द्वा॒दश॑ मा॒साः सँ॑व॒त्सरः॑  
सँ॑व॒त्सरे॑णैवा॒स्मै स॒जाता॑ꣳश्र॒याव॑यति॒ मा॒रुतो॑ भवति – [ ] 28

**2.2.5.6 - Padam**

ए॒व । तत् । द्वा॒दश॑क॒पाल॑ इति॒ द्वा॒दश॑ – क॒पालः । वै॒श्वान॑रः ।  
भव॑ति । द्वा॒दश॑ । मा॒साः । सँ॑व॒त्सर॑ इति॒ सं – व॒त्सरः ।  
सँ॑व॒त्सर॑ इति॒ सं – व॒त्सरः । ख॒लु । वै । अ॒ग्नेः । यो॒निः ।  
स्वा॒म् । ए॒व । ए॒नम् । यो॒निम् । ग॒मय॑ति । आ॒द्यम् । अ॒स्य ।  
अ॒न्नम् । भव॑ति । वै॒श्वान॑रम् । द्वा॒दश॑क॒पाल॑मि॒ति  
द्वा॒दश॑ – क॒पालम् । नि॒रिति॑ । व॒पेत् । मा॒रुतम् । स॒प्तक॑पालमि॒ति  
स॒प्त – क॒पालम् । ग्राम॑काम॒ इति॑ ग्राम॒ – का॒मः । आ॒हव॑नी॒य  
इ॒त्या – ह॒वनी॑ये । वै॒श्वान॑रम् । अधी॑ति । श्र॑यति । गार्.ह॑प॒त्य इति॑  
गार्.ह॑ – प॒त्ये । मा॒रुतम् । पा॒पव॑स्य॒सस्ये॑ति पा॒प – व॒स्यस्य॑ ।  
वि॒धृत्या॑ इति॒ वि – धृ॒त्यै । द्वा॒दश॑क॒पाल॑ इति॒ द्वा॒दश॑ – क॒पालः ।

पद पाठे (वाक्य सहित) – द्वितीयकाण्डे – द्वितीयः प्रश्नः

वै॒श्वान॑रः । भ॒वति॑ । द्वा॒द॒श॑ । मा॒साः॑ । सँ॒व॒थ्स॑र इति सं-व॒थ्स॑रः ।  
सँ॒व॒थ्स॑रेणेति सं - व॒थ्स॑रेण । ए॒व । अ॒स्मै । स॒जा॒ता॒नि॒ति॑  
स - जा॒तान् । च्या॒व॒य॒ति॑ । मा॒रु॒तः॑ । भ॒वति॑ । 28 (50)

**2.2.5.7**

म॒रु॒तो॒ वै दे॒वानां॑ वि॒शो॑ दे॒ववि॒शे॒नै॒वा॒स्मै॑ म॒नुष्य॑ वि॒शम॑व रु॒न्धे  
स॒प्त॒क॒पा॒लो भ॒वति॑ स॒प्त ग॒णा॒ वै म॒रु॒तो ग॒ण॒श ए॒वा॒स्मै॑ स॒जा॒ता॒न॒व  
रु॒न्धे ऽनू॒च्य॑मा॒न आ सा॒द॒य॒ति॑ वि॒शमे॒वा॒स्मा॒ अनु॒व॒र्त्मानं॑ करोति । 29

**2.2.5.7 - Padam**

म॒रु॒तः॑ । वै । दे॒वाना॑म् । वि॒शः॑ । दे॒ववि॒शे॒ने॒ति॑ दे॒व - वि॒शे॒न॑ । ए॒व ।  
अ॒स्मै । म॒नुष्य॑वि॒शमि॑ति म॒नुष्य॑ - वि॒शम् । अ॒वे॒ति॑ । रु॒न्धे ।  
स॒प्त॒क॒पा॒ल इति॑ स॒प्त - क॒पा॒लः॑ । भ॒वति॑ । स॒प्तग॑णा इति  
स॒प्त - ग॒णाः॑ । वै । म॒रु॒तः॑ । ग॒ण॒श इति॑ ग॒ण-शः॑ । ए॒व । अ॒स्मै ।  
स॒जा॒ता॒नि॒ति॑ स - जा॒तान् । अ॒वे॒ति॑ । रु॒न्धे । अ॒नू॒च्य॑मा॒न  
इ॒त्यनु॑ - उ॒च्य॑मा॒ने । ए॒ति॑ । सा॒द॒य॒ति॑ । वि॒शम् । ए॒व । अ॒स्मै ।  
अ॒नु॒व॒र्त्मान॑मित्यनु - व॒र्त्मान॑म् । करोति । 29 (29)

पद पाठे (वाक्य सहित) – द्वितीयकाण्डे – द्वितीयः प्रश्नः

(प्रजाकामः सँवथ्सरः – पुनात्येवैनं – पूतः – समष्ट्यै –  
तादृङ् – मारुतो भव – त्येकान्न त्रिंशच्च । ) (A5)

### 2.2.6.1

आदित्यं चरुं निर्वपेथ् संग्राम-मुपप्रयास्यन्नियं वा अदितिरस्यामेव  
पूर्वे प्रतितिष्ठन्ति वैश्वानरं द्वादशकपालं निर्वपेदायतनं गत्वासँवथ्सरो  
वा अग्निं वैश्वानरः सँवथ्सरः खलु वै देवाना-मायतनमेतस्माद्वा  
आयतनाद्-देवा असुरानजयन् यद्-वैश्वानरं द्वादशकपालं निर्वपति  
देवानामेवायतने यतते जयति तं संग्राममेतस्मिन् वा  
एतौ मृजाते – [ ] 30

### 2.2.6.1 - Padam

आदित्यम् । चरुम् । निरिति । वपेत् । संग्राममिति सं – ग्रामम् ।  
उपप्रयास्यन्नित्युप – प्रयास्यन् । इयम् । वै । अदितिः । अस्याम् ।  
एव । पूर्वे । प्रतीति । तिष्ठन्ति । वैश्वानरम् । द्वादशकपालमिति  
द्वादश – कपालम् । निरिति । वपेत् । आयतनमित्या – यतनम् ।  
गत्वा । सँवथ्सर इति सं – वथ्सरः । वै । अग्निः । वैश्वानरः ।



पद पाठे (वाक्य सहित) – द्वितीयकाण्डे – द्वितीयः प्रश्नः

सँव॑थ्स॒र इति॑ सं – व॒थ्स॒रः । ख॒लु । वै । दे॒वा॒नाम् ।  
आ॒य॒त॒न॒मि॒त्या॑ – य॒त॒न॒म् । ए॒त॒स्मा॒त् । वै । आ॒य॒त॒ना॒दि॒त्या॑ – य॒त॒ना॒त् ।  
दे॒वाः । अ॒सु॒रा॒न् । अ॒ज॒य॒न् । य॒त् । वै॒श्वा॒न॒र॒म् । द्वा॒द॒श॒क॒पा॒ल॒मि॒ति॒  
द्वा॒द॒श – क॒पा॒ल॒म् । नि॒र्व॒प॒ती॒ति॒ निः – व॒प॒ति॒ । दे॒वा॒नाम् । ए॒व ।  
आ॒य॒त॒न॒ इ॒त्या॑ – य॒त॒ने॒ । य॒त॒ते॒ । ज॒य॒ति॒ । त॒म् । सं॒ग्रा॒म॒मि॒ति॒  
सं – ग्रा॒म॒म् । ए॒त॒स्मि॒न् । वै । ए॒तौ । मृ॒जा॒ते इति॑ । 30 (50)

**2.2.6.2**

यो वि॒द्वि॒षा॒ण॒यो॒र॒न्न॒म॒त्ति॑ वै॒श्वा॒न॒रं॑ द्वा॒द॒श॒क॒पा॒लं॑ नि॒र्व॒पे॒द् – वि॒द्वि॒षा॒ण॒यो॒र॒न्नं॑  
ज॒ग्ध्वा॑ सँव॑थ्स॒रो वा अ॒ग्नि॒ – वै॒श्वा॒न॒रः॑ सँव॑थ्स॒र स्व॑दि॒त॒मे॒वा॒त्ति॒  
ना॒स्मि॒न् मृ॒जा॒ते सँव॑थ्स॒रा॒य वा ए॒तौ स॑म॒मा॒ते यौ स॑म॒मा॒ते तयो॑र्यः  
पूर्वो॑ऽभि॒द्रु॒ह्यति॑ तं व॑रु॒णो गृ॑ह्णाति वै॒श्वा॒न॒रं द्वा॒द॒श॒क॒पा॒लं॑ नि॒र्व॒पे॒थ्  
स॑म॒मा॒न॒योः पूर्वो॑ऽभि॒द्रु॒ह्य सँव॑थ्स॒रो वा अ॒ग्नि॒ – वै॒श्वा॒न॒रः॑  
सँव॑थ्स॒रमे॒वाऽऽ\*प्त्वा॑ नि॒र्व॒रु॒णं – [ ] 31

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.6.2 - Padam**

यः । वि॒द्विषा॑णयो॒रिति॑ वि-द्विषा॑णयोः । अन्न॑म् । अ॒त्ति । वै॒श्वान॑रम् ।  
द्वाद॑शक॒पालमि॑ति द्वाद॑श – क॒पालम् । नि॒रिति॑ । व॒पेत् ।  
वि॒द्विषा॑णयो॒रिति॑ वि – द्विषा॑णयोः । अन्न॑म् । जग्ध्वा ।  
सँव॑त्सर इति सं – व॒त्सरः । वै । अ॒ग्निः । वै॒श्वान॑रः ।  
सँव॑त्सरस्व॒दितमि॑ति सँव॑त्सर – स्व॒दितम् । ए॒व । अ॒त्ति ।  
न । अ॒स्मिन् । मृ॒जाते॑ इति । सँव॑त्सरा॒येति॑ सं – व॒त्सरा॒य ।  
वै । ए॒तौ । स॒मिति॑ । अ॒माते॑ इति । यौ । स॒ममा॑ते इति सं-अ॒माते॑ ।  
तयोः । यः । पूर्॒वः । अ॒भिद्रु॑ह्यतीत्य॒भि – द्रु॑ह्यति । तम् । व॒रुणः ।  
गृ॒ह्णाति॑ । वै॒श्वान॑रम् । द्वाद॑शक॒पालमि॑ति द्वाद॑श – क॒पालम् ।  
नि॒रिति॑ । व॒पेत् । स॒ममा॑नयो॒रिति॑ सं – अ॒मान॑योः । पूर्॒वः ।  
अ॒भिद्रु॑ह्येत्य॒भि – द्रु॑ह्य । सँव॑त्सर इति सं – व॒त्सरः । वै ।  
अ॒ग्निः । वै॒श्वान॑रः । सँव॑त्सरमि॒ति सं – व॒त्सरम् । ए॒व ।  
आ॒प्त्वा । नि॒र्वरु॑णमि॒ति निः – व॒रुणम् । 31 (50)

**2.2.6.3**

परस्तादभि॑ द्रु॒ह्यति॑ नैनं॑ वरु॒णो गृ॒ह्णात्यायं॑ वा एष॑ प्रति॑ गृ॒ह्णाति॑  
योऽविं॑ प्रति॑गृ॒ह्णाति॑ वैश्वान॑रं द्वाद॑शकपालं॑ निर्व॑पेदविं॑ प्रति॑गृ॒ह्य  
सँव॑त्सरो वा अ॒ग्निर्वै॑श्वान॑रः सँव॑त्सर-स्वदि॑तामेव प्रति॑गृ॒ह्णाति॑  
नाऽऽव्यं॑ प्रति॑गृ॒ह्णात्यात्म॑नो वा एष॑ मात्रा॑माप्नोति॑ य उ॒भयाद॑त्  
प्रति॑गृ॒ह्णात्यश्वं॑ वा पु॒रुषं॑ वा वैश्वान॑रं द्वाद॑शकपालं॑  
निर्व॑पेदु॒भयाद॑त् – [ ] 32

**2.2.6.3 - Padam**

परस्ता॑त् । अ॒भीति॑ । द्रु॒ह्यति॑ । न । ए॒नम् । वरु॑णः । गृ॒ह्णाति॑ ।  
आ॒व्यम् । वै । ए॒षः । प्र॒तीति॑ । गृ॒ह्णाति॑ । यः । अ॒विम् ।  
प्रति॑गृ॒ह्णातीति॑ प्रति॑ – गृ॒ह्णाति॑ । वै॒श्वान॑रम् । द्वाद॑शकपालमि॒ति  
द्वाद॑श – क॒पालम् । नि॒रिति॑ । व॒पेत् । अ॒विम् । प्र॒तिगृ॒ह्येति॑  
प्रति॑ – गृ॒ह्य । सँव॑त्सर इति॑ सं – व॒त्सरः । वै । अ॒ग्निः ।  
वै॒श्वान॑रः । सँव॑त्सरस्वदि॑तामि॒ति सँव॑त्सर – स्वदि॑ताम् । ए॒व ।  
प्र॒तीति॑ । गृ॒ह्णाति॑ । न । आ॒व्यम् । प्र॒तीति॑ । गृ॒ह्णाति॑ । आ॒त्मनः॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

वै । ए॒षः । मा॒त्राम् । आ॒प्नो॒ति॑ । यः । उ॒भया॑दत् ।  
प्र॒तिगृ॑ह्णातीति॑ प्र॒ति – गृ॑ह्णाति॑ । अ॒श्वम् । वा । पु॒रुष॑म् । वा ।  
वै॒श्वान॑रम् । द्वा॒दश॑क॒पाल॑मि॒ति द्वा॒दश॑ – क॒पाल॑म् । नि॒रिति॑ ।  
व॒पेत् । उ॒भया॑दत् । 32 (50)

**2.2.6.4**

प्र॒तिगृ॑ह्य॒ संव॑त्सरो॒ वा अ॒ग्निर्वै॑श्वान॒रः सँव॑त्स॒र-स्व॑दि॒तमे॒व  
प्र॒ति गृ॑ह्णाति॑ ना॒त्मनो॒ मा॒त्रामा॑प्नोति॑ वै॒श्वान॑रं द्वा॒दश॑क॒पालं॒ निर्व॑पेथ्-  
स॒निमे॑ष्यन्थ्-सँव॑त्सरो॒ वा अ॒ग्निर्वै॑श्वान॒रो य॒दा ख॒लु वै सँव॑त्स॒रं  
ज॒नता॑यां च॒रत्य॑थ स॒ धना॑र्घो भ॒वति॑यद्-वै॒श्वान॑रं द्वा॒दश॑क॒पालं  
निर्व॑पति॒ सँव॑त्स॒र-सा॑तामे॒व स॒निम॑भि॒ प्रच्य॑वते॒ दान॑कामा॒ अस्मै॑  
प्र॒जा भ॑वन्ति॒ यो वै सँव॑त्स॒रं – [ ] 33

**2.2.6.4 - Padam**

प्र॒तिगृ॑ह्येति॑ प्र॒ति – गृ॑ह्य । सँव॑त्स॒र इति॑ सं – व॒त्स॒रः ।  
वै । अ॒ग्निः । वै॒श्वान॑रः । सँव॑त्स॒रस्व॑दि॒तमि॑ति॒  
सँव॑त्स॒र – स्व॑दि॒तम् । ए॒व । प्र॒तीति॑ । गृ॑ह्णाति॑ । न । आ॒त्मनः॑ ।  
मा॒त्राम् । आ॒प्नो॒ति॑ । वै॒श्वान॑रम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

द्वा॒द॒श॒क॒पा॒ल॒मि॒ति॒ द्वा॒द॒श॒ – क॒पा॒ल॒म् । नि॒रि॒ति॒ । व॒पे॒त् । स॒नि॒म् ।  
ए॒ष्य॒न् । सँ॒व॒थ्स॒र इति॑ सं – व॒थ्स॒रः । वै । अ॒ग्निः । वै॒श्वा॒नरः ।  
य॒दा । ख॒लु । वै । सँ॒व॒थ्स॒रमि॒ति॒ सं – व॒थ्स॒रम् । ज॒न॒ता॒याम् ।  
च॒र॒ति॒ । अ॒थ । सः । ध॒नार्घ॑ इति॑ ध॒न – अ॒र्घः । भ॒व॒ति॒ । य॒त् ।  
वै॒श्वा॒नर॒म् । द्वा॒द॒श॒क॒पा॒ल॒मि॒ति॒ द्वा॒द॒श॒ – क॒पा॒ल॒म् ।  
नि॒र्व॒प॒ती॒ति॒ निः – व॒प॒ति॒ । सँ॒व॒थ्स॒रसा॒तामि॒ति॒ सँ॒व॒थ्स॒र-सा॒ताम् ।  
ए॒व । स॒नि॒म् । अ॒भि । प्रे॒ति॒ । च्य॒व॒ते । दान॑का॒मा इति॑  
दान॑ – का॒माः । अ॒स्मै । प्र॒जा इति॑ प्र – जाः । भ॒व॒न्ति॒ । यः । वै ।  
सँ॒व॒थ्स॒रमि॒ति॒ सं – व॒थ्स॒रम् । 33 (50)

#### **2.2.6.5**

प्र॒यु॒ज्य न॑ वि॒मु॒ञ्च॒त्यप्र॑ति॒ष्ठानो॑ वै स॒ भव॑त्ये॒तमे॒व वै॒श्वा॒नरं॑ पुन॒रा॒ग॒त्य  
नि॒र्व॒पे॒द्यमे॒व प्र॑यु॒ङ्क्ते॑ तं भा॒ग॒धे॒येन॑ वि॒ मु॒ञ्च॒ति प्र॑ति॒ष्ठि॒त्यै यया॑  
रज्ज्वो॑त्त॒मां गा॒मा॒जे॒त् तां॑ भ्रातृ॒व्याय॑ प्र हि॒णु॒यान्नि॒र्ऋ॒तिमे॒वास्मै॑  
प्रहि॑णोति । 34

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.6.5 - Padam**

प्रयु॒ज्येति॑ प्र – यु॒ज्य । न । वि॒मु॒ञ्च॑तीति॑ वि – मु॒ञ्च॑ति ।  
अप्रति॑ष्ठान इत्यप्रति – स्थानः । वै । सः । भवति । एतम् ।  
एव । वै॒श्वान॑रम् । पुनः । आ॒गत्ये॒त्या॑ – गत्य । निरिति । व॒पेत् ।  
यम् । एव । प्रयु॒ङ्क्ते॑ इति प्र – यु॒ङ्क्ते॑ । तम् ।  
भाग॑धेयेनेति॑ भाग – धेयेन । वीति । मु॒ञ्च॑ति ।  
प्रति॑ष्ठित्या इति प्रति – स्थि॒त्यै॑ । यया॑ । रज्वा॑ ।  
उत्त॑मामित्युत् – तमाम् । गाम् । आ॒जेदि॒त्या॑ – अ॒जेत् । ताम् ।  
भ्रातृ॑व्याय । प्रेति । हि॒णुया॑त् । नि॒ऋ॒तिमि॒ति॒ निः – ऋ॒तिम् । एव ।  
अ॒स्मै । प्रेति । हि॒णोति॑ । 34 (36)

(मृ॒जाते॑ – निर्व॒रुणं॑ – वँ॑पेदु॒भया॑दद् – यो वै सँ॑व॒थ्स॒रꣳ –  
षट्त्रिं॑शच्च ) (A6)

**2.2.7.1**

ऐन्द्रं॑ चरुं निर्व॑पेत् प॒शुकाम॑ ऐन्द्रा॑ वै प॒शव॑ इन्द्र॑मेव स्वेन॑  
भाग॑धेयेनोप॑ धावति॑ स ए॒वास्मै॑ प॒शून् प्रय॑च्छति प॒शुमाने॑व भवति॑

पद पाठे (वाक्य सहित) – द्वितीयकाण्डे – द्वितीयः प्रश्नः

च॒रु॒र्भ॒व॒ति॒ स्वा॒दे॒वा॒स्मै॒ यो॒नैः॑ प॒शून् प्र॒ज॒न॒य॒तीन्द्रा॑येन्द्रि॒याव॑ते  
पु॒रो॒डा॒श॒मे॒काद॑शकपालं निर्व॒पेत् प॒शु॒का॒म इन्द्रि॑यं वै प॒श॒व  
इन्द्र॑मेवेन्द्रि॒याव॑न्त॒ स्वेन॑ भा॒ग॒धे॒येनो॑प धाव॒ति स – [ ] 35

**2.2.7.1 - Padam**

ऐ॒न्द्रम् । च॒रुम् । नि॒रि॒ति । व॒पेत् । प॒शु॒का॒म इति॑ प॒शु – का॒मः ।  
ऐ॒न्द्राः । वै । प॒श॒वः । इन्द्र॑म् । ए॒व । स्वेन॑ ।  
भा॒ग॒धे॒येनेति॑ भा॒ग – धे॒येन॑ । उ॒पेति॑ । धा॒व॒ति । सः । ए॒व ।  
अ॒स्मै । प॒शून् । प्रेति॑ । य॒च्छ॒ति । प॒शु॒मा॒नि॒ति प॒शु – मा॒न् । ए॒व ।  
भ॒व॒ति । च॒रुः । भ॒व॒ति । स्वा॒त् । ए॒व । अ॒स्मै । यो॒नैः॑ । प॒शून् ।  
प्रेति॑ । ज॒न॒य॒ति । इन्द्रा॑य । इन्द्रि॒याव॑त इतीन्द्रि॒य – व॒ते ।  
पु॒रो॒डा॒शम् । ए॒काद॑शकपालमित्ये॒काद॑श – क॒पा॒लम् । नि॒रि॒ति ।  
व॒पेत् । प॒शु॒का॒म इति॑ प॒शु – का॒मः । इन्द्रि॑यम् । वै । प॒श॒वः ।  
इन्द्र॑म् । ए॒व । इन्द्रि॒याव॑न्तमितीन्द्रि॒य – व॒न्तम् । स्वेन॑ ।  
भा॒ग॒धे॒येनेति॑ भा॒ग – धे॒येन॑ । उ॒पेति॑ । धा॒व॒ति । सः । 35 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.7.2**

ए॒वास्मा॑ इन्द्रि॒यं प॒शून् प्र॑यच्छति पशु॒माने॒व भ॑वतीन्द्रा॒य-घ॑र्मवते  
पु॒रोडा॒शमे॒काद॑शकपालं निर्व॑पेद्-ब्रह्मवर्च॑सकामो ब्रह्मवर्च॑सं वै  
घ॒र्म इन्द्र॑मे॒व घ॑र्मवन्त॒ऽस्वेन॑ भा॒गधे॑येनोप धावति स ए॒वास्मिन्  
ब्रह्मवर्च॑सं दधाति ब्रह्मवर्च॑स्ये॒व भ॑वतीन्द्रा॒यार्क॑वते  
पु॒रोडा॒शमे॒काद॑शकपालं निर्व॑पेदन्नकामोऽर्को वै  
दे॒वाना॑मन्नमिन्द्र॑मे॒वार्क॑वन्त॒ऽस्वेन॑ भा॒गधे॑येनो – [ ] 36

**2.2.7.2 - Padam**

ए॒व । अ॒स्मै । इन्द्रि॒यम् । प॒शून् । प्रेति॑ । यच्छति॑ ।  
पशु॒मानि॑ति पशु – मान् । ए॒व । भ॑वति । इन्द्रा॒य ।  
घ॒र्मव॑त इति घ॒र्म – व॑ते । पु॒रोडा॒शम् ।  
ए॒काद॑शकपालमित्ये॒काद॑श – क॒पालम् । निरि॑ति । व॒पेत् ।  
ब्रह्मवर्च॑सकाम इति ब्रह्मवर्च॑स – का॒मः ।  
ब्रह्मवर्च॑समिति ब्रह्म – वर्च॑सम् । वै । घ॒र्मः । इन्द्र॑म् ।  
ए॒व । घ॒र्मव॑न्तमिति घ॒र्म – व॑न्तम् । स्वे॒न ।



पद पाठे (वाक्य सहित) – द्वितीयकाण्डे – द्वितीयः प्रश्नः

---

भा॒ग॒धे॒ये॒ने॒ति॒ भा॒ग – धे॒ये॒न । उ॒पे॒ति॒ । धा॒व॒ति॒ । सः ।

ए॒व । अ॒स्मि॒न् । ब्र॒ह्म॒व॒र्च॒स॒मि॒ति॒ ब्र॒ह्म – व॒र्च॒स॒म् ।

द॒धा॒ति॒ । ब्र॒ह्म॒व॒र्च॒सी॒ति॒ ब्र॒ह्म – व॒र्च॒सी॒ । ए॒व ।

भ॒व॒ति॒ । इ॒न्द्रा॒य॒ । अ॒र्क॒व॒त॒ इ॒त्य॒र्क – व॒ते॒ । पु॒रो॒डा॒श॒म् ॥

ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति॒ । व॒पे॒त् ।

अ॒न्न॒का॒म॒ इ॒त्य॒न्न – का॒मः॒ । अ॒र्कः॒ । वै । दे॒वा॒ना॒म् ॥ अ॒न्न॒म् ॥

इ॒न्द्र॒म् ॥ ए॒व । अ॒र्क॒व॒न्त॒मि॒त्य॒र्क – व॒न्त॒म् । स्वे॒न॒ ।

भा॒ग॒धे॒ये॒ने॒ति॒ भा॒ग – धे॒ये॒न । 36 (50)

**2.2.7.3**

–प॒ धा॒व॒ति॒ स॒ ए॒वा॒स्मा॒ अ॒न्नं॒ प्र॒य॒च्छ॒त्य॒न्ना॒द॒ ए॒व॒ भ॒व॒ती॒न्द्रा॒य॒ घ॒र्म॒व॒ते॒

पु॒रो॒डा॒श॒मे॒का॒द॒श॒क॒पा॒लं॒ नि॒र्व॒पे॒दि॒न्द्रा॒ये॒–न्द्रि॒या॒व॒त॒ इ॒न्द्रा॒या॒ऽर्क॒व॒ते॒

भू॒ति॒का॒मो॒ य॒दि॒न्द्रा॒य॒ घ॒र्म॒व॒ते॒ नि॒र्व॒प॒ति॒ शि॒र॒ ए॒वा॒स्य॒ ते॒न॒ क॒रो॒ति॒

य॒दि॒न्द्रा॒ये॒न्द्रि॒या॒व॒त॒ आ॒त्मा॒न॒मे॒वा॒स्य॒ ते॒न॒ क॒रो॒ति॒य॒दि॒न्द्रा॒या॒ऽर्क॒व॒ते॒ भू॒त॒

ए॒वा॒न्ना॒द्ये॒ प्र॒ति॒ति॒ष्ठ॒ति॒ भ॒व॒त्ये॒वे॒न्द्रा॒या – [ ] 37

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.7.3 - Padam**

उ॒पेति॑ । धा॒वति॑ । सः । ए॒व । अ॒स्मै । अ॒न्नम् । प्रेति॑ । य॒च्छति॑ ।  
अ॒न्नाद॑ इत्य॒न्न – अ॒दः । ए॒व । भ॒वति॑ । इन्द्रा॑य । घ॒र्मव॑त इति॑  
घ॒र्म – व॑ते । पु॒रोडा॑शम् । ए॒काद॑शक॒पालमि॑त्ये॒काद॑श – क॒पालम् ।  
नि॒रिति॑ । व॒पेत् । इन्द्रा॑य । इन्द्रि॑याव॒त इतीन्द्रि॑य – व॑ते । इन्द्रा॑य ।  
अ॒र्कव॑त इत्य॒र्क – व॑ते । भू॒तिकाम॑ इति॑ भू॒ति – का॒मः । यत् ।  
इन्द्रा॑य । घ॒र्मव॑त इति॑ घ॒र्म – व॑ते । निर्व॑पतीति॑ निः-व॑पति । शि॒रः ।  
ए॒व । अ॒स्य । तेन॑ । क॒रोति॑ । यत् । इन्द्रा॑य । इन्द्रि॑याव॒त  
इतीन्द्रि॑य – व॑ते । आ॒त्मान॑म् । ए॒व । अ॒स्य । तेन॑ । क॒रोति॑ । यत् ।  
इन्द्रा॑य । अ॒र्कव॑त इत्य॒र्क – व॑ते । भू॒तः । ए॒व । अ॒न्नाद्य॑  
इत्य॒न्न – अद्य॑ । प्र॒तीति॑ । तिष्ठ॑ति । भ॒वति॑ । ए॒व । इन्द्रा॑य । 37 (50)

**2.2.7.4**

–ऽ॒होमु॑चे पु॒रोडा॑शमे॒काद॑शक॒पालं॑ निर्व॑पेद्यः पा॒प्मना॑ गृही॒तः स्या॑त्  
पा॒प्मा वा अ॒ह इन्द्र॑मे॒वाऽहो॑मुच॒स्वेन॑ भा॒गधे॒येनो॑प धाव॒ति स  
ए॒वैनं॑ पा॒प्मनो॑ऽहसो मुञ्च॑तीन्द्रा॑य वैमृ॒धाय॑ पु॒रोडा॑शमे॒काद॑शक॒पालं॑

पद पाठे (वाक्य सहित) – द्वितीयकाण्डे – द्वितीयः प्रश्नः

निर्व॑पेद्यं॒ मृ॒धोऽभि॑ प्र॒वेपे॑रन्-रा॒ष्ट्राणि॑ वा॒ऽभि॑ स॒मि॒युरिन्द्र॑मे॒व वैमृ॑धः॒  
स्वेन॑ भा॒ग॒धेये॒नोप॑ धावति॒ स ए॒वास्मा॑न्मृ॒धो - [ ] 38

#### 2.2.7.4 - Padam

अ॒हो॒मुच॑ इत्य॒हः - मुचै॑ । पु॒रो॒डाश॑म् ।  
एका॑दशकपा॒लमि॒त्येका॑दश - क॒पा॒लम् । निरि॑ति । व॒पेत् । यः ।  
पा॒प्मना॑ । गृ॒हीतः॑ । स्यात् । पा॒प्मा । वै । अ॒हः । इन्द्र॑म् । ए॒व ।  
अ॒हो॒मुच॑मि॒त्यहः॑ - मुच॑म् । स्वेन॑ । भा॒ग॒धेये॒नेति॑ भा॒ग-धेये॑न ।  
उपे॑ति । धा॒वति॑ । सः । ए॒व । ए॒नम् । पा॒प्मनः॑ । अ॒हसः॑ ।  
मुञ्च॑ति । इन्द्रा॑य । वैमृ॑धाय । पु॒रो॒डाश॑म् ।  
एका॑दशकपा॒लमि॒त्येका॑दश - क॒पा॒लम् ।  
निरि॑ति । व॒पेत् । यम् । मृ॒धः । अ॒भीति॑ । प्र॒वेपे॑रन्निति॒ प्र - वेपे॑रन् ।  
रा॒ष्ट्राणि॑ । वा । अ॒भीति॑ । स॒मि॒युरिति॑ सं - ई॒युः । इन्द्र॑म् । ए॒व ।  
वैमृ॑धम् । स्वेन॑ । भा॒ग॒धेये॒नेति॑ भा॒ग - धेये॑न । उपे॑ति । धा॒वति॑ ।  
सः । ए॒व । अ॒स्मात् । मृ॒धः । 38 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.7.5**

ऽप॑ ह॒न्तीन्द्रा॑य त्रा॒त्रे पु॒रोडा॑शमेकादशकपालं॑ निर्व॑पेद्-ब॒द्धो वा  
परि॑यत्तो वेन्द्र॑मेव त्रा॒तार॒॑ स्वेन॑ भा॒गधे॑येनोप॑ धावति॑ स ए॒वैनं॑ त्रायत॑  
इन्द्रा॑यार्काश्वमेधवते॑ पु॒रोडा॑शमेकादशकपालं॑ निर्व॑पेद्यं॑ म॒हाय॑ज्ञो  
नोप॑नमेदेते॑ वै म॒हाय॑ज्ञस्यान्त्ये॑ त॒नू यद॑र्काश्वमेधाविन्द्र॑मे॒वार्काश्वमेध॑-  
वन्त॒॑ स्वेन॑ भा॒गधे॑येनोप॑ धावति॑ स ए॒वास्मा॑ ( ) अ॒न्ततो॑ म॒हाय॑ज्ञं  
च्याव॑यत्यु॒पैनं॑ म॒हाय॑ज्ञो नमति॑ । 39

**2.2.7.5 - Padam**

अपे॑ति । ह॒न्ति । इन्द्रा॑य । त्रा॒त्रे । पु॒रोडा॑शम् ।  
एका॑दशकपालमित्येकादश – क॒पालम् । निरि॑ति । व॒पेत् । ब॒द्धः ।  
वा । परि॑यत्त इति परि – यत्तः । वा । इन्द्र॑म् । ए॒व । त्रा॒तारम् ।  
स्वेन॑ । भा॒गधे॑येनेति॑ भा॒ग – धे॑येन । उपे॑ति । धा॒वति । सः ।  
ए॒व । ए॒नम् । त्रा॒यते॑ । इन्द्रा॑य । अ॒र्काश्वमेध॑वत इत्यर्काश्वमेध-वते ।  
पु॒रोडा॑शम् । ए॒कादश॑कपालमित्येकादश – क॒पालम् । निरि॑ति ।  
व॒पेत् । यम् । म॒हाय॑ज्ञ इति॑ म॒हा – य॑ज्ञः । न ।

पद पाठे (वाक्य सहित) – द्वितीयकाण्डे – द्वितीयः प्रश्नः

उ॒प॒न॒मे॒दि॒त्यु॒प – न॒मे॒त् । ए॒ते इति॑ । वै । म॒हा॒य॒ज्ञ॒स्येति॑

म॒हा – य॒ज्ञ॒स्य॑ । अ॒न्त्ये॒ इति॑ । त॒नू इति॑ । यत् ।

अ॒र्का॒श्व॒मे॒धा॒वि॒त्य॒र्क – अ॒श्व॒मे॒धौ । इ॒न्द्र॒म् । ए॒व ।

अ॒र्का॒श्व॒मे॒ध॒व॒न्त॒मि॒त्य॒र्का॒श्व॒मे॒ध – व॒न्त॒म् ।

स्वे॒न । भा॒ग॒धे॒ये॒नेति॑ भा॒ग – धे॒ये॒न । उ॒पेति॑ । धा॒व॒ति । सः ।

ए॒व । अ॒स्मै ( ) । अ॒न्त॒तः । म॒हा॒य॒ज्ञ॒मि॒ति॑ म॒हा – य॒ज्ञ॒म् ।

च्चा॒व॒य॒ति॑ । उ॒पेति॑ । ए॒न॒म् । म॒हा॒य॒ज्ञ इति॑ म॒हा – य॒ज्ञः ।

न॒म॒ति॑ । 39 (57) (इ॒न्द्रि॒या॒व॒न्त॒ꣳ स्वे॒न॑ भा॒ग॒धे॒ये॒नो॒प॑ धा॒व॒ति॑ सौ॑ –

ऽर्क॑व॒न्त॒ꣳ स्वे॒न॑ भा॒ग॒धे॒ये॒नै॑ – वे॒न्द्रा॒या – स्मा॒न् मृ॒धो॑ – ऽस्मै॑ –

स॒प्त च॑ । ) (A7)

**2.2.8.1**

इ॒न्द्रा॒या॒न्वृ॒ज॒वे पु॒रो॒डा॒श॒मे॒का॒द॒श॒क॒पा॒लं नि॒र्व॒पे॒द् ग्रा॒म॒का॒म

इ॒न्द्र॒मे॒वा॒न्वृ॒जु॒ꣳ स्वे॒न॑ भा॒ग॒धे॒ये॒नो॒प॑ धा॒व॒ति॑ स ए॒वा॒स्मै

स॒जा॒ता॒न॒नु॒का॒न् क॒रो॒ति॑ ग्रा॒म्ये॒व भ॒व॒ती॒न्द्रा॒ण्यै॑ च॒रुं॑ नि॒र्व॒पे॒द्य॒स्य

से॒ना॒ऽस॒ꣳशि॒ते॒व स्या॑दि॒न्द्रा॒णी॒ वै से॒ना॒यै॑ दे॒व॒ते॒न्द्रा॒णी॒मे॒व स्वे॒न॑

पद पाठे (वाक्य सहित) – द्वितीयकाण्डे – द्वितीयः प्रश्नः

---

भाग॑धेये॒नोप॑ धाव॑ति सै॒वास्य॑ से॒नाञ् स॑ इ॒यति॑

ब॒ल्व॒जान॑पी-[ ] 40

**2.2.8.1 - Padam**

इन्द्रा॑य । अ॒न्वृज॑व॒ इत्य॑नु – ऋ॒जवे॑ । पु॒रोडा॑शम् ।

एका॑दश॒कपा॑ल॒मित्ये॑कादश – क॒पाल॑म् । नि॒रिति॑ । व॒पेत् ।

ग्रा॒मका॑म॒ इति॑ ग्रा॒म – का॑मः । इन्द्र॑म् । ए॒व ।

अ॒न्वृजु॑मित्य॒नु-ऋ॒जुम् । स्वे॑न । भा॒गधे॑ये॒नेति॑ भा॒ग-धे॑ये॒न । उपे॑ति ।

धा॒वति॑ । सः । ए॒व । अ॒स्मै । स॒जा॒तानि॑ति स – जा॒तान् ।

अ॒नुका॑नित्य॒नु – का॑न् । क॒रोति॑ । ग्रा॒मी । ए॒व । भ॒वति॑ । इन्द्रा॑ण्यै ।

च॒रुम् । नि॒रिति॑ । व॒पेत् । य॒स्य । से॒ना । अ॒सञ्शि॑तेत्य॒सं – शि॒ता ।

इ॒व । स्या॑त् । इन्द्रा॑णी । वै । से॒नायै॑ । दे॒वता॑ । इन्द्रा॑णीम् । ए॒व ।

स्वे॑न । भा॒गधे॑ये॒नेति॑ भा॒ग – धे॑ये॒न । उपे॑ति । धा॒वति॑ । सा । ए॒व ।

अ॒स्य । से॒नाम् । स॒मिति॑ । इ॒यति॑ । ब॒ल्व॒जान् । अ॒पीति॑ । 40 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.8.2**

–ध्मे सं न॒ह्येद्–गौ–र्य॒त्राधि॑ष्क॒न्नान्य॑मे॒हत् ततो॑ ब॒ल्वजा॑ उ॒दति॑ष्ठन्  
गवा॑मे॒वैनं॑ न्यायम॒पिनीय॑ गा वे॒दय॑तीन्द्रा॒य मन्यु॑मते मन॒स्वते॑  
पुरो॑डाशमे॒कादश॑कपालं॒ निर्व॑पेथ् संग्रामे सँय॑त्ते इन्द्रि॒येण॒ वै  
मन्यु॑ना मनसा संग्रामं जय॑तीन्द्रमे॒व मन्यु॑मन्तं मन॒स्वन्त॑ ७ स्वेन॑  
भाग॑धेयेनोप॒ धाव॑ति स ए॒वास्मि॑न्निन्द्रि॒यं मन्युं॑ मनो॒ दधा॑ति  
जय॑ति त॒ ७ – [ ] 41

**2.2.8.2 - Padam**

इ॒ध्मे । समि॑ति । न॒ह्येत् । गौः । यत्र॑ । अधि॑ष्क॒न्नेत्य॑धि – स्क॒न्ना ।  
न्यमे॑हदिति नि – अमे॑हत् । ततः॑ । ब॒ल्वजाः॑ । उ॒दति॑ । अ॒ति॒ष्ठन् ।  
॥ गवा॑म् । ए॒व । ए॒नम् । न्याय॑मिति नि – आ॒यम् ।  
अ॒पिनी॑येत्यपि – नी॒य । गाः । वे॒दय॑ति । इन्द्रा॒य ।  
मन्यु॑मत इति मन्यु – मते॑ । मन॒स्वते॑ । पुरो॑डाशम् ॥  
एका॑दशकपालमित्ये॒कादश॑ – क॒पालम् । निरि॑ति । व॒पेत् ।  
संग्राम॑ इति सं – ग्रा॒मे । सँय॑त्त इति सं – य॒त्ते । इन्द्रि॒येण॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

वै । म॒न्युना॑ । मन॑सा । सं॒ग्रा॒ममि॑ति सं – ग्रा॒मम् । ज॒यति॑ । इन्द्र॑म् ।  
ए॒व । म॒न्युम॑न्तमि॒ति म॒न्यु – म॑न्तम् । मन॑स्वन्तम् । स्वे॒न ।  
भा॒गधे॑येनेति॒ भाग॑-धेये॒न । उ॒पेति॑ । धा॒वति॑ । सः । ए॒व । अ॒स्मिन् ।  
इन्द्रि॑यम् । म॒न्युम् । मनः॑ । द॒धाति॑ । ज॒यति॑ । तम् । 41 (50)

**2.2.8.3**

सं॒ग्रा॒ममे॒तामे॒व निर्व॑पेद्यो ह॒तम॑नाः स्व॒यं पा॑प इ॒व स्या॑दे॒तानि॑  
हि वा ए॒तस्मा॑ दप॒क्रान्ता॑न्यथैष ह॒तम॑नाः स्व॒यं पा॑प इन्द्र॑मे॒व  
म॒न्युम॑न्तं मन॑स्वन्तं स्वे॒न भा॒गधे॑येनोप॑ धा॒वति॑ स ए॒वास्मि॑न्निन्द्रि॒यं  
म॒न्युं मनो॑ द॒धाति॑ न ह॒तम॑नाः स्व॒यं पा॑पो भव॒तीन्द्रा॑य दा॒त्रे  
पु॒रोडा॑शमे॒काद॑शक॒पालं॑ निर्व॑पेद्यः का॒मये॑त दा॒नका॑मा  
मे प्र॒जाः स्यु॑ – [ ] 42

**2.2.8.3 - Padam**

सं॒ग्रा॒ममि॑ति सं – ग्रा॒मम् । ए॒ताम् । ए॒व । नि॒रिति॑ । व॒पेत् । यः ।  
ह॒तम॑ना इति॒ हत॑ – म॒नाः । स्व॒यंपा॑प इति॒ स्व॒यं – पा॑पः ।  
इ॒व । स्या॑त् । ए॒तानि॑ । हि । वै । ए॒तस्मा॑त् ।



पद पाठे (वाक्य सहित) – द्वितीयकाण्डे – द्वितीयः प्रश्नः

अपक्रान्तानीत्यप – क्रान्तानि । अथ । एषः ।  
हतमना इति हत – मनाः । स्वयंपाप इति स्वयं – पापः ।  
इन्द्रम् । एव । मन्युमन्तमिति मन्यु – मन्तम् । मनस्वन्तम् । स्वेन ।  
भागधेयेनेति भाग-धेयेन । उपेति । धावति । सः । एव । अस्मिन् ।  
इन्द्रियम् । मन्युम् । मनः । दधाति । न । हतमना इति हत-मनाः ।  
स्वयंपाप इति स्वयं-पापः । भवति । इन्द्राय । दात्रे । पुरोडाशम् ।  
एकादशकपालमित्येकादश – कपालम् । निरिति । वपेत् । यः ।  
कामयेत । दानकामा इति दान – कामाः । मे ।  
प्रजा इति प्र – जाः । स्युः । 42 (50)

**2.2.8.4**

–रितीन्द्रमेव दातारः स्वेन भागधेयेनोप धावति स एवास्मै  
दानकामाः प्रजाः करोति दानकामा अस्मै प्रजा भवन्तीन्द्राय प्रदात्रे  
पुरोडाशमेकादशकपालं निर्वपेद्यस्मै प्रत्तमिव सन्न प्रदीयेतेन्द्रमेव  
प्रदातारः स्वेन भागधेयेनोपधावति स एवास्मै प्रदापयतीन्द्राय  
सुत्राम्णे पुरोडाशमेकादशकपालं निर्वपेदपरुद्धो वा – [ ] 43

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.8.4 - Padam**

इति॑ । इन्द्र॑म् । ए॒व । दा॒ता॒र॒म् । स्वे॑न । भा॒ग॒धे॒ये॒ने॒ति॑ भा॒ग – धे॒ये॒न ।  
उ॒पे॒ति॑ । धा॒व॒ति॑ । सः । ए॒व । अ॒स्मै॑ । दा॒न॒का॒मा॒ इति॑ दा॒न – का॒माः ।  
प्र॒जा इति॑ प्र – जाः । क॒रो॒ति॑ । दा॒न॒का॒मा॒ इति॑ दा॒न – का॒माः ।  
अ॒स्मै॑ । प्र॒जा इति॑ प्र – जाः । भ॒व॒न्ति॑ । इन्द्रा॑य । प्र॒दा॒त्र इति॑  
प्र – दा॒त्रे । पु॒रो॒डा॒श॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् ।  
नि॒रि॒ति॑ । व॒पे॒त् । य॒स्मै॑ । प्र॒त्त॒म् । इ॒व । स॒त् । न । प्र॒दी॒ये॒ते॒ति॑  
प्र – दी॒ये॒त । इन्द्र॑म् । ए॒व । प्र॒दा॒ता॒र॒मि॒ति॑ प्र – दा॒ता॒र॒म् । स्वे॑न ।  
भा॒ग॒धे॒ये॒ने॒ति॑ भा॒ग – धे॒ये॒न । उ॒पे॒ति॑ । धा॒व॒ति॑ । सः । ए॒व ।  
अ॒स्मै॑ । प्रे॒ति॑ । दा॒प॒य॒ति॑ । इन्द्रा॑य । सु॒त्रा॒ण॒ इति॑ सु – त्रा॒णै॑ ।  
पु॒रो॒डा॒श॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति॑ ।  
व॒पे॒त् । अ॒प॒रु॒द्ध इत्य॑प – रु॒द्धः । वा । 43 (50)

**2.2.8.5**

ऽप॒रु॒द्ध॒य॒मा॒नो॑ वेन्द्र॑मे॒व सु॒त्रा॒मा॒ण॒ꣳ स्वे॑न भा॒ग॒धे॒ये॒नो॒प धा॒व॒ति॑  
स ए॒वैनं॑ त्रा॒य॒ते ऽन॒प॒रु॒ध्यो॑ भ॒व॒तीन्द्रो॑ वै स॒दृङ् दे॒वता॑भि॒रासी॒त् स

पद पाठे (वाक्य सहित) – द्वितीयकाण्डे – द्वितीयः प्रश्नः

न व्यावृ॑तमगच्छ॒त् स प्र॒जाप॑तिमुपाधावत् तस्मा॑ ए॒तमै॑न्द्रमेकादशकपालं॑  
निरव॑पत् तेनै॑-वास्मिन्निन्द्रि॒यम॑दधा-च्छक्वरी॑ याज्यानुवाक्ये॑  
अकरो॑द्-वज्रो॑ वै शक्वरी॑ स ए॒नं व॑ज्रो भूत्या ऐ॒न्ध - [ ] 44

**2.2.8.5 - Padam**

अपरु॑द्ध्यमान इत्यप - रु॒द्ध्यमा॑नः । वा । इन्द्र॑म् । ए॒व ।  
सु॒त्रामा॑णमिति सु - त्रामा॑णम् । स्वे॒न । भा॒गधे॑येनेति भा॒ग-धे॑येन ।  
उपे॑ति । धा॒वति॑ । सः । ए॒व । ए॒नम् । त्रा॒यते॑ । अ॒नप॑रुद्ध्य  
इत्य॑नप - रु॒द्ध्यः । भ॒वति॑ । इन्द्रः॑ । वै । स॒दृङ्ङिति॑ स - दृङ्ङ् ।  
दे॒वता॑भिः । आ॒सीत् । सः । न । व्यावृ॑तमिति वि - आवृ॑तम् ।  
अ॒गच्छ॑त् । सः । प्र॒जाप॑तिमिति प्र॒जा - प॑तिम् । उपे॑ति । अ॒धाव॑त् ।  
तस्मै॑ । ए॒तम् । ऐ॒न्द्रम् । ए॒काद॑शकपालमित्येकादश - क॒पालम् ।  
निरि॑ति । अ॒वप॑त् । ते॒न । ए॒व । अ॒स्मिन् । इन्द्रि॒यम् । अ॒दधा॑त् ।  
शक्वरी॑ इति । याज्यानुवाक्ये॑ इति याज्या - अनुवाक्ये॑ । अ॒करो॑त् ।  
वज्रः॑ । वै । शक्वरी॑ । सः । ए॒नम् । वज्रः॑ । भूत्या॑ । ऐ॒न्ध । 44 (50)

**2.2.8.6**

सोऽभवत् सोऽबिभेद्-भूतः प्र मा धक्ष्यतीति स प्रजापतिं  
पुनरुपाधावत् स प्रजापतिः शक्वर्या अधि रेवतीं निरमिमीत शान्त्या  
अप्रदाहाय योऽल७ श्रियै सन्थ-सदृङ्खसमानैः स्यात् तस्मा  
एतमैन्द्रमेकादशकपालं निर्वपेदिन्द्रमेव स्वेन भागधेयेनोप धावति स  
एवास्मिन्निन्द्रियं दधाति रेवती पुरोऽनुवाक्या भवति ( ) शान्त्या  
अप्रदाहाय शक्वरी याज्या वज्रो वै शक्वरीस एनं वज्रो भूत्या इन्धे  
भवत्येव । 45

**2.2.8.6 - Padam**

सः । अ॒भवत् । सः । अ॒बि॒भेत् । भू॒तः । प्रेति॑ । मा । ध॒क्ष्य॒ति ।  
इति॑ । सः । प्र॒जा॒प॒ति॒मि॒ति प्र॒जा-प॒तिम् । पुनः॑ । उपेति॑ । अ॒धा॒वत् ।  
सः । प्र॒जा॒प॒ति॒रि॒ति प्र॒जा - प॒तिः । श॒क्व॒र्याः । अधीति॑ । रे॒वती॑म् ।  
निरि॑ति । अ॒मि॒मीत॑ । शान्त्यै॑ । अ॒प्र॒दा॒हा॒येत्य॑प्र - दा॒हाय॑ । यः ।  
अल॑म् । श्रि॒यै । सन् । स॒दृङ्ङि॑ति स - दृङ् । स॒मा॒नैः । स्यात् ।  
तस्मै॑ । ए॒तम् । ऐ॒न्द्रम् । ए॒का॒द॒श॒क॒पा॒ल॒मि॒त्ये॒का॒द॒श - क॒पा॒लम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

निरिति॑ । व॒पेत् । इन्द्र॑म् । ए॒व । स्वेन॑ । भा॒ग॒धे॒येनेति॑ भा॒ग॒-धे॒येन॑ ।

उ॒पेति॑ । धा॒वति॑ । सः । ए॒व । अ॒स्मिन् । इन्द्रि॑यम् । द॒धाति॑ ।

रेवती॑ । पु॒रोनु॒वाक्येति॑ पु॒रः - अनु॒वाक्या॑ । भ॒वति॑ ( ) । शान्त्यै॑ ।

अप्र॑दाहायेत्यप्र - दा॒हाय॑ । श॒क्वरी॑ । या॒ज्या । वज्रः॑ । वै ।

श॒क्वरी॑ । सः । ए॒नम् । वज्रः॑ । भू॒त्यै । इ॒न्धे । भ॒वति॑ ।

ए॒व । 45 (64) (अ॒पि - त॒ - स्यु॑ - वै - न्ध - भ॒वति॑ -

चतु॑र्दश च । ) (A8)

### 2.2.9.1

आ॒ग्ना-वै॒ष्णव॑-मे॒काद॑शकपालं॒ निर्व॑पेदभि॒चर॑न्थ-स॒रस्व॑त्याज्य॒

भा॒गा स्याद्-बा॒र्हस्प॑त् यश्चरु॒र्यदा॑ग्ना-वै॒ष्णव॑ ए॒काद॑शकपालो॒

भ॒वत्य॑ग्निः सर्वा॑ दे॒वता॑ विष्णु॒र्यज्ञो॑ दे॒वता॑भिश्चै॒वैनं॑ य॒ज्ञेन॑ चाभि॒

च॒रति॑स॒रस्व॑त्याज्यभा॒गा भ॒वति॑ वा॒ग्वै स॒रस्व॑ती वा॒चैवैन॑मभि॒ चरति॑

बा॒र्हस्प॑त्यश्चरु॒ भ॒वति॑ ब्र॒ह्म वै दे॒वानां॑ बृ॒हस्प॑ति ब्र॒ह्मणै॑वैन॒मभि॑

च॒रति॑ - [ ] 46

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.9.1 - Padam**

आ॒ग्ना॒वै॒ष्ण॒वमि॒त्या॒ग्ना॒ – वै॒ष्ण॒वम् ।  
एका॒दश॒कपा॒लमि॒त्येका॒दश॒ – क॒पा॒लम् । नि॒रि॒ति॒ । व॒पेत् ।  
अ॒भि॒चर॒न्नित्य॑भि॒ – च॒रन् । सर॑स्वती ।  
आ॒ज्य॒भा॒गेत्या॒ज्य॒ – भा॒गा । स्या॒त् । बा॒र्ह॒स्प॒त्यः । च॒रुः । यत् ।  
आ॒ग्ना॒वै॒ष्ण॒व इ॒त्या॒ग्ना॒ – वै॒ष्ण॒वः । एका॒दश॒कपा॒ल  
इ॒त्येका॒दश॒-क॒पा॒लः । भ॒वति॑ । अ॒ग्निः । सर्वाः॑ । दे॒वताः॑ । वि॒ष्णुः ।  
य॒ज्ञः । दे॒वता॑भिः । च॒ । ए॒व । ए॒नम् । य॒ज्ञेन॑ । च॒ । अ॒भी॒ति॒ ।  
च॒रति॑ । सर॑स्वती । आ॒ज्य॒भा॒गेत्या॒ज्य॒-भा॒गा । भ॒वति॑ । वाक् । वै ।  
सर॑स्वती । वा॒चा । ए॒व । ए॒नम् । अ॒भी॒ति॒ । च॒रति॑ । बा॒र्ह॒स्प॒त्यः ।  
च॒रुः । भ॒वति॑ । ब्र॒ह्म । वै । दे॒वाना॑म् । बृ॒ह॒स्प॒तिः । ब्र॒ह्म॒णा । ए॒व ।  
ए॒नम् । अ॒भी॒ति॒ । च॒रति॑ । 46 (50)

**2.2.9.2**

प्र॒ति॒ वै॒ प॒र॒स्ता॒दभि॑च॒रन्त॑म॒भि॒ च॒रन्ति॑ द्वे॒ द्वे॒ पु॒रोऽनु॑वा॒क्ये॑ कुर्या॒दति॑  
प्र॒यु॒क्त्या॑ ए॒तयै॑व॒ य॒जेता॑भि॒ च॒र्य॑माणो॒ दे॒वता॑भि॒रे॒व॒ दे॒वताः॑ प्र॒ति॒च॒रति॑

पद पाठे (वाक्य सहित) – द्वितीयकाण्डे – द्वितीयः प्रश्नः

य॒ज्ञेन॑ य॒ज्ञं वा॑चा वाचं॑ ब्र॒ह्मणा॑ ब्र॒ह्म स॑ दे॒वता॑श्चै॒व य॒ज्ञं च॑ म॒ध्यतो॑  
व्य॒व॒स॒र्पति॑ तस्य॒ न कु॑तश्च॒नोपा॑व्याधो भ॒वति॑ नैन॒मभि॑च॒रन्-॑थ॒स्तृणु॑त  
आ॒ग्नावै॑ष्ण॒व-मे॒काद॑श॒कपा॑लं निर्व॒पेद्यं॑ य॒ज्ञो नो॑ - [ ] 47

**2.2.9.2 - Padam**

प्र॒तीति॑ । वै । प॒रस्ता॑त् । अ॒भिच॑रन्त॒मित्य॑भि - च॒रन्त॑म् । अ॒भीति॑ ।  
च॒रन्ति॑ । द्वे॒ द्वे इति॑ द्वे - द्वे । पु॒रोनु॑वाक्ये॒ इति॑ पु॒रः - अनु॑वाक्ये॒ ।  
कु॒र्यात् । अ॒तीति॑ । प्र॒युक्त्या॑ इति॒ प्र - यु॒क्त्यै । ए॒तया॑ । ए॒व ।  
य॒जेत॑ । अ॒भिच॑र्यमा॒ण इत्य॑भि - च॒र्यमा॑णः । दे॒वता॑भिः । ए॒व ।  
दे॒वताः॑ । प्र॒तिच॑रतीति॒ प्रति॑ - च॒रति॑ । य॒ज्ञेन॑ । य॒ज्ञम् । वा॒चा ।  
वा॒चम् । ब्र॒ह्मणा॑ । ब्र॒ह्म । सः । दे॒वताः॑ । च॒ । ए॒व । य॒ज्ञम् । च॒ ।  
म॒ध्यतः॑ । व्य॒व॒स॒र्पतीति॑ वि - अ॒व॒स॒र्पति॑ । तस्य॒ । न । कु॑तः ।  
च॒न । उ॒पा॒व्याध॑ इत्यु॒प - आ॒व्याधः॑ । भ॒वति॑ । न । ए॒नम् ।  
अ॒भिच॑रन्ति॒त्यभि॑ - च॒रन् । स्तृ॒णुते॑ । आ॒ग्नावै॑ष्ण॒वमि॒त्याग्ना॑ -  
वै॒ष्ण॒वम् । ए॒काद॑श॒कपा॑लमि॒त्येका॑दश - क॒पा॒लम् । नि॒रिति॑ ।  
व॒पेत् । य॒म् । य॒ज्ञः । न । 47 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.9.3**

–प॒नमे॑द॒ग्निः॑ सर्वा॑ दे॒वता॑ वि॒ष्णुर्य॑ज्ञो॒ऽग्निं॑ चै॒व वि॒ष्णुं॑ च स्वे॒न  
भा॒ग॒धे॒ये॒नोप॑ धा॒वति॑ ता॒वे॒वास्मै॑ य॒ज्ञं प्र॑यच्छ॒त उपै॑नं य॒ज्ञो  
नम॑त्या॒ग्ना– वै॒ष्णा॒वं घृ॒ते च॒रुं निर्व॑पे॒च्चक्षु॑ष्कामो॒ऽग्नेर्वै॑ चक्षु॑षा म॒नुष्या॑  
वि प॑श्यन्ति य॒ज्ञस्य॑ दे॒वा अ॒ग्निं चै॒व वि॒ष्णुं॑ च स्वे॒न भा॒ग॒धे॒ये॒नोप॑  
धा॒वति॑ ता॒वे॒वा – [ ] 48

**2.2.9.3 - Padam**

उ॒प॒नमे॑दि॒त्युप॑ – नमे॑त् । अ॒ग्निः॑ । सर्वाः॑ । दे॒वताः॑ । वि॒ष्णुः॑ । य॒ज्ञः॑ ।  
अ॒ग्निम् । च॒ । ए॒व । वि॒ष्णुम् । च॒ । स्वे॒न । भा॒ग॒धे॒ये॒नेति॑  
भा॒ग–धे॒ये॒न । उ॒पेति॑ । धा॒वति॑ । तौ । ए॒व । अ॒स्मै । य॒ज्ञम् । प्रेति॑ ।  
य॒च्छतः॑ । उ॒पेति॑ । ए॒नम् । य॒ज्ञः॑ । नम॑ति ।  
आ॒ग्ना॒वै॒ष्णा॒वमि॑त्या॒ग्ना – वै॒ष्णा॒वम् । घृ॒ते । च॒रुम् । निरि॑ति । व॒पेत् ।  
चक्षु॑ष्काम इति चक्षुः॑ – का॒मः॑ । अ॒ग्नेः॑ । वै । चक्षु॑षा । म॒नुष्याः॑ ।  
वीति॑ । प॑श्यन्ति । य॒ज्ञस्य॑ । दे॒वाः॑ । अ॒ग्निम् ।



पद पाठे (वाक्य सहित) – द्वितीयकाण्डे – द्वितीयः प्रश्नः

च॒ । ए॒व । वि॒ष्णु॑म् । च॒ । स्वे॒न । भा॒ग॒धे॒ये॒ने॒ति॑ भा॒ग – धे॒ये॒न ।  
उ॒पे॒ति॑ । धा॒व॒ति॑ । तौ । ए॒व । 48 (50)

**2.2.9.4**

–ऽस्मिन् चक्षु॑र्धत्तश्चक्षु॑ष्माने॒व भ॒वति॑ धे॒न्वै वा ए॒तद्–रे॒तो  
यदा॒ज्य–म॒न॒डु॒ह–स्तण्डु॑ला मि॒थु॒नादे॒वास्मै॑ चक्षुः प्र॒ज॒न॒य॒ति  
घृ॒ते भ॒वति॑ ते॒जो वै घृ॒तं ते॒जश्चक्षु॑–स्ते॒ज॒सै॒वास्मै॑ ते॒जश्चक्षु॑र॒व  
रु॒न्ध इन्द्रि॑यं वै वी॒र्यं॑ वृ॒द्धे भ्रातृ॑व्यो यज॒मानो॑ऽयज॒मान॒स्या–  
ध्व॒र॒क॒ल्पां॑ प्र॒ति निर्व॑पेद्–भ्रातृ॑व्ये यज॒माने॑ नास्येन्द्रि॑यं – [ ] 49

**2.2.9.4 - Padam**

अ॒स्मिन् । चक्षुः॑ । ध॒त्तः । चक्षु॑ष्मान् । ए॒व । भ॒वति॑ । धे॒न्वै । वै ।  
ए॒तत् । रे॒तः । यत् । आ॒ज्यम् । अ॒न॒डु॒हः । तण्डु॑लाः । मि॒थु॒नात् ।  
ए॒व । अ॒स्मै । चक्षुः॑ । प्रे॒ति । ज॒न॒य॒ति । घृ॒ते । भ॒वति॑ । ते॒जः । वै ।  
घृ॒तम् । ते॒जः । चक्षुः॑ । ते॒ज॒सा । ए॒व । अ॒स्मै । ते॒जः । चक्षुः॑ ।  
अ॒वे॒ति॑ । रु॒न्धे । इन्द्रि॑यम् । वै । वी॒र्यम्॑ । वृ॒द्धे । भ्रातृ॑व्यः ।  
यज॒मानः॑ । अ॒य॒ज॒मान॒स्य । अ॒ध्व॒र॒क॒ल्पा॒मित्य॑ध्व॒र–क॒ल्पा॒म् । प्र॒ति ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

निरिति॑ । व॒पेत् । भ्रातृ॑व्ये । यज॑माने । न । अ॒स्य ।

इन्द्रि॑यम् । 49 (50)

**2.2.9.5**

वी॒र्यं॑ वृ॒द्धे पु॒रावा॑चः प्रव॑दितो-निर्व॑पेद्याव॑त्येव वाक् ताम॑प्रोदितां  
भ्रातृ॑व्यस्य वृ॒द्धे ताम॑स्य वाचं प्रव॑दन्तीम॒न्या वाचोऽनु॑ प्रव॑दन्ति ता  
इन्द्रि॑यं वी॒र्यं॑ यज॑माने दध॑त्याग्ना वैष्ण॑व-म॒ष्टाक॑पालं निर्व॑पेत् प्रातः  
स॒वन॒स्याऽऽ\* काले॑ सर॑स्वत्याज्य॒भागा स्याद् बा॒र्हस्प॑त्यश्चरु-  
र्यद॑ष्टाक॒पालो भव॑त्य॒ष्टाक्ष॑रा गाय॒त्री गाय॑त्रं प्रातः स॒वनं प्रातः  
स॒वनमे॒व तेना॑प्नोति - [ ] 50

**2.2.9.5 - Padam**

वी॒र्यम् । वृ॒द्धे । पु॒रा । वा॒चः । प्रव॑दितोरिति प्र - व॑दितोः । निरिति॑ ।  
व॒पेत् । याव॑ती । ए॒व । वाक् । ताम् । अ॒प्रोदिता॑मित्यप्र - उ॒दिता॑म् ।  
भ्रातृ॑व्यस्य । वृ॒द्धे । ताम् । अ॒स्य । वाच॑म् । प्रव॑दन्तीमिति  
प्र - व॑दन्तीम् । अ॒न्याः । वाचः॑ । अनु॑ । प्रेति॑ । व॒दन्ति॑ । ताः ।  
इन्द्रि॑यम् । वी॒र्यम् । यज॑माने । दध॑ति ।

पद पाठे (वाक्य सहित) – द्वितीयकाण्डे – द्वितीयः प्रश्नः

आ॒ग्ना॒वै॒ष्ण॒व॒मि॒त्या॒ग्ना – वै॒ष्ण॒वम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् ।  
नि॒रि॒ति॒ । व॒पे॒त् । प्रा॒तः स॒वन॒स्ये॒ति प्रा॒तः – स॒वन॒स्य ।  
आ॒का॒ल इ॒त्या – का॒ले । सर॒स्वती॒ । आ॒ज्य॒भा॒गे॒त्या॒ज्य – भा॒गा ।  
स्या॒त् । बा॒र्ह॒स्प॒त्यः । च॒रुः । य॒त् । अ॒ष्टा॒क॒पा॒ल  
इ॒त्य॒ष्टा – क॒पा॒लः । भ॒व॒ति । अ॒ष्टा॒क्ष॒रे॒त्य॒ष्टा – अ॒क्ष॒रा । गा॒य॒त्री ।  
गा॒य॒त्र॒म् । प्रा॒तः स॒वन॒मि॒ति प्रा॒तः – स॒वन॒म् । प्रा॒तः स॒वन॒मि॒ति  
प्रा॒तः – स॒वन॒म् । ए॒व । ते॒न । आ॒प्नो॒ति । 50 (50)

#### 2.2.9.6

–त्या॒ग्ना॒वै॒ष्ण॒व–मे॒का॒द॒श॒क॒पा॒लं नि॒र्व॒पे॒न्मा॒ध्य॒न्दि॒न॒स्य स॒वन॒स्याऽऽ  
\*का॒ले सर॒स्व॒त्या॒ज्य॒भा॒गा स्या॒द् बा॒र्ह॒स्प॒त्य–श्च॒रु र्य॒दे॒का॒द॒श॒क॒पा॒लो  
भ॒व॒त्ये॒का॒द॒शा॒क्ष॒रा त्रि॒ष्टुप् त्रै॒ष्टुभं मा॒ध्य॒न्दि॒नꣳ स॒वनं मा॒ध्यं॒दि॒नमे॒व  
स॒वनं ते॒नाऽऽ\*प्नो॒त्या॒ग्ना॒वै॒ष्ण॒वं द्वा॒द॒श॒क॒पा॒लं नि॒र्व॒पे॒त्  
तृ॒ती॒य॒स॒वन॒स्याऽऽ\*का॒ले सर॒स्व॒त्या॒ज्य॒भा॒गा स्या॒द् बा॒र्ह॒स्प॒त्यश्च॒रुर्य॒द्  
द्वा॒द॒श॒क॒पा॒लो भ॒व॒ति द्वा॒द॒शा॒क्ष॒रा ज॒गती॒ जा॒गतं तृ॒ती॒य॒स॒वनं तृ॒ती॒य  
स॒वनमे॒व ते॒नाऽऽप्नो॒ति दे॒वता॒भिरे॒व दे॒वताः – [ ] 51

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.9.6 - Padam**

आग्ना॑वैष्ण॑वमित्या॑ग्ना – वैष्ण॑वम् ।  
एका॑दश॒कपा॒लमि॒त्येका॑दश – क॒पा॒लम् । निरि॑ति । व॒पेत् ।  
मा॒ध्यन्दि॑नस्य । स॒व॒नस्य॑ । आ॒का॒ल इत्या॑ – का॒ले । सर॑स्वती ।  
आज्य॑भागेत्याज्य॑ – भा॒गा । स्या॑त् । बा॒र्ह॒स्प॒त्यः । च॒रुः ।  
यत् । एका॑दश॒कपा॒ल इत्येका॑दश – क॒पा॒लः । भव॑ति ।  
एका॑दशाक्ष॒रेत्येका॑दश – अ॒क्ष॒रा । त्रि॒ष्टुप् । त्रै॒ष्टु॒भम् । मा॒ध्यन्दि॑नम् ।  
स॒व॒नम् । मा॒ध्यन्दि॑नम् । ए॒व । स॒व॒नम् । तेन॑ । आ॒प्नो॑ति ।  
आग्ना॑वैष्ण॑वमित्या॑ग्ना – वैष्ण॑वम् ।  
द्वा॒दश॒कपा॒लमि॒ति द्वा॑दश – क॒पा॒लम् । निरि॑ति । व॒पेत् ।  
तृ॒ती॒यस॒व॒नस्ये॑ति तृ॒ती॒य – स॒व॒नस्य॑ । आ॒का॒ल इत्या॑ – का॒ले ।  
सर॑स्वती । आज्य॑भागेत्याज्य॑ – भा॒गा । स्या॑त् । बा॒र्ह॒स्प॒त्यः ।  
च॒रुः । यत् । द्वा॒दश॒कपा॒ल इति॑ द्वा॑दश – क॒पा॒लः । भव॑ति ।  
द्वा॒दश॒कक्ष॒रेति॑ द्वा॑दश – अ॒क्ष॒रा । ज॒गती॑ । जा॒ग॒तम् ।  
तृ॒ती॒यस॒व॒नमि॒ति तृ॒ती॒य – स॒व॒नम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

तृतीयसवनमिति तृतीय – सवनम् । एव । तेन । आप्नोति ।

देवताभिः । एव । वताः । 51 (50)

**2.2.9.7**

प्रतिचरति यज्ञेन यज्ञं वाचा वाचं ब्रह्मणा ब्रह्म कपालैरेव  
छन्दाऽस्याप्नोति पुरोडाशैः सवनानि मैत्रावरुणमेककपालं निर्वपेद्-  
वशायै काले यैवासौ भ्रातृव्यस्य वशाऽनूबन्ध्या सो  
एवैषैतस्यैककपालो भवति न हि कपालैः पशुमर्हत्याप्तुं । 52

**2.2.9.7 - Padam**

प्रतिचरतीति प्रति – चरति । यज्ञेन । यज्ञम् । वाचा । वाचम् ।  
ब्रह्मणा । ब्रह्म । कपालैः । एव । छन्दाऽसि । आप्नोति ।  
पुरोडाशैः । सवनानि । मैत्रावरुणमिति मैत्रा – वरुणम् ।  
एककपालमित्येक – कपालम् । निरिति । वपेत् । वशायै ।  
काले । या । एव । असौ । भ्रातृव्यस्य । वशा ।  
अनूबन्ध्येत्यनु – बन्ध्या । सो इति । एव । एषा । एतस्य ।

पद पाठे (वाक्य सहित) – द्वितीयकाण्डे – द्वितीयः प्रश्नः

ए॒क॒क॒पा॒ल इ॒त्ये॒क-क॒पा॒लः । भ॒व॒ति । न । हि । क॒पा॒लैः॑ । प॒शु॒म् ।  
अ॒र्ह॒ति । आ॒प्तु॒म् । 52 (37)

(ब्र॒ह्म॒णै॒वैन॒मभि॑ च॒र॒ति - य॒ज्ञो न - ता॒वे॒वा - ऽस्ये॑न्द्रि॒य -  
मा॒प्नो॒ति - दे॒वताः॑ - स॒प्त॒त्रिं॒शच्च॑ ) (A9)

### 2.2.10.1

अ॒सा॒वा॒दि॒त्यो न व्य॑रो॒च॒त तस्मै॑ दे॒वाः प्रा॑यश्चि॒त्ति॒मैच्छ॑न् तस्मा॑ ए॒तꣳ  
सो॒मा॒रौ॒द्रं च॑रुं नि॒रव॑पन् तेनै॒वास्मि॑न् रुच॑म॒दधु॑र्यो ब्र॒ह्म॒वर्च॑स॒कामः॑  
स्यात् तस्मा॑ ए॒तꣳ सो॒मा॒रौ॒द्रं च॑रुं निर्व॑पेथ् सोमं॑ चै॒व रु॒द्रं च॑ स्वेन॑  
भा॒ग॒धे॒ये॒नोप॑ धा॒व॒ति ता॒वे॒वास्मि॑न् ब्र॒ह्म॒वर्च॑सं ध॒त्तो ब्र॒ह्म॒वर्च॑स्ये॒व  
भ॒व॒ति ति॒ष्या॑पूर्ण॒मा॒से निर्व॑पेद्-रु॒द्रो - [ ] 53

### 2.2.10.1 - Padam

अ॒सौ । आ॒दि॒त्यः । न । वी॒ति । अ॒रो॒च॒त । तस्मै॑ । दे॒वाः ।  
प्रा॑यश्चि॒त्ति॒म् । ऐ॒च्छ॒न् । तस्मै॑ । ए॒तम् ।  
सो॒मा॒रौ॒द्रमि॑ति सो॒मा-रौ॒द्रम् । च॒रुम् । नि॒रि॒ति । अ॒व॒प॒न् । तेन॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

ए॒व । अ॒स्मिन् । रु॒चम् । अ॒द॒धुः । यः । ब्र॒ह्मव॑र्च॒स॒का॒म इति॑  
ब्र॒ह्मव॑र्च॒स – का॒मः । स्या॒त् । तस्मै॑ । ए॒तम् । सो॒मा॒रौ॒द्रमि॑ति  
सो॒मा – रौ॒द्रम् । च॒रुम् । नि॒रिति॑ । व॒पेत् । सो॒मम् । च । ए॒व ।  
रु॒द्रम् । च । स्वे॒न । भा॒ग॒धे॒ये॒नेति॑ भा॒ग–धे॒ये॒न । उ॒पेति॑ । धा॒वति॑ ।  
तौ । ए॒व । अ॒स्मिन् । ब्र॒ह्मव॑र्च॒स॒मि॒ति ब्र॒ह्म – वर्च॑सम् । ध॒त्तः ।  
ब्र॒ह्मव॑र्च॒सीति॑ ब्र॒ह्म – वर्च॑सी । ए॒व । भ॒वति॑ । ति॒ष्या॒पूर्ण॑मा॒स इति॑  
ति॒ष्या – पूर्ण॑मा॒से । नि॒रिति॑ । व॒पेत् । रु॒द्रः । 53 (50)

**2.2.10.2**

वै ति॒ष्यः । सो॒मः । पूर्ण॑मा॒सः । सा॒क्षा॒दे॒व ब्र॒ह्मव॑र्च॒स॒म॒व रु॒न्धे परि॑श्रिते  
या॒ज॒यति॑ ब्र॒ह्मव॑र्च॒स॒स्य परि॑गृही॒त्यै श्वे॒तायै॑ श्वे॒तव॑त्स॒यायै॑ दु॒ग्धं  
मथि॑तमा॒ज्यं भ॒वत्या॑ज्यं प्रो॒क्ष॒णमा॑ज्ये॒न मा॑र्ज॒यन्ते॑ य॒वदे॒व ब्र॒ह्मव॑र्च॒सं  
तथ् सर्वं॑ क॒रोत्य॑ति ब्र॒ह्मव॑र्च॒सं क्रि॒यत॑ इ॒त्याहु॑री॒श्वरो॑ दु॒श्च॒र्मा  
भ॒वि॒तो॒रिति॑ मा॒न॒वी ऋ॒चौ धा॒य्ये कुर्या॑द्-य॒द्वै किञ्च॑ म॒नुर॑व॒दत्-तद्-  
भे॒ष॒जं – [ ] 54

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.10.2 - Padam**

वै । ति॒ष्यः । सोमः । पूर्ण॑मा॒स इति॑ पूर्ण॑ – मा॒सः । सा॒क्षादि॑ति  
स – अ॒क्षात् । ए॒व । ब्र॒ह्मव॑र्चसमि॒ति ब्र॒ह्म – व॒र्चस॑म् । अ॒वेति॑ ।  
रु॒न्धे । परि॑श्रित इति॑ परि – श्रि॒ते । या॒जय॑ति । ब्र॒ह्मव॑र्चसस्येति॑  
ब्र॒ह्म – व॒र्चस॑स्य । परि॑गृही॒त्या इति॑ परि – गृ॒हीत्यै॑ ।  
श्वे॒तायै॑ । श्वे॒तव॑त्स॒या इति॑ श्वे॒त – व॑त्स॒यै । दु॒ग्धम् । म॒थित॑म् ।  
आ॒ज्यम् । भ॒वति॑ । आ॒ज्यम् । प्रो॒क्ष॒णमि॑ति प्र–अ॒क्ष॒णम् । आ॒ज्येन॑ ।  
मा॒र्जय॑न्ते । या॒वत् । ए॒व । ब्र॒ह्मव॑र्चसमि॒ति ब्र॒ह्म – व॒र्चस॑म् । तत् ।  
सर्व॑म् । क॒रोति॑ । अ॒तीति॑ । ब्र॒ह्मव॑र्चसमि॒ति ब्र॒ह्म – व॒र्चस॑म् ।  
क्रि॒यते॑ । इति॑ । आ॒हुः । ई॒श्वरः॑ । दु॒श्च॒र्मेति॑ दुः – च॒र्मा । भ॒वि॒तोः ।  
इति॑ । मा॒नवी॑ इति॑ । ऋ॒चौ । धा॒य्ये इति॑ । कु॒र्यात् । यत् । वै ।  
किम् । च । म॒नुः । अ॒वद॑त् । तत् । भे॒षज॑म् । 54 (50)

**2.2.10.3**

भे॒षज॑मे॒वास्मै॑ क॒रोति॑ यदि॑ बि॒भी॒याद्–दु॒श्च॒र्मा भ॒वि॒ष्यामी॑ति  
सो॒मापौ॑ष्णं च॒रुं नि॒र्वपे॑त् सौ॒म्यो वै दे॒वत॑या पु॒रुषः॑ पौ॒ष्णाः प॒शवः॑



पद पाठे (वाक्य सहित) – द्वितीयकाण्डे – द्वितीयः प्रश्नः

स्वयै॑ वा॒स्मै दे॒वत॑या प॒शुभि॑स्त्वचं॑ करोति॑ न दु॒श्चर्मा॑ भवति॑ सो॒मारौ॒द्रं  
च॒रुं निर्व॑पेत् प्र॒जाका॑मः सोमो॑ वै रे॒तो॒धा अ॒ग्निः प्र॒जानां॑ प्र॒जन॑यिता  
सोम॑ ए॒वास्मै॑ रे॒तो द॑धात्य॒ग्निः प्र॒जां प्र॒जन॑यति वि॒न्दते॑ – [ ] 55

**2.2.10.3 - Padam**

भेष॑जम् । ए॒व । अ॒स्मै । क॒रोति॑ । य॒दि । बि॒भी॒यात् । दु॒श्च॒र्मेति॑  
दुः – च॒र्मा । भ॒वि॒ष्या॑मि । इति॑ । सो॒मापौ॒ष्णमि॑ति सो॒मा – पौ॒ष्णम् ।  
च॒रुम् । नि॒रिति॑ । व॒पेत् । सौ॒म्यः । वै । दे॒वत॑या । पु॒रुषः॑ । पौ॒ष्णाः ।  
प॒शवः॑ । स्व॒या । ए॒व । अ॒स्मै । दे॒वत॑या । प॒शुभि॑रिति॑ प॒शु – भिः॑ ।  
त्वच॑म् । क॒रोति॑ । न । दु॒श्च॒र्मेति॑ दुः – च॒र्मा । भ॒वति॑ ।  
सो॒मारौ॒द्रमि॑ति सो॒मा – रौ॒द्रम् । च॒रुम् । नि॒रिति॑ । व॒पेत् ।  
प्र॒जाका॑म इति॑ प्र॒जा – का॑मः । सोमः॑ । वै । रे॒तो॒धा इति॑  
रेतः॑ – धाः । अ॒ग्निः । प्र॒जाना॑मिति॑ प्र – जा॒नाम् ।  
प्र॒जन॑यितेति॑ प्र – ज॒न॑यिता । सोमः॑ । ए॒व । अ॒स्मै । रे॒तः । द॑धाति ।  
अ॒ग्निः । प्र॒जामि॑ति प्र – जा॒म् । प्रेति॑ । ज॒न॑यति॑ । वि॒न्दते॑ । 55 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.10.4**

प्र॒जाꣳ सो॒मा॒रौ॒द्रं च॒रुं निर्व॑पेद॒भिच॑रन्-थ्सौ॒म्यो वै दे॒वत॑या पु॒रुष॑  
ए॒ष रु॒द्रो यद॑ग्निः स्वा॒या ए॒वैनं॑ दे॒वता॑यै निष्क्री॒य रु॒द्राया॑पि दधाति  
ताज॑गार्तिमाच्छति सो॒मा॒रौ॒द्रं च॒रुं निर्व॑पे-ज्ज्यो॒गाम॑यावी सोमं वा  
ए॒तस्य॑ रसो गच्छत्यग्निꣳ शरी॒रं यस्य॑ ज्यो॒गाम॑यति सोमा॒दे॒वास्य॑  
रसं॑ निष्क्री॒णात्य॑ग्नेः शरी॒रमु॑त यदी - [ ] 56

**2.2.10.4 - Padam**

प्र॒जामि॑ति प्र -जाम् । सो॒मा॒रौ॒द्रमि॑ति सोमा - रौ॒द्रम् । च॒रुम् ।  
नि॒रिति॑ । व॒पेत् । अ॒भिच॑रन्नि॒त्यभि॑ - च॒रन् । सौ॒म्यः । वै । दे॒वत॑या ।  
पु॒रुषः । ए॒षः । रु॒द्रः । यत् । अ॒ग्निः । स्वा॒याः । ए॒व । ए॒नम् ।  
दे॒वता॑यै । निष्क्री॒येति॑ निः - क्री॒य । रु॒द्राय॑ । अ॒पीति॑ । द॒धाति॑ ।  
ताज॑क् । आ॒र्तिम् । ए॒ति । ऋ॒च्छति॑ । सो॒मा॒रौ॒द्रमि॑ति सोमा-रौ॒द्रम् ।  
च॒रुम् । नि॒रिति॑ । व॒पेत् । ज्यो॒गाम॑यावीति ज्योक् - आ॒मया॑वी ।  
सोम॑म् । वै । ए॒तस्य॑ । रसः॑ । ग॒च्छति॑ । अ॒ग्निम् । शरी॒रम् । यस्य॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

ज्योक् । आ॒मय॑ति । सो॒मात् । ए॒व । अ॒स्य । र॒सम् । नि॒ष्क्री॑णातीति  
निः – क्री॒णाति॑ । अ॒ग्नेः । शरी॑रम् । उ॒त । य॒दि । 56 (50)

**2.2.10.5**

–तासु॑ भ॒वति॑ जी॒वत्ये॒व सो॒मारु॑द्रयो॒र्वा ए॒तं ग्र॑सित॒ऽ होता॑  
नि॒ष्विद॑ति स ई॒श्वर॑ आ॒र्तिमा॒र्तो – र॒नड्वा॑न् हो॒त्रा दे॒यो वह्नि॑र्वा  
अ॒नड्वा॑न् वह्नि॒र् होता॑ वह्नि॒नैव॑ वह्नि॒मात्मान॑ऽ स्पृ॒णोति॑ सो॒मारौ॒द्रं  
च॒रुं निर्व॑पेद्यः का॒मये॑त स्वे॒ऽस्मा आ॒यत॑ने भ्रातृ॒व्यं ज॒नये॑यमि॒ति वेदि॑  
प॒रिगृ॑ह्यार्ध॒मुद्ध॑न्या॒दर्धं ना॒र्धं ब॒र्हिषः॑ स्तृ॒णीया॒दर्धं ( )  
ना॒र्ध – मि॒ध्मस्या॑भ्या – द॒ध्या – दर्धं॑ न स्व ए॒वास्मा॑ आ॒यत॑ने भ्रातृ॒व्यं  
ज॒नय॑ति । 57

**2.2.10.5 - Padam**

इ॒तासु॑रिती॒त – अ॒सुः । भ॒वति॑ । जी॒वति॑ । ए॒व ।  
सो॒मारु॑द्रयो॒रिति॑ सो॒मा – रु॒द्रयोः॑ । वै । ए॒तम् । ग्र॑सितम् । हो॒ता ।  
नि॒रिति॑ । खि॒दति॑ । सः । ई॒श्वरः॑ । आ॒र्तिम् । आ॒र्तो॒रिया – अ॒र्तोः॑ ।  
अ॒नड्वा॑न् । हो॒त्रा । दे॒यः । वह्निः॑ । वै । अ॒नड्वा॑न् । वह्निः॑ । हो॒ता ।

पद पाठे (वाक्य सहित) – द्वितीयकाण्डे – द्वितीयः प्रश्नः

व॒हि॒ना । ए॒व । व॒हि॒म् । आ॒त्मा॒नम् । स्पृ॒णो॒ति । सो॒मा॒रौ॒द्रमि॒ति  
सो॒मा – रौ॒द्रम् । च॒रुम् । नि॒रि॒ति । व॒पेत् । यः । का॒मये॒त । स्वे ।  
अ॒स्मै । आ॒यत॑न इ॒त्या – यत॑ने । भ्रातृ॒व्यम् । ज॒नये॒यम् । इति॑ ।  
वेदि॑म् । परि॒गृह्ये॑ति परि – गृह्य॑ । अ॒र्धम् । उ॒द्ध॒न्यादि॒त्युत्-ह॒न्यात् ।  
अ॒र्धम् । न । अ॒र्धम् । ब॒र्हिषः॑ । स्तृ॒णीया॒त् । अ॒र्धम् ( ) । न ।  
अ॒र्धम् । इ॒ध्मस्य॑ । अ॒भ्याद॒ध्यादि॒त्यभि – आ॒दध्या॒त् । अ॒र्धम् । न ।  
स्वे । ए॒व । अ॒स्मै । आ॒यत॑न इ॒त्या – यत॑ने । भ्रातृ॒व्यम् ।  
ज॒नय॑ति । 57 (62) (रु॒द्रो – भ॑ष॒जं – वि॒न्दते – यदि॑ – स्तृ॒णीया॒दर्धं  
– द्वा॒दश॑ च) (A10)

**2.2.11.1**

ऐ॒न्द्रमे॒काद॑श॒कपा॒लं निर्व॑पे॒न्मा॒रुत॑ꣳ स॒प्तक॑पा॒लं ग्रा॒मका॑म इ॒न्द्रं चै॒व  
म॒रुत॑श्च स्वे॒न भा॒गधे॑ये॒नोप॑ धाव॒ति त ए॒वास्मै॑ स॒जा॒तान् प्र॑यच्छन्ति  
ग्रा॒म्ये॒व भ॑व॒त्याह॑वनीय ऐ॒न्द्रम॑धि श्रय॒ति गा॒र्हप॑त्ये मा॒रुतं  
पा॒पव॑स्य॒सस्य॑ वि॒धृत्यै॑ स॒प्तक॑पालो मा॒रुतो॑ भव॒ति स॒प्तग॑णा वै

पद पाठे (वाक्य सहित) – द्वितीयकाण्डे – द्वितीयः प्रश्नः

म॒रु॒तो॒ग॒ण॒श॒ ए॒वा॒स्मै॒ स॒जा॒ता॒न॒व॒ रु॒न्धेऽनू॒च्य॒मा॒न॒ आ॒ सा॒द॒य॒ति॒  
वि॒श॒मे॒वा – [ ] 58

**2.2.11.1 - Padam**

ऐ॒न्द्रम् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति॒ । व॒पे॒त् ।  
मा॒रु॒त॒म् । स॒प्त॒क॒पा॒ल॒मि॒ति॒ स॒प्त – क॒पा॒ल॒म् । ग्रा॒म॒का॒म॒ इति॒  
ग्रा॒म – का॒मः॑ । इ॒न्द्रम् । च॒ । ए॒व । म॒रु॒तः॑ । च॒ । स्वे॒न॑ ।  
भा॒ग॒धे॒ये॒ने॒ति॒ भा॒ग – धे॒ये॒न॑ । उ॒पे॒ति॒ । धा॒व॒ति॒ । ते॒ । ए॒व । अ॒स्मै॒ ।  
स॒जा॒ता॒नि॒ति॒ स॒-जा॒ता॒न् । प्रे॒ति॒ । य॒च्छ॒न्ति॒ । ग्रा॒मी॒ । ए॒व । भ॒व॒ति॒ ।  
आ॒ह॒व॒नी॒य॒ इत्या॑ – ह॒व॒नी॒यै॑ । ऐ॒न्द्रम् । अ॒धी॒ति॒ । श्र॒य॒ति॒ ।  
गा॒र्.ह॒प॒त्य॒ इति॒ गा॒र्.ह॒ – प॒त्ये॑ । मा॒रु॒त॒म् ।  
पा॒प॒व॒स्य॒स॒स्ये॒ति॒ पा॒प – व॒स्य॒स॒स्य॑ । वि॒धृ॒त्या॒ इति॒ वि – धृ॒त्यै॑ ।  
स॒प्त॒क॒पा॒ल॒ इति॒ स॒प्त – क॒पा॒लः॑ । मा॒रु॒तः॑ । भ॒व॒ति॒ ।  
स॒प्त॒ग॒णा॒ इति॒ स॒प्त – ग॒णाः॑ । वै॒ । म॒रु॒तः॑ । ग॒ण॒श॒ इति॒ ग॒ण॒-शः॑ ।  
ए॒व । अ॒स्मै॒ । स॒जा॒ता॒नि॒ति॒ स – जा॒ता॒न् । अ॒वे॒ति॒ । रु॒न्धे॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

अ॒नू॒च्य॒मा॒न इ॒त्यनु॒ – उ॒च्य॒मा॒ने । ए॒ति । सा॒दय॒ति । वि॒शम् ।

ए॒व । 58 (50)

**2.2.11.2**

–स्मा॑ अ॒नु॒व॒र्त्मानं॑ क॒रोत्ये॒तामे॒व नि॒र्व॒पे॒द्यः का॒मये॑त॒ क्ष॒त्राय॑ च॒ वि॒शे  
च॒ स॒म॒दं द॒ध्यामि॒त्यैन्द्र॒स्या-व॒द्यन् ब्रू॒यादिन्द्रा॒यानु॑ ब्रू॒हीत्या॑श्राव्य  
ब्रू॒यान्-म॒रुतो॑ य॒जेति॑ मा॒रुत॒स्याव॒द्यन् ब्रू॒यान्म॒रुद्भ्योऽनु॑ ब्रू॒हीत्या॑श्राव्य  
ब्रू॒यादिन्द्रं॑ य॒जेति॑ स्व॒ ए॒वैभ्यो॑ भा॒ग॒धेये॑ स॒म॒दं द॒धाति॑ वि॒तृ॒ञ्

हा॒णास्ति॑ष्ठन्त्ये॒ तामे॒व – [ ] 59

**2.2.11.2 - Padam**

अ॒स्मै । अ॒नु॒व॒र्त्मान॑मि॒त्यनु॒ – व॒र्त्मान॑म् । क॒रोति॑ । ए॒ताम् । ए॒व ।  
नि॒रिति॑ । व॒पेत् । यः । का॒मये॑त॒ क्ष॒त्राय॑ । च॒ वि॒शे । च॒ ।  
स॒म॒दमि॒ति स॒ – म॒दम् । द॒ध्याम् । इति॑ । ऐन्द्र॒स्य ।  
अ॒व॒द्यन्नित्य॑व – द्यन् । ब्रू॒यात् । इन्द्रा॒य । अ॒न्विति॑ । ब्रू॒हि । इति॑ ।  
आ॒श्राव्ये॒त्या – श्राव्य॑ । ब्रू॒यात् । म॒रुतः॑ । य॒ज । इति॑ । मा॒रुत॒स्य ।  
अ॒व॒द्यन्नित्य॑व – द्यन् । ब्रू॒यात् । म॒रुद्भ्य॑ इति॑ म॒रुत् – भ्यः ।

पद पाठे (वाक्य सहित) – द्वितीयकाण्डे – द्वितीयः प्रश्नः

अ॒न्वि॒ति॒ । ब्रू॒हि॒ । इति॑ । आ॒श्राव्ये॒त्या॑ – श्राव्य॑ । ब्रू॒यात् । इन्द्र॑म् ।  
यज॑ । इति॑ । स्वे॑ । ए॒व । ए॒भ्यः॑ । भा॒ग॒धे॒य॒ इति॑ भा॒ग – धे॒ये॑ ।  
स॒म॒द॒मि॒ति॒ स – म॒दम् । द॒धा॒ति॒ । वि॒तृ॒हा॒णा॒ इति॑ वि॒तृ॒हा॒णाः ।  
ति॒ष्ठ॒न्ति॒ । ए॒ताम् । ए॒व । 59 (50)

**2.2.11.3**

निर्व॑पे॒द्यः॒ का॒म॒ये॒त॒ क॒ल्पे॑र॒न्नि॒ति॒ यथा॑दे॒वत॑म॒व॒दा॒य॒ यथा॑ दे॒वतं॑ य॒जेद्-  
भा॒ग॒धे॒ये॒नै॒वैना॑न् यथा॑यथं॑ क॒ल्प॒य॒ति॒ क॒ल्प॒न्त॒ ए॒वैन्द्र॑-मे॒का॒द॒श॒क॒पा॒लं॒  
निर्व॑पे॒द्-वै॒श्व॒दे॒वं॒ द्वा॒द॒श॒क॒पा॒लं॒ ग्रा॒म॒का॒म॒ इन्द्रं॑ चै॒व वि॒श्वा॒श्च॑  
दे॒वा॒न्ध॒-स्वे॒न॒ भा॒ग॒धे॒ये॒नो॒प॒ धा॒व॒ति॒ त ए॒वा॒स्मै॑ स॒जा॒ता॒न्  
प्र॒य॒च्छ॒न्ति॒ ग्रा॒म्ये॑व॒ भव॑त्यैन्द्र॒स्या॒व॒दा॒य॒ वै॒श्व॒दे॒व॒स्या॒व॒

द्ये॒दथै॑न्द्र॒स्यो- [ ] 60

**2.2.11.3 - Padam**

नि॒रि॒ति॒ । व॒पे॒त् । यः॑ । का॒म॒ये॒त॒ क॒ल्पे॑र॒न् । इति॑ ।  
यथा॑दे॒वत॑मि॒ति॒ यथा॑ – दे॒वत॑म् । अ॒व॒दा॒ये॒त्य॒व – दा॒य॒ ।  
यथा॑दे॒वत॑मि॒ति॒ यथा॑ – दे॒वत॑म् । य॒जे॒त् । भा॒ग॒धे॒ये॒ने॒ति॒ भा॒ग-धे॒ये॒न॒ ।

पद पाठे (वाक्य सहित) – द्वितीयकाण्डे – द्वितीयः प्रश्नः

ए॒व । ए॒नान् । य॒था॒य॒थ॒मि॒ति॒ य॒था – य॒थ॒म् । क॒ल्प॒य॒ति॒ । क॒ल्प॒न्ते॒ ।  
ए॒व । ऐ॒न्द्र॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति॒ ।  
व॒पे॒त् । वै॒श्व॒दे॒व॒मि॒ति॒ वै॒श्व – दे॒व॒म् । द्वा॒द॒श॒क॒पा॒ल॒मि॒ति॒  
द्वा॒द॒श – क॒पा॒ल॒म् । ग्रा॒म॒का॒म॒ इति॒ ग्रा॒म – का॒मः॑ । इ॒न्द्र॒म् । च॒ ।  
ए॒व । वि॒श्वा॒न् । च॒ । दे॒वा॒न् । स्वे॒न । भा॒ग॒धे॒ये॒ने॒ति॒ भा॒ग – धे॒ये॒न॑ ।  
उ॒पे॒ति॒ । धा॒व॒ति॒ । ते॒ । ए॒व । अ॒स्मै॒ । स॒जा॒ता॒नि॒ति॒ स – जा॒तान्॑ ।  
प्रे॒ति॒ । य॒च्छ॒न्ति॒ । ग्रा॒मी॒ । ए॒व । भ॒व॒ति॒ । ऐ॒न्द्र॒स्य॑ ।  
अ॒व॒दा॒ये॒त्य॒व – दा॒य॒ । वै॒श्व॒दे॒व॒स्ये॒ति॒ वै॒श्व–दे॒व॒स्य॑ । अ॒वे॒ति॒ । द्ये॒त् ।  
अथ॑ । ऐ॒न्द्र॒स्यः॑ । 60 (50)

**2.2.11.4**

–प॒रि॒ष्ठा॒दि॒न्द्रि॒ये॒णै॒वा॒स्मा॑ उ॒भय॑तः स॒जा॒तान्॑ प॒रि॒ गृ॒ह्णा॒त्यु॒पा॒धा॒य्य॑ पू॒र्व॒यं  
वा॒सो॑ दक्षि॒णा स॒जा॒ता॒ना॒मु॒प॒हि॒त्यै॑ पृ॒श्नि॒यै॑ दु॒ग्धे॑ प्रै॒य॒ङ्ग॒वं च॒रुं  
नि॒र्व॒पे॒न्म॒रु॒द्भ्यो॑ ग्रा॒म॒का॒मः॑ पृ॒श्नि॒यै॑ वै प॒य॒सो म॒रु॒तो जा॒ताः पृ॒श्नि॒यै॑  
प्रि॒य॒ङ्ग॒वो मा॒रु॒ताः ख॒लु॒ वै दे॒व॒त॒या स॒जा॒ता म॒रु॒त ए॒व स्वे॒न॑



पद पाठे (वाक्य सहित) – द्वितीयकाण्डे – द्वितीयः प्रश्नः

भा॒ग॒धे॒ये॒नो॒प॒ धा॒व॒ति॒ त॒ ए॒वा॒स्मै॒ स॒जा॒ता॒न् प्र॒य॒च्छ॒न्ति॒ ग्रा॒म्ये॒व भ॒व॒ति॒  
प्रि॒य॒व॒ती या॒ज्या॒नुवा॒क्ये – [ ] 61

**2.2.11.4 - Padam**

उ॒प॒रि॒ष्ठा॒त् । इ॒न्द्रि॒ये॒ण । ए॒व । अ॒स्मै । उ॒भय॑तः ।  
स॒जा॒ता॒नि॒ति स – जा॒ता॒न् । प॒री॒ति । गृ॒ह्णा॒ति ।  
उ॒पा॒धा॒य्य॒पूर्व॑य॒मित्यु॑पा॒धा॒य्य – पूर्॒व॒य॒म् । वा॒सः । दक्षि॑णा ।  
स॒जा॒ता॒ना॒मि॒ति स – जा॒ता॒ना॒म् । उ॒प॒हि॒त्या इ॒त्यु॒प – हि॒त्यै ।  
पृ॒श्नि॒यै । दु॒ग्धे । प्रै॒य॒ङ्ग॒व॒म् । च॒रु॒म् । नि॒रि॒ति । व॒पे॒त् । म॒रु॒द्भ्य॒ इति॑  
म॒रु॒त् – भ्यः॑ । ग्रा॒म॒का॒म॒ इति॑ ग्रा॒म – का॒मः । पृ॒श्नि॒यै । वै ।  
प॒य॒सः । म॒रु॒तः । जा॒ताः । पृ॒श्नि॒यै । प्रि॒य॒ङ्ग॒वः । मा॒रु॒ताः । ख॒लु ।  
वै । दे॒व॒त॒या । स॒जा॒ता इति॑ स – जा॒ताः । म॒रु॒तः । ए॒व । स्वे॒न ।  
भा॒ग॒धे॒ये॒ने॒ति भा॒ग – धे॒ये॒न । उ॒पे॒ति । धा॒व॒ति । ते । ए॒व । अ॒स्मै ।  
स॒जा॒ता॒नि॒ति स – जा॒ता॒न् । प्रे॒ति । य॒च्छ॒न्ति । ग्रा॒मी । ए॒व ।  
भ॒व॒ति । प्रि॒य॒व॒ती इति॑ प्रि॒य – व॒ती ।  
या॒ज्या॒नुवा॒क्ये इति॑ या॒ज्या – अ॒नुवा॒क्ये ॥ 61 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.11.5**

भवतः॑ प्रि॒यमे॒वैन॑ स्मानानां॑ करोति॑ द्वि॒पदा॑ पु॒रोऽनु॒वाक्या॑ भवति॑  
द्वि॒पद॑ ए॒वाव॑ रुन्धे॑ चतु॒ष्पदा॑ या॒ज्या चतु॒ष्पद॑ ए॒व प॒शून्व॑ रुन्धे॑  
दे॒वासु॒राः संय॑त्ता आ॒सन् ते॑ दे॒वा मि॒थो वि॒प्रिया॑ आ॒सन् ते॑ (1)  
ऽन्यो॑ऽन्यस्मै॑ ज्यैष्ठा॒याया॑-तिष्ठ॒मानाश्चतु॑र्धा व्य॒क्राम॑न् न॒ग्निर्वसु॑भिः सोमो॑  
रु॒द्रैरिन्द्रो॑ मरु॒द्भिर्ब॒रुण॑ आ॒दित्यैः॑ स इन्द्रः॑  
प्र॒जाप॑तिमु॒पाधा॑वत् त - [ ] 62

**2.2.11.5 - Padam**

भवतः॑ । प्रि॒यम् । ए॒व । ए॒नम् । स्मा॒नाना॑म् । करोति॑ ।  
द्वि॒पदेति॑ द्वि - पदा॑ । पु॒रोऽनु॒वाक्येति॑ पु॒रः - अनु॒वाक्या॑ । भवति॑ ।  
द्वि॒पद॑ इति॑ द्वि - पदः॑ । ए॒व । अवेति॑ । रुन्धे॑ । चतु॒ष्पदेति॑  
चतुः॑ - पदा॑ । या॒ज्या । चतु॒ष्पद॑ इति॑ चतुः॑ - पदः॑ । ए॒व । प॒शून् ।  
अवेति॑ । रुन्धे॑ । दे॒वासु॒रा इति॑ दे॒व - असु॒राः ।  
संय॑त्ता इति॑ सं - यत्ताः॑ । आ॒सन् । ते । दे॒वाः । मि॒थः । वि॒प्रिया॑  
इति॑ वि - प्रि॒याः । आ॒सन् । ते । अ॒न्यः । अ॒न्यस्मै॑ । ज्यैष्ठा॒याय॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

अतिष्ठ॑मानाः । चतु॑र्धेति॑ चतुः – धा । वी॑ति । अक्रामन् । अ॒ग्निः ।  
वसु॑भिरिति॑ वसु – भिः । सोमः । रु॒द्रैः । इन्द्रः । मरु॑दिभिरिति॑  
मरुत् – भिः । वरु॑णः । आ॒दित्यैः । सः । इन्द्रः । प्र॒जाप॑तिमिति॑  
प्र॒जा – प॑तिम् । उपे॑ति । अ॒धाव॑त् । तम् । 62 (50)

**2.2.11.6**

–मे॒तया॑ सं॒ज्ञान्या॑ऽयाज॑येद॒ग्नये॑ वसु॑मते पु॒रोडा॑शम॒ष्टाक॑पालं  
नि॒रव॑पथ् सोमा॑य रु॒द्रव॑ते चरु॑मिन्द्रा॑य मरु॑त्वते पु॒रोडा॑श –  
मे॒काद॑शकपालं वरु॑णायाऽऽ\*दि॒त्यव॑ते चरुं॑ ततो॑ वा इन्द्रं॑ दे॒वा  
ज्यै॑ष्ठ्याया॒भि॒ सम॑जानत॒ यः स॒मानै॑र्मि॒थो वि॒प्रियः॑ स्यात् तमे॒तया॑  
सं॒ज्ञान्या॑ याज॑येद॒ग्नये॑ वसु॑मते पु॒रोडा॑शम॒ष्टाक॑पालं नि॒र्वपे॑थ् सोमा॑य  
रु॒द्रव॑ते चरु॑मिन्द्रा॑य मरु॑त्वते पु॒रोडा॑शमे॒काद॑शकपालं वरु॑णाया ( )  
ऽऽ\*दि॒त्यव॑ते चरु॑मिन्द्रमे॒वैनं॑ भू॒तं ज्यै॑ष्ठ्याय स॒माना॑ अ॒भि सं जा॑नते  
वसि॑ष्ठः स॒माना॑नां॑ भवति । 63

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.11.6 - Padam**

ए॒तया॑ । सं॒ज्ञान्ये॑ति सं – ज्ञान्या॑ । अ॒याज॑यत् । अ॒ग्नये॑ ।  
व॒सु॒मत॑ इति व॒सु – म॒ते । पु॒रोडा॑शम् ।  
अ॒ष्टाक॑पालमि॒त्यष्टा॑ – क॒पालम् । नि॒रिति॑ । अ॒वप॑त् । सो॒माय॑ ।  
रु॒द्रव॑त इति रु॒द्र – व॒ते । च॒रुम् । इन्द्रा॑य । म॒रुत्व॑ते । पु॒रोडा॑शम् ।  
ए॒काद॑शक॒पालमि॒त्येका॑दश – क॒पालम् । व॒रुणाय॑ ।  
आ॒दि॒त्यव॑त इ॒त्यादि॒त्य – व॒ते । च॒रुम् । ततः॑ । वै । इन्द्र॑म् । दे॒वाः ।  
ज्यैष्ठ्या॑य । अ॒भि । स॒मिति॑ । अ॒जान॑त । यः । स॒मानैः । मि॒थः ।  
वि॒प्रि॒य इति॑ वि – प्रि॒यः । स्या॑त् । तम् । ए॒तया॑ । सं॒ज्ञान्ये॑ति  
सं – ज्ञान्या॑ । या॒जये॑त् । अ॒ग्नये॑ । व॒सु॒मत॑ इति व॒सु – म॒ते ।  
पु॒रोडा॑शम् । अ॒ष्टाक॑पालमि॒त्यष्टा॑ – क॒पालम् । नि॒रिति॑ । व॒पेत् ।  
सो॒माय॑ । रु॒द्रव॑त इति रु॒द्र – व॒ते । च॒रुम् । इन्द्रा॑य । म॒रुत्व॑ते ।  
पु॒रोडा॑शम् । ए॒काद॑शक॒पालमि॒त्येका॑दश – क॒पालम् । व॒रुणाय॑ ( ) ।  
आ॒दि॒त्यव॑त इ॒त्यादि॒त्य – व॒ते । च॒रुम् । इन्द्र॑म् । ए॒व । ए॒नम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

भू॒तम् । ज्यै॑ष्ठ्या॒य । स॒मा॒नाः । अ॒भि । स॒मि॒ति । जा॒न॒ते । व॒सि॒ष्ठः ।

स॒मा॒ना॒नाम् ॥ भ॒व॒ति । 63 (64)

(वि॒श॒मे॒व – ति॒ष्ठ॒न्त्ये॒ता॒मे – वा॒थै॒न्द्र॒स्य – या॒ज्या॒नु॒वा॒क्ये – तं –  
वै॒रु॒णाय – च॒तु॒र्द॒श च) (A11)

### 2.2.12.1

हि॒र॒ण्य॒ग॒र्भ आपो॑ ह॒ यत् प्र॒जा॒प॒ते ।

स वे॒द पु॒त्रः पि॒तर॑ꣳ स मा॒तर॑ꣳ स सू॒नुर्भु॑व॒थ् स भु॑व॒त् पु॒न॒र्म॒घः ।

स द्या॒मौ॒र्णो॑द॒न्तरि॑क्षꣳ स सु॒वः स वि॒श्वा भु॑वो अ॒भव॒थ् स

आ\*ऽभ॑व॒त् । उ॒दु त्यं चि॒त्रं । स प्र॒त्न॒व॒न्नवी॑यसाऽ\*ग्ने॑ द्यु॒म्ने॒न सँ॑य॒ता ॥

बृ॒ह॒त् त॒त॒न्थ भा॒नु॒ना ॥ नि का॒व्या वे॒ध॒सः श॑श्व॒तस्कर्॒ह॒स्ते

द॒धा॒नो – [ ] 64

### 2.2.12.1 - Padam

हि॒र॒ण्य॒ग॒र्भ इति॑ हि॒र॒ण्य – ग॒र्भः । आ॒पः । ह॒ । यत् ।

प्र॒जा॒प॒त इति॑ प्र॒जा – प॒ते । सः । वे॒द । पु॒त्रः । पि॒तर॑म् । सः ।

मा॒तर॑म् । सः । सू॒नुः । भु॑व॒त् । सः । भु॑व॒त् । पु॒न॒र्म॒घ इति॑

पद पाठे (वाक्य सहित) – द्वितीयकाण्डे – द्वितीयः प्रश्नः

पुनः॑ – म॒घः॑ । सः॑ । द्या॒म् । औ॒र्णा॑त् । अ॒न्तरि॑क्षम् । सः॑ । सु॒वः॑ ।  
सः॑ । वि॒श्वाः॑ । भु॒वः॑ । अ॒भव॑त् । सः॑ । ए॒ति॑ । अ॒भव॑त् । उ॒दि॒ति॑ ।  
उ॒ । त्य॑म् । चि॒त्रम् । सः॑ । प्र॒त्न॒व॒दि॒ति॑ प्र॒त्न॒-व॑त् । न॒वी॒य॒सा॑ । अ॒ग्ने॑ ।  
द्यु॒म्ने॑न । सँ॒य॒ते॒ति॑ सं – य॒ता॑ । बृ॒ह॒त् । त॒त॒न्थ॑ । भा॒नु॒ना॑ । नी॒ति॑ ।  
का॒व्या॑ । वे॒ध॒सः॑ । श॒श्व॒तः॑ । कः॑ । ह॒स्ते॑ । द॒धा॒नः॑ । 64 (50)

**2.2.12.2**

न॒र्या॑ पु॒रू॒णि॑ । अ॒ग्नि॒र्भु॒व॒द्र॒यि॒प॒ती॑ र॒यी॒णा॑ꣳ स॒त्रा च॑क्रा॒णो अ॒मृ॒ता॒नि॑  
वि॒श्वा॑ । हि॒र॒ण्य॒पा॒णि॒मू॒त॒ये॑ स॒वि॒ता॒र॒मु॒प॒ ह्व॑ये । स॒ चे॒त्ता॑ दे॒व॒ता॑ प॒दं ।  
वा॒म॒म॒द्य॑ स॒वि॒त॒र्वा॒म॒मु॒ श्रो॑ दि॒वे॒दि॒वे॑ वा॒म॒म॒स्म॒भ्य॑ꣳ सा॒वीः॑ ।  
वा॒म॒स्य॑ हि क्ष॒य॒स्य॑ दे॒व भू॒रे॒र॒या धि॒या वा॒म॒भा॒जः॑ स्या॒म ।  
ब॒डि॒त्था॑ प॒र्व॒ता॒नां॑ खि॒द्रं बि॒भर्॑षि पृथि॒वि ।

प्र॒ या भू॑मि प्र॒व॒त्व॒ति॑ म॒हा जि॒नो॒षि॑ – [ ] 65

**2.2.12.2 - Padam**

न॒र्या॑ । पु॒रू॒णि॑ । अ॒ग्निः॑ । भु॒व॒त् । र॒यि॒प॒ति॒रि॒ति॑ र॒यि – प॒तिः॑ ।  
र॒यी॒णा॒म् । स॒त्रा । च॒क्रा॒णः॑ । अ॒मृ॒ता॒नि॑ । वि॒श्वा॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

हिरण्यपाणिमिति हिरण्य – पाणिम् । ऊतये । सवितारम् । उपेति ।  
ह्वये । सः । चेत्ता । देवता । पदम् । वामम् । अद्य । सवितः ।  
वामम् । उ । श्वः । दिवेदिव इति दिवे – दिवे । वामम् ।  
अस्मभ्यमित्यस्म – भ्यम् । सावीः । वामस्य । हि । क्षयस्य ।  
देव । भूरैः । अया । धिया । वामभाज इति वाम – भाजः ।  
स्याम । बट् । इत्था । पर्वतानाम् । खिद्रम् । बिभर्षि ।  
पृथिवि । प्रेति । या । भूमि । प्रवत्वति । महा । जिनोषि । 65 (50)

**2.2.12.3**

महिनि । स्तोमासस्त्वा विचारिणि प्रतिष्ठोभन्त्यक्तुभिः । प्रया वाजं न  
हेषन्तं पेरुमस्यस्यर्जुनि । ऋदूदरेण सख्या सचेय यो मा न  
रिष्यैर्द्धयश्च पीतः । अयं यः सोमो न्यधाय्यस्मे तस्मा इन्द्रं  
प्रतिरमेम्यच्छ । आपान्तमन्युस्तृपल-प्रभर्मा धुनिः शिमी  
वाञ्छरुमाञ् ऋजीषी । सोमो विश्वान्यतसा वनानि नार्वागिन्द्रं  
प्रतिमानानि देभुः । प्र – [ ] 66

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.12.3 - Padam**

महि॒नि । स्तो॒मा॒सः । त्वा । वि॒चा॒रि॒णीति॑ वि – चा॒रि॒णि । प्र॒तीति॑ ।  
स्तो॒भन्ति॑ । अ॒क्तु॒भि॒रित्य॑क्तु – भिः । प्रेति॑ । या । वा॒जम् । न ।  
हेष॑न्तम् । पे॒रुम् । अ॒स्य॒सि । अ॒र्जु॒नि । ऋ॒दू॒दरे॑ण । स॒ख्या । स॒चेय॑ ।  
यः । मा । न । रिष्ये॑त् । ह॒र्य॒श्चेति॑ ह॒रि-अ॒श्व । पी॒तः । अ॒यम् । यः ।  
सोमः॑ । न्य॒धा॒यीति॑ नि – अ॒धा॒यी । अ॒स्मे इति॑ । तस्मै॑ । इन्द्र॑म् ।  
प्रति॑रमि॒ति प्र – ति॒रम् । ए॒मि । अ॒च्छ ।  
आपा॑न्तम॒न्युरि॒त्यापा॑न्त – म॒न्युः । तृ॒पल॑प्र॒भर्मेति॑ तृ॒पल॑ – प्र॒भर्मा॑ ।  
धु॒निः । शि॒मी॒वान् । श॒रु॒मानि॑ति श॒रु – मा॒न् । ऋ॒जी॒षी । सोमः॑ ।  
वि॒श्वानि॑ । अ॒त॒सा । व॒नानि॑ । न । अ॒र्वाक् । इन्द्र॑म् । प्र॒ति॒मा॒नानीति॑  
प्रति॑ – मा॒नानि॑ । दे॒भुः । प्रेति॑ । 66 (50)

**2.2.12.4**

सु॒वा॒नः सोम॑ ऋ॒तयु॑श्चि॒केते॑न्द्रा॒य ब्र॒ह्म ज॒मद॑ग्निर॒र्चन् ।  
वृ॒षा य॒न्ताऽसि॑ श॒वस॑स्तु॒रस्यान्त॑र्य॒च्छ गृ॑णते ध॒र्त्रं दृ॒ह ।  
स॒बा॒धस्ते॒ मदं॑ च शु॒ष्मयं॑ च ब्र॒ह्म नरो॑ ब्र॒ह्मकृ॑तः स॒पर्य॑न् ।



पद पाठे (वाक्य सहित) – द्वितीयकाण्डे – द्वितीयः प्रश्नः

---

अ॒र्को वा॒ यत् तुर॑ते सोम॑चक्षास्तत्रेदिन्द्रो॑ दधते॑ पृ॒थ्सु तुर्या॑ ।  
वषट् ते विष्णो॑ वास आ कृ॑णोमि तन्मे जुष॑स्व शिपिविष्ट ह॒व्यं । 67

**2.2.12.4 - Padam**

सु॒वानः । सोमः॑ । ऋ॒तयुरि॑त्यृत – युः । चि॒केत॑ । इन्द्रा॑य ।  
ब्र॒ह्म । ज॒मद॑ग्निः । अ॒र्चन् । वृषा॑ ॥ य॒न्ता । अ॒सि । श॒वसः॑ ।  
तुर॑स्य । अ॒न्तः । य॒च्छ । गृ॒णते॑ । ध॒र्त्रम् । दृ॒ह ।  
स॒बाध॑ इति स – बाधः॑ । ते । म॒दम् । च । शु॒ष्मय॑म् । च ।  
ब्र॒ह्म । नरः॑ । ब्र॒ह्मकृ॑त इति ब्रह्म – कृ॑तः । स॒पर्य॑न् ।  
अ॒र्कः । वा॒ । यत् । तुर॑ते । सोम॑चक्षा इति सोम – चक्षाः॑ । तत्र॑ ।  
इत् । इन्द्रः॑ । दध॑ते । पृ॒थि॒स्वति॑ पृत् – सु । तुर्या॑म् । वषट् ।  
ते । वि॒ष्णो । आ॒सः । ए॒ति । कृ॑णोमि । तत् । मे । जुष॑स्व ।  
शि॒पि॒विष्टे॑ति शिपि – विष्ट॑ । ह॒व्यम् । 67 (50)

**2.2.12.5**

व॒र्धन्तु॑ त्वा सु॒ष्टुत॑यो गि॒रो मे॑ यू॒यं पा॑त स्व॒स्तिभिः॑ सदा॑ नः ।  
प्र तत् ते अ॒द्य शि॒पि॒विष्ट॑ नामा॒र्यः श॒ सामि॑ व॒युना॑नि वि॒द्वान् ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

त॒न्त्वा॑ गृ॒णामि॑ त॒वस॑म॒तवी॒यान् क्ष॑य॒न्तम॑स्य रज॒सः प॑रा॒के ।  
कि॒मित् ते॑ वि॒ष्णो परि॑चक्ष्यं॒ भूत् प्र॑ यद्व॒वक्षे॑ शि॒पिवि॑ष्टो अ॒स्मि ।  
मा॒ वर्पो॑ अ॒स्मदप॑ गू॒ह ए॒तद्य॑दन्य॒रूपः॑ स॒मिथे॑ ब॒भूथ॑ । 68

**2.2.12.5 - Padam**

व॒र्धन्तु॑ । त्वा॒ । सु॒ष्टुत॑य इति॒ सु – स्तु॑तयः । गि॒रः । मे॒ ।  
यू॒यम् । पा॒त । स्व॒स्तिभि॑रिति॒ स्व॒स्ति – भिः॑ । स॒दा॑ । नः॑ । प्रेति॑ ।  
तत् । ते॒ । अ॒द्य । शि॒पिवि॑ष्टेति॒ शि॒पि – वि॑ष्ट । ना॒म । अ॒र्यः ।  
श॒सामि॑ । व॒युना॑नि । वि॒द्वान् । तम् । त्वा॒ । गृ॒णामि॑ ।  
त॒वस॑म् । अ॒तवी॒यान् । क्ष॑य॒न्तम् । अ॒स्य । रज॒सः । प॑रा॒के ।  
कि॒म् । इत् । ते॒ । वि॒ष्णो इति॑ । परि॑चक्ष्यमि॒ति परि॑ – चक्ष्य॑म् ।  
भूत् । प्रेति॑ । यत् । व॒वक्षे॑ । शि॒पिवि॑ष्ट इति॒ शि॒पि – वि॑ष्टः ।  
अ॒स्मि । मा॒ । वर्पः॑ । अ॒स्मत् । अपेति॑ । गू॒हः । ए॒तत् । यत् ।  
अ॒न्यरू॑प इत्य॒न्य – रू॒पः । स॒मिथ॑ इति॒ सं – इ॒थे ।  
ब॒भूथ॑ । 68 (50)

पद पाठे (वाक्य सहित) – द्वितीयकाण्डे – द्वितीयः प्रश्नः

**2.2.12.6**

अग्ने॑ दा॒ दाशु॑षे रयिं॑ वी॒रव॑न्तं परी॑णसं । शि॒शीहि॑ नः॒ स॒नू॒म॒तः॑ ।  
दा नो॑ अग्ने॑ शति॒नो दाः॑ सह॒स्रि॒णो दुरो॑ न वाज॑ श्रु॒त्या अपा॑ वृ॒धि ।  
प्राची॑ द्यावा॑पृथि॒वी ब्र॒ह्म॒णा कृ॒धि सु॒वर्ण॑ शु॒क्रमु॑षसो वि दि॒द्युतुः॑ ।  
अ॒ग्निर्दा॒ द्रवि॑णं वी॒रपे॑शा अ॒ग्निर्ऋ॒षिं यः॑ सह॒स्रा स॒नोति॑ ।  
अ॒ग्निर्दिवि॑ ह॒व्यमा॑ त॒ताना॑ग्नेर्धा॒मानि॑ विभृ॒ता पु॒रुत्रा॑ । मा – [ ] 69

**2.2.12.6 - Padam**

अग्ने॑ । दाः । दाशु॑षे । रयि॑म् । वी॒रव॑न्तमि॒ति वी॒र – व॑न्तम् ।  
परी॑णसमि॒ति परी॑ – न॒सम् । शि॒शीहि॑ । नः । स॒नू॒म॒त इति॑  
स॒नू॒म॒तः । दाः । नः । अग्ने॑ । शति॒नः । दाः । सह॒स्रि॒णः । दुरः॑ ।  
न । वाज॑म् । श्रु॒त्यै । अपे॑ति । वृ॒धि । प्राची॑ इति॑ । द्यावा॑पृथि॒वी इति॑  
द्यावा॑ – पृथि॒वी । ब्र॒ह्म॒णा । कृ॒धि । सु॒वः । न । शु॒क्रम् । उ॒षसः॑ ।  
वी॒ति । दि॒द्युतुः॑ । अ॒ग्निः । दाः । द्रवि॑णम् । वी॒रपे॑शा इति॑  
वी॒र – पे॑शाः । अ॒ग्निः । ऋ॒षिम् । यः । सह॒स्रा । स॒नोति॑ । अ॒ग्निः ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

दिवि । हव्यम् । एति । ततान । अग्नेः । धामानि ।

विभृतेति वि – भृता । पुरुत्रेति पुरु – त्रा । मा । 69 (50)

**2.2.12.7**

नो मर्धी रा तू भर ।

घृतं न पूतं तनूररेपाः शुचि हिरण्यं । तत् ते रुक्मो न रोचत स्वधावः ।

उभे सुश्चन्द्र सर्पिषो दर्वी श्रीणीष आसनि । उतो न उत् पुपूर्या  
उक्थेषु शवसस्पत इष स्तोतृभ्य आ भर । वायो शत हरीणां  
युवस्व पोष्यानां । उत वा ते सहस्रिणो रथ आ यातु पाजसा । प्र

याभि – [ ] 70

**2.2.12.7 - Padam**

नः । मर्धीः । एति । तू । भर । घृतम् । न । पूतम् । तनूः ।

अरेपाः । शुचि । हिरण्यम् । तत् । ते । रुक्मः । न । रोचत ।

स्वधाव इति स्वधा – वः । उभे इति । सुश्चन्द्रेति सु – चन्द्र ।

सर्पिषः । दर्वी इति । श्रीणीषे । आसनि । उतो इति । नः । उदिति ।

पुपूर्याः । उक्थेषु । शवसः । पते । इषम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

---

स्तो॒तृ॒भ्य॒ इति॑ स्तो॒तृ॒-भ्यः॑ । ए॒ति॑ । भ॒र । वा॒यो इति॑ । श॒तम् ।  
ह॒री॒णाम् । यु॒वस्व॑ । पो॒ष्या॒णाम् । उ॒त । वा । ते । स॒हस्रि॑णः । रथः॑ ।  
ए॒ति॑ । या॒तु । पा॒जसा॑ । प्रेति॑ । या॒भिः । 70 (50)

**2.2.12.8**

-या॒सि दा॒श्वाꣳ स॒मच्छा॑ नि॒युद्धि॑-र्वा॒यवि॑ष्टये॒ दुरो॑णे ।  
नि नो॑ र॒यिꣳ सु॒भोज॑सं यु॒वेह॑ नि वी॒रव॑द्-ग॒व्यम॑श्चि॒यं च रा॒धः ।  
रे॒वती॑र्नः स॒धमा॑द इ॒न्द्रे स॒न्तु तु॒विवा॑जाः । क्षु॒मन्तो॑ या॒भिर्म॑देम ।  
रे॒वाꣳ इ॒द्रेव॑तः स्तो॒ता स्या॑त् त्वा॒वतो॑ म॒घो नः॑ ।  
प्रे॒दु ह॒रि॒वः श्रु॑तस्य । 71

**2.2.12.8 - Padam**

या॒सि । दा॒श्वाꣳस॑म् । अ॒च्छ । नि॒युद्धि॑रिति॒ नियु॑त् - भिः । वा॒यो ।  
इ॒ष्टये॑ । दुरो॑ण इति॒ दुः - ओ॒ने । नी॒ति । नः । र॒यिम् ।  
सु॒भोज॑समि॒ति सु॑ - भोज॑सम् । यु॒व । इ॒ह । नी॒ति । वी॒रव॑दिति॒  
वी॒र - व॑त् । ग॒व्यम् । अ॒श्चि॒यम् । च । रा॒धः । रे॒वतीः॑ । नः ।  
स॒धमा॑द इति॒ स॒ध - मा॑दः । इ॒न्द्रे । स॒न्तु । तु॒विवा॑जा इति॒

पद पाठे (वाक्य सहित) – द्वितीयकाण्डे – द्वितीयः प्रश्नः

तु॒वि – वा॒जाः । क्षु॒मन्तः॑ । या॒भिः॑ । म॒दे॒म । रे॒वान् । इत् । रे॒वतः॑ ।  
स्तो॒ता । स्यात् । त्वा॒वत॑ इति॒ त्व – व॒तः । म॒घो॒नः । प्रेति॑ । इत् ।  
उ । ह॒रि॒व इति॑ ह॒रि – वः॑ । श्रु॒तस्य॑ । 71 (40)

(द॒धानो॑ – जि॒नोषि॑ – दे॒भुः प्र – ह॒व्यं – ब॒भूथ॑ – मा – या॒भि  
– श्र॒त्वा॒रि॒ञ्च॑ ) (A12)

**Prasna Korvai with starting Padams of 1 to 12 Anuvaakams :-**

(प्र॒जा॒प॒ति॒स्ताः॑ सृ॒ष्टा – अ॒ग्नये॑ प॒थि॒कृते॑ – ग्नये॑ का॒मा॒या –  
ग्नये॑न्न॒वते॑ – वै॒श्वान॒र – मा॒दित्यं॑ च॒रु – मै॒न्द्रं च॒रु – मि॒न्द्रा॒यान्वृ॑ज॒व  
– आ॒ग्ना॒वैष्ण॑व – म॒सौ सो॒मा॒रौ॒द्र – मै॒न्द्रमे॑का॒दश॑क॒पाल॑ –  
हि॒रण्य॑ग॒र्भो – द्वा॒दश॑ )

**Korvai with starting Padams of 1, 11, 21 Series of Panchaatis :-**

(प्र॒जा॒प॒ति – र॒ग्नये॑ का॒मा॒या – ऽभि॑ सं भ॒वतो॑ – यो वि॒द्विषा॑ण॒यो  
– रि॒ध्मे स॒न्न ह्ये॑ – दा॒ग्ना॒वैष्ण॑वमु – प॒रि॒ष्टा – द्या॒सि दा॒श्वा॑ – स –  
मे॒कस॑प्त॒तिः )

पद पाठे (वाक्य सहित) – द्वितीयकाण्डे – द्वितीयः प्रश्नः

---

**First and Last Padam of Second Prasnam of Kanda 2 :-**

(प्र॒जाप॑तिः – प्रे॒दु॑ हरि॒वः श्रु॑तस्य)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे

द्वितीयकाण्डे द्वितीयः प्रश्नः समाप्तः ॥

---

## पद पाठे (वाक्य सहित) – द्वितीयकाण्डे – द्वितीयः प्रश्नः

### Details of Panchati and Padam for Kandam 2 – Prasanam 2 – TS 2.2

	Panchati	Padams
Anuvakam 1	5	239
Anuvakam 2	5	254
Anuvakam 3	4	188
Anuvakam 4	8	406
Anuvakam 5	7	329
Anuvakam 6	5	236
Anuvakam 7	5	257
Anuvakam 8	6	314
Anuvakam 9	7	337
Anuvakam 10	5	262
Anuvakam 11	6	314
Anuvakam 12	8	390
Total →	71	3526

#### Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).